


15765



ԱԶԳԱՅԻՆ ԶՈԶԵՐ



Բ.

Ստեփան Բաբազեան. — Խաչատուր Միսաքեան.
— Սուքիաս Քաղանճեան. — Վահան Պարտիզակցի.
— Գրիգոր Արծրունի. — Քրիստոստուբ Ղազարու-
եան. — Գրիգոր Էնֆլյէճեան. — Պոլոս Պօյնու-
էյրիեան. — Համբարձում Իվելքմեան. — Յովհան-
նէս Միւհէնտիսեան :



Կ. ՊՕԼԻՍ

ՏՊԱԳՐՈՒԹԻՒՆ Մ. ՍԱՐՋԵԱՆ

1880

ԱԶԳԱՅԻՆ ԶՈԶԵՐ

ՍՏԵՓԱՆ ՓԱՓԱԶԵԱՆ

Ստեփան Պերճ Պօղոս Փափազեան, դաստու, ազգային երեսփոխան, այցելութիւն տուաւ աշխարհին այն ձեւով որով գարուս մեծ մարդերն իրարու կ'այցելեն. այսինքն կանխաւ հարցուց աշխարհին թէ ժամանակ ունի իւր այցելութիւնն ընդունելու : Գինեմոլի մը քթէն աւելի կարմիր սահմանադրական և ժողովրդեան իրաւունքներուն տենդէ մը աւելի ջերմ պաշտպան ըլլալով՝ նախապէս հասկնալ ուզեց թէ մի գուցէ իր աշխարհ գալն վնասէ ազգային շահերուն . ուստի մօրն արդանդէն հարցում մը ներկայացուց հետեւեալ իմաստով.

« Իմ աշխարհ գալս ժողովրդեան իրաւունքներուն հակառակ է թէ ոչ : »

Այս հարցումն կարծիքներու տարածայնութիւն մը դոյացուց ազգին մէջ: Մէկ մասն որ ամիրայականն էր Փափազեանի ծնունդն հակառակ դատելով ազգային շահերուն անոր հարցման հետեւեալ կերպով կը պատասխանէր .

« Եթէ ձեր աշխարհ գալը քիչ մը երկա-

բաձգէք՝ ազգին մեծ ծառայութիւն մը ըրած
կ'ըլլաք :

Միւս մասն որ ժողովրդական էր և որուն
մէջ սխալմամբ սպրդած էին քանի մը ամ-
բաստանված կրօնաւորներ որոնք, արդարա-
նալու համար, անհամբեր ֆափազեանի գա-
լըստեան կ'սպասէին, անոր ծնունդը համա-
ձայն կը կարծէին ազգային շահերուն և իւր
հարցման այս պատասխանը կուտային.

« կարելի եղածին չափ շուտ գալու աշ-
խատեցէք : »

Այս վերջին մասը մեծամասնութիւն կը
կազմէ և կ'որոշէ որ ֆափազեան աղատ է աշ-
խարհ գալու :

Փափազեան, որ աշխարհ գալէն աւելի
կը փափաքէր Ղալաթիոյ խորհրդարանը գալ,
որպէս զի հոն ամուր դիրք մը բռնելով դիւ-
րութեամբ կարենար պաշտպանել ազգային
շահերն որոնց մէջ ինքն ալ խոշոր շահ մ'ու-
նէր անշուշտ իրեւ ժողովրդեան խոշոր մէկ
անհատը, փափազեան, կ'ըսեմ, ջանաց առջի
բերան քիչ մը բարեփոխել այս որոշումն. իսկ
երբ համոզվեցաւ որ անկարելի էր՝ հաւանե-
ցաւ Խաս-գիւղ գալ 1839 թուականին Նոյեմ-
բեր ամսուն մէջ :

Այս տղան ծնելուն պէս թմրութեան մէջ
ինկաւ . կենդանութեան նշան մը չէր երեւար
իր վրայ և մանկաբարձն պատրաստվելու վրայ
էր վերջին բառն ըսելով յայտնելու թէ մե-

ռած է երբ յանկարծ կը տեսնէ որ անոր լե-
զուն կը շարժի : Այս լեզուն որ քանի շարժէր
կը մեծնար՝ երեք վայրկեանի մէջ Մայր եկե-
ղեցւոյ աւագերէցին հողաթափին չափ մեծ-
ցաւ : Ներկայ եղաղներն ապշած իրարու երես
կը նայէին երբ զարմացմամբ տեսան որ երա-
խային լեզուէն գեղեցիկ տղայ մը կը ծնէր :
Մանկաբարձը նախ կը սոսկայ, բայց յետոյ
յիշելով որ Աղամայ կողէն կին ստեղծող ամե-
նակարողն չտկարանար ֆափազեանի լեզուէն
ալ էակ մ'ի լոյս բերել, կը վանէ սոսկումն,
կը դրկէ լեզուածին մանուկն և խանձարուրի
մը մէջ կը փաթաթէ զայն : Աւելորդ է ըսել
որ ժաղկրտուանունէն էր այս լեզուածին և գրա-
ւիչ մանկան անունը, քանի որ ազգին մէջ
առած դարձած է այն խօսքը թէ ժաղկրտու-
անունէն փափազէնէ ձնունդ առած է : Զեմ կար-
ծեր որ դանըլի մէկն այսօր և ինձի հարցունէ
թէ իսչու Աղամայ կողէն Եւա և ֆափազեանի
լեզուէն ժողովրդականութիւն ծնաւ . վասն զի
ամենքս ալ դիտենք որ մարդս ինք իր գրւ-
խուն տկար էակ մ'է և անպատճառ ընկերի
պէտք ունի : Աղամ կնկան մը պէտքն ունէր,
ստացաւ զայն կողէն . Պրահմա քահանայի,
պատերազմողի և արհեստաւորի պէտքը կը զ-
գար, ստեղծեց զանոնք իր դիմէն հանելով
առաջինք, բազուկէն քաշելով երկրորդը, ոտ-
նէն առնելով երրորդը . Փափազեան ժողո-
վրդականութեան համար կը հառաչէր, ընդու-

ներ զայն իւր լեզուէն : Մոռնալու չէ որ ապրելու համար ամեն մարդ իրեն ընկեր մը ստեղծելու հարկին մէջ գտնըված է . խմբադիրներ որ ձմեռուան ածուխ գնելու համար լուսնէան կ'ստեղծեն . երեսփոխաններ որոնք իրենց շահուն համար ամեն օր նոր իրաւունքներ կ'ածեն . բանաստեղծներ որ օր մը չեն կարող ապրիլ եթէ իրենց համար գովեստներ չքաշեն իրենց բարեկամներու բերնէն . դատաւորներ որոնք արդարութիւնը չուենանելու համար կուրութիւն ի լոյս կ'ածեն . վաճառականներ որ ժամուան մը մէջ Ստութեան երկու հազար հաւկիթ մէկէն կը ձգեն . դրավաճառներ որ օրացոյց մը ծախելու համար ճարտասանութեան ստեղծող կը հանդիսանան . խաբերաններ որ խաբելու համար իրենց աչերէն այնչափ արտօսր կը թափեն որուն վրայ անդղիական ռէլառնէյլն զրահաւոր նաւը կրնայ ճանբորդութիւն ընել . երգիծաբաններ որ ոչ թէ ապրելու այլ չմեռնելու համար իւր ընթերցողներուն ծիծաղին արարիչ կ'ըլլան . դրագէտներ որ կտոր մը հացի համար ժամուան մը մէջ իրենց ըղեղէն խմբադիր , դասատու , մատենագիր , թարգմանիչ կը հանեն . ընթերցողներ որ ձրիաբար լրադիր կարդալու համար լրադիր ունեցողի մը քով շուտով բարեկամութիւն կ'ստեղծեն և անոր գրպանէն լրադիր կը քաշեն ըսելով չէ՞ հարձեր որ մէջ նոր բան ճը ըլլա . երիտասարդներ որ պարի մէջ նոր

կամուրջներ կ'ստեղծեն օրիորդներուն ու տիեզններու թեւերուն տակէն անցնելու համար . տղահներ որ այն ատեն իրենց զաւակ կ'ստեղծեն երբ գիշերօթիկ վարժարանի մը տնօրէնէն խօսք առնեն որ իրենց զաւակն կէս թոշակով պիտի ընդունի վարժարանին մէջ . պըճնող պչրող տիկիններ և օրիորդներ որ իրենց դէմքին վրայ ամեն օր նորանոր պատկերներ կ'ստեղծեն . վերջապէս այս ամենը չէ՞ որ ստեղծեց Արտաշէն Զըլբէ : Արդ , ասոնք կարդալէն ետքը ոչ ոք կը համարձակի քարկոծել փափաղեանը թէ ինչու ժողովրդականութեան ծնունդ տուաւ և ոչ ուրիշ բանի մը . մանաւանդ թէ ամեն մարդ գովելու պարտաւոր է զինք այն նախատեսութեան համար որով գուշակած է թէ Հայ ազգին մէջ աւելի կը վատաշըկի այն մարդը որ ան ժողովուրդ , չո՞ն ժողովուրդ կը պօռայ քան այն որ ռեպահան բան , ուռական բանէ ըսած ժամանակը միւս կողմէն բաժանորդներուն ոտները համբուրելով կ'աղաչէ որ հաճէն իրենց բաժանորդունը գնորել : Խոկ գալով այն հարցման թէ ժողովրդականութիւնը ինչու անոր լեզուէն ծնաւ և ոչ սրտէն , կը պատասխաննենք որ մարմնակազմութեան տեղեկութիւն ունեցողներուն յայտնի է արդէն որ լեզուն ասանկ բաներու ծնունդ տալու համար սրտէն շատ աւելի դիւրութիւններ ունենալով ժողովրդականութիւնը չէր ուզած անոր սրտին նեղութիւն պատճառել : Փափազ-

եան թէպէտ և գիտէր թէ ոչ ոք իրաւունք պիտի ունենայ զինքը քարկոծելու , բայց դիտնալով նաեւ թէ մէկը քարկոծելու համար անպատճառ իրաւունք ունենալու չէ հրահանգ զրկեց կնքահօրն որ անունը Ստեփաննոս դնէ :

Փափազեանին հանճարը լեզուին վրայ ամիտոփլած ըլլալով չորս ամիսէն խօսել սկըսած էր և լրագրի խմբագիրէն շատ աղէկ կը հասկցունէր իւր միտքը :

Մանկութեան օրերը խօսելով անցունելէն ետքը 1849 ին խասդիւղի թաղային վարժարանը մտաւ նայելու համար թէ . . . ով կայ ներսը : Տարիի մը չափ հոն մնաց և սորվելէն ետքը թէ բան մը սորված չէր՝ իրեն յարմար վարժարան մը փնտռելու համար դուրս եւլու : 1850 ին ազգային հիւանդանոցը դնաց : — Եթէ ֆանոսեանի տնօրէնութեան ժամանակ գացած ըլլար՝ անպատճառ խենդերու քովը պիտի դրվէր . վասն զի այս երկուքին կարծիքներն շատ հակառակ են իրարու : Քիչ ժամանակի մէջ շատ յառաջ գնաց մայրենի լեզուին մէջ : Այնչափ լաւ սերտեց քերականութիւնն որ շիտակ խօսիլ ու գրել սորվելէն ետքը շիտակ չխօսիլ ալ սորվեցաւ բաւական : Այն ատենուան բոլոր քերականութիւններն աչքէ անցունելէն ետքը՝ ինքը դրեց հատ մը և անկից դաս տալ սկսաւ . . . իրեն : 1854 ին հողագործութեան դասախու

սութիւն բացված ըլլալով յիշեալ վարժարանին մէջ՝ սկսաւ մշակել նաեւ այս ճիւղը զոր բաւական ընդարձակեց : Հող ճանաչելու մասին իրեն հաւասարող չկար . չէր քաղեր ինչ որ կը ցանէր , շատ անդամ ելակ կը տնկէր և կաղամբ կը քաղէր : Ենթագրելով թէ հողն ապերախտ չտնվէր իրեն՝ մենք կըսենք որ ժողովրդեան շահերը պաշտպանելու կոչված մէկը դդումի կամ շողգամի իրաւունքներու հետ զբաղելու ժամանակ չիրնար ունենալ :

1856 ին դասատուութեան ճանբով ժողովրդականութեան հասնելու նպատակաւ իզմիրի Մեսրոպեան վարժարանի հայկաբանութեան դասատու կարգվեցաւ : Զոր գործողութիւնները միայն պարունակող համառօտ թուաբանութիւն մը հրատարակեց հոն : Ամեն անգամ որ աշակերտներու մէջ թուաբանական խնդրոյ մը վրայ վիճաբանութիւն կը լուր՝ ինքը միշտ մեծամասնութեան կողմը կը դտնվէր . . . ժողովրդականութիւն վաստկելու համար :

Վարժարանին մէջ օր մը կռիւ կը ծագե երկու աշակերտներու մէջ տեղը որո՞նք իրարու գլուխ կը պատառէին : Փափազեան կը տեմնէ և անմիջապէս անոնց քովը կերթայ : — Վարժապէտ , առաջ ան ինձի զարկաւ : — Ինչո՞ւ զարկիր պարտն : — Վարժապէտ , մէկ անգամ չորսը մէկ կընէ՝ կըսէ :

— Ան ալ կըսէ որ մէկ անդամ չորսը չորս
կընէ :

— Ասոր համար իրարու գլուխ պատա-
ռելու է : կարծիքներու աղատութիւնը յար-
դելու էք :

— Բայց վարժապետ կարելի՞ է որ մէկ
անդամ չորսը մէկ ընէ :

— Կարելի է որ ընէ :

— Ի՞նչպէս հասկնալու է :

— Գուէի դրէք, մեծամասնութիւնն որ
կողմն որ գոյանայ ուղիղն ալ այն կողմն է :

Տանի չափ աշակերտաներ խնդիրը քուէի
կը դնեն և մեծամասնութիւնը կորոշէ որ մէկ
անդամ չորսը մէկ կընէ :

Փափազեան աւելի եւս կը հաստատի
իւր համողման մէջ թէ ո և է խնդրոյն մէջ
յաղթանակը տանելու համար խելքէն աւելի
մեծամասնութիւն ունենալու է մարդ մը :

Քանի մը տարի իզմիր մնալէն ետքը 1839
ին Պօլիս դարձաւ և գասատուութեան պաշ-
տօնով նորէն ազդային հիւնդանոցը մուաւ:
Օրը երկու անգ ամ տաենաբանութիւն կընէր
աշակերտներուն ոչ թէ անոնց բան մը խօսե-
լու այլ վարժընելու համար ատենախօսու-
թեան որով օր մը աջակողմեան երեսիսան-
ներու գլուխը պիտի ճաթեցունէր ազդային
ժողովոյ մէջ : Ամենօրեայ վարժութիւններու
շնորհիւ այնքան յառաջադիմութիւն ըրաւ
խօսելու մէջ որ եթէ ունկնդիրներն երկաթ-

եայ ականջ ունենային՝ ամիս մը շարունակ կը
խօսէր առանց ամենափոքր նեղութիւն մը
զգալու : Ճառին ուժգնութիւն տալու հա-
մար բան մը չէր խնայեր . եթէ խօսքերը ակար
գտնըլվէին՝ կը դիմէր ձեռներուն որ խօսքե-
րէն աւելի զօրաւոր էին . ձեռներովը կը զար-
նէր առջեւը դրված գրասեղանին և կը կոտ-
րէր զայն : Հերակղէս կը ձեւանար երր լու
մը սպաննել հարկ լլլար : Ունկնդիրներն ար-
թլնցնելու համար էշու սոսուեին չէր դիմէր
այլ բոլոր ուժովը կը պօռար : Սովորութիւն
ունէր խօսած ժամանակ երբեմն քանի մը
քայլ առնել դէպ ի ձախ և երբեմն դէպ ի
աջ — վերջերս կարծիքներն ալ ոտներուն օ-
րինակին հետեւեցան երեսիսանական ժողո-
վոյ մէջ — չէր մուսար նաեւ չորս քայլ դէպ
առաջ գալէն ետքը չորս քայլ ետ երթալ.
Հոգեփոխութեան հաւատացողները կըսէին .
ահա կէչերս ու ուրբէւ իւ եռույ : Շատ մը կրօնա-
ւորներ կերթային անոր ատենաբանութիւն-
ները մտիկ ընելու և համոզել կաշխատէին
զինքը որ վարդապետ ձեռնադրվի . իսկ Փա-
փազեան նորէն բեմ ենելով ատենաբանու-
թեամբ մը կը մերժէր անոնց առաջարկու-
թիւնը : Բայց ի Հիւնդանոցի վարժարանէն
մայրաքաղաքիս գլութէ բոլոր վարժարաննե-
րուն մէջն ալ դասախոսութիւն ըրած և բա-
ւական աշակերտներ ընծայած է ազդին : Եր-
կար տարիներ դասախոսութիւն և անօրէնու-

թիւն ըրած է Ղալաթիոյ վարժարանին մէջ զոր միշտ թաղային միւս վարժարաններէն բարձր դիրքի մը մէջ պահելու յաջողած է և գործող մարդ ըլլալն անհերքելի կերպով հաստատած է :

1860 ին սկսաւ դասագիրք յօրինել իւր աշակերտներուն համար : Յօրինեց համառօտ աղդ ային պատմութիւն մը որուն մէջ թագաւորներուն այցետոմները միայն դրված էին : Աշակերտներն մարզպաններուն , պատրիկներուն , իշխաններուն և թագաւորներուն անունները միայն կը սորվէին և կէս ժամէն ետքը կը մոռնային : Տիկին Մարգիտա պատուհանին առջեւը նստած՝ փողոցին անցնող մէկու մը վրայ աւելի կատարեալ տեղեկութիւն կրնայ տալ քան Փափաղեան իւր յօրինած աղդ ային պատմութեամբը Հայ դիւցազներուն վրայ . Եթէ չէք հաւատար բացէք անոր պատմութիւնը որպէս զի տեսնէք միայն հետեւեալ հարցումները .

— Ո՞վ էր Հայկ .

— Բեն որու զաւակ է .

— Սա մարդն Արամին աներձագել չ'նմանիր .

— Արային հայրը մօրուք ունէր .

— Տիգրանին քեռայրն է սա :

Պէտք է խոստովանիլ որ համառօտութեան մէջ մինակ չէ Փափաղեան , մրցողներունի իւր դէմ . և եթէ այս մրցումը շարու-

նակվի՝ քանի մը տարիէն տաօր տողի մէջ պիտի կրնանք կարդալ մեր ազդային պատմութիւնը : Այդ պատմութիւններու մէջ , համառօտութեան համար , մօրուքը ճերմկցած անձերն նորածին երախաներ ներկայացված են , դարերը վայրկեանի մը մէջ անցած են : Ծննդոց գիրքը բազդատմամբ այն պատմութիւններուն՝ ընդարձակ գործ մը կրնայ համարուիլ : Հայկայ անունը գիտնալն անոր վրայ կատարեալ տեղեկութիւն առնել է , իսկ անոր բազկին վրայ ծանօթութիւն ուղելն մեծ ժամականառութիւն է : Հրատարակեց նաեւ Գերամկանութեան ձագ մը որուն վրայ ալ խօսելու հարկ չենք տեսներ քանի որ հաստատված ճշմարտութիւն մ'է այսօր թէ լաւագոյն դասագիրքերն անոնք են որ շատ վաստակ կը ձգեն անոնց հեղինակներուն : Փափաղեան իւր հասուցած դասատուներովը Հայաստանի մէջ կը տարածէր իւր յօրինած դասագիրքերը :

1862 ին իւր հեղահամբոյր բնաւորութեան չնորհիւ Ղալաթիոյ թաղական խորհրդոյ անդամ ընտրվեցաւ զի լցոցի բանն թէ յանուան Մուշտիկ Նարեն Քարեւեցէ : Ղալաթիոյ խորհրդարանն որ երբեմն Պրոպագէն և երբեմն ալ Ղալաթիս յորջորջված էր , ժողովրդականութեան կեդրոն համարված էր և այնչափ ազդեցութիւն ունէր որ Պատրիարքարանի յանցաւոր դատածն անմեղ կը հրատարակէր :

Ամբաստանված կրօնաւորները հոն մտնելուն
պէս կը սրբվէին ինչպէս նաեւ չամբաստան-
վածներն ալ կը պղծվէին : Փափաղեան՝ ժո-
ղովրդականութիւն վաստիելու նպատակաւ
միշտ տկարները կը պաշտպանէր թէպէտեւ
ընդհանրապէս կը պաշտպանէր կղերն որուն
ձեռամբ , շխտակը խօսելու համար , ազգա-
յին նուիրական իրաւունքներն վտանգէն ա-
զատած է . Բերացի գերեզմանաստան ինդրոյն
մէջ կղերական դասուն առաջնորդ եղած է :
Տասներիու տարի շարունակ թաղականութիւն
վարեց հակառակ Սահմանադրութեան որուն
կէտ առ կէտ գործադրութեան այնքան սի-
րահար էր և է մինչեւ հիմայ , բայց որովհե-
տեւ իւր պաշտօնավարութեան ժամանակ
վնաս մը չէ հասուցած եկեղեցւոյն՝ սահմա-
նադրութիւնն ալ մեղադրած չէ զինքը : Եկե-
ղեցւոյն եկամուտաներն աւելցուցած է և Ղա-
լաթիոյ հրդեհէն երբ մոխիր գարձան եկե-
ղեցւոյն կալուածները՝ Փափաղեան անսնց
փոխարէնը կանխիկ առաւ ապահովութեան
ընկերութիւններէն : Այդ կալուածներուն
գոյութիւնն ինչպէս նաեւ կեդրոնական վար-
ժարանին շնութիւնը մեծաւ մասամբ իւր
գործունէութեանը պարտաւոր է ազգը : Ահա
գործող մարդ մը որ հարուստներ կարծէ :
Ազգային շահերուն համար երբ հօգին տալ
կը խօստանար՝ շտաբը կը զարմանային թէ
ինչպէս կրնայ ապրիլ մարդ մը որ ինքինքը

բոլորովին ազգին նուիրած է և անոր գոր-
ծերէն վայրկեան մը բաժնըվիլ չուզեր . ա-
նոնք որ գործի մարդ էին և տասնըհինգ օրը
անգամ մը հազիւ կրնային ժողովոյ մը ներ-
կայ գտնըվիլ երբ կը տեսնէին Փափաղեանն
որ առաւաօտէ մինչեւ երեկոյ , երեկոյէ մին-
չեւ առաւաօտ ազգային շահերը պաշտպանե-
լու զբաղած է՝ կը հարցնէին իրարու թէ այս
մարդն իւր շահերը երբ կը պաշտպանէ :

1863 ին ժամանակ անունով հանգէս մը հրա-
տարակեց և բաւական տուժեց ինչպէս որ
սովորութիւն է տուժել ամեն անոնց որք յի-
մարութիւն կամ դժբախտութիւն կունենան
թուղթի մը տակ ինքանէր ստորագրելու : Փա-
փաղեան ժամանակէն վնասվելուն պէս ժամանակ
հրատարակելու ժամանակը չէ ըսերով դադ-
րեցաւ ազգին ծառայելէ խմբագրութեամբ
և ուխտ ըրաւ որ Ղալաթիոյ խորհրդարանէն
դուրս չելնէ և հոն , միայն հոն ծառայէ ժո-
ղովրդեան : Այս ուխտով կարծես հասկցնել
ուզեց թէ պատրաստ է ազգին շահերուն
պաշտպան կանգնիլ որչափ ատեն որ իրեննե-
րը չվնասվին :

1870 ին ազգային ժողովոյ երեսվոխան
ընտրվեցաւ և ձախակողմեան կուսակցութեան
գլուխ եղաւ : Կը փափաքէր որ ամեն օր ուր-
բանը ըլլար որպէս զի ժողով գումարվէր և
երթար իւր լեզուին հանճարը ցոյց տալ : Շատ
գիշերներ քնոյն մէջ ուռէ ուռէ կը պօռար այն-

պիսի ձայնով մը որ դրացիներուն քունը կը խռովէր : Գիշեր կամ ցերեկ ուր որ փոքր զանգակի մը ձայն լսէր՝ իսկոյն երեսփոխանաւ կան ժողով կը վազէր : Օր մը բացակայ եղած չէ , միշտ որոշեալ ժամուն ներկայ . կը գտնը վէր , և եթէ ընկերներն եկած չըլլային՝ իւր աթոռը մէջքէն չուանով մը կապելով դուրս կելնէր որպէս զի ուրիշ մը չյափշտակէ զայն : Մեծամասնութեան գործած հրաշքներն յիշելով երանի կը կարգար իր կատուին որուն կըսէր .

« Կատու , գուն ինէ զօրաւոր ես . եթէ երեսփոխան ըլլայիր՝ չորս ձայն պիտի ունենայիր , մինչդեռ ես երկու ձայն ունիմ : »

Նախատեսած ըլլալով որ հարիւր քսան երեսփոխաններու մէջ քսանին կարծիքն իրենց դլխուն մէջ է , իսկ հարիւրին կարծիքն իրենց ձեռներուն մէջ՝ դլուխի տեղ ձեռն կը փնտուէր , և եթէ բաւական չգտնէր , հիւանդանոյներ կերթար և բժիշկներուն կը պատուիրէր որ եթէ կտրվելու ձեռներ կան՝ չնետեն զանոնք այլ իրեն ծախեն : Իր նպատակին համելու համար ժողովրդականութէաը կառնէր բերանն և այնպէս կը մտնէր ժողովը : Ժողովրդեան շնէրն , ժողովրդեան երանանդէրն թեւ թեւի տուած կը շրջէին իւր ատենաբանութիւններուն մէջ որոնք յաճախ կը ծափահարվէին ժողովրդէն և երբեմ ալ ժողովրդը :

չի եփեն ժողովրդեան շահերուն զսասակար կը համարէր և երբ երեսփոխան մը զինքն ընդմիջէր՝ ժողովրդեան իրաւունքներն օտարի կը մատնըլվէին : Քանի մը տարիներ շարունակ կռուեցաւ աջակողմեաններուն դէմ այն եղանակաւ որ երեսփոխանական ժողովէն դուրս հակառակասիրութիւն կը նշանակէր : Իր սկզբունքն էր սպէտոհ ըսել այն բանին զոր սեւ կանուանէր աջակողմն որուն մէջ կային նաեւ էֆէնտիներ որոնցմէ իւր կուսակցութեան մէջ ալ կը գտնըլվէին : Ինչ որ էֆէնտիներուն հակառակ էր ազգին շահերուն համաձայն էր . իսկ երբ հարկ եղաւ վերջերս ազգային ժողովէն դուրս գործել ձախակողմեաններուն քով պատիւը քիչ մը կոտրեցաւ . վասն զի աջակողմեան էֆէնտիներուն յարեցաւ և չասկցվեցաւ թէ առաջ բարի էր և էֆէնտիներուն յարելով չար եղաւ թէ չար էր և էֆէնտիներուն միանալով բարի եղաւ : Զինքը սուրբերու քով դասող թերթերն չուանով մը սատանաններու բնակարանը իջեցուցին զինքը և անոնք որ Մէփիստոփէլի ընկեր կը ճանաչէին զինքն երկինք բարձրացուցին զայն . իսկ մենք առանց այս կամ այն կողմ միտելու աթոռ մը տուինք իրեն որ նստի սատանայի և սուրբի մէջ տեղը և ինքն ալ ընդունելով մեր ընծայած աթոռն գնաց նստաւ Պէրլին գացող երկու պատուիրակներու մէջ տեղը :

Քաղաքական ժողովոյ այն Պատրիարքին օրով
զոր ժամանակաւ Հրեշտակ Հայաստանի կը հըռ-
շակէր աշխարհի : Իւր բոլոր ուժովս հալածեց
և ստիպեց Հրեշտակն իւր հրաժարականը տալ.
Հրեշտակն տուաւ իր հրաժարականը Փափաղ-
եանինն առնելէն ետքը :

Այս անձն ազգային ժամանակակից կեն-
դանի պատմութիւն մ'է , չկայ դէպք մը որ
իրեն ծանօթ ըլլայ :

Փափաղնան գիրուկ և գեղեցիկ մարդ
մ'է . Եթէ կին ըլլար՝ չորս կողմը բուրդ թըխ-
մելու պէտք չպիտի ունենար : Փորը ոչ նուազ
մեծ է այն համբաւէն զոր կը վայելէ իրբեւ
գործող մարդ : Գրապաններուն մէջ անպակաս
են ծրագիրներ , կանոնագիրներ և ուրիշ շատ
մը թուղթեր զորս կը սրբագրէ : Իւր դէմքը
տեսնողը կը կարծէ թէ դրամական սաստիկ
տագնապի մը մէջ դանըփելով՝ իւր ամենէն
մտերիմ բարեկամներէն մէկուն դիմած է
այն յուսով որ մէկ խօսքով երկու հարիւր
ոսկի պիտի կրնայ առնել իրմէ , և երբ իւր
առաջարկութիւնն ըրած է՝ հետեւեալ պա-
տասխանն ընդունած է իր բարեկամէն .

— Եթէ կուզէք որ մեր բարեկամութիւ-
նը հաստատ մնայ՝ կը խնդրեմ որ ասանկ ա-
ռաջարկութիւններ չընէք ինձի :



ԽԱԶԱՏՈՒՐ ՄԻԱԱԳԵԱՆ

Ի՞նչո՞ւ կը քնանաք ով պուէտներ որ եր-
կու յանդ գտնելու համար Պարնասը կը շըր-
ջապատէք որպէս զի Մուսայի մը թեւէն քա-
շէք և ողորմութիւն խնդրէք իրմէ նման այն
մուրացկաններուն որ եկեղեցիներու շուրջը
կը շարպին . Ինչո՞ւ կը խորթաք ով գրադէտներ
որ ձեր հրաշագործ գրիշն երբ մարդու դըպ-
ցունէք կէտակի կը փոխարիէք զայն և երբ
անասունի զարնէք՝ մարդու կայլափոխէք .
արթնցէք , ի ծունը իջէք , բացէք ձեր գը-
լուխներն որպէս զի ամեն մարդ տեմէ անոնց
ունայնութիւնը . Միսաքեանի ճանրուն վրայ
փուեցէք ձեր հագուստներն , խունկ վառե-
ցէք որպէս զի հաճի աշխարհ գալ ձեր Պետն
որ սովորութիւն ունի չմօտենալ երբէք այն
մարդերու որ բուրվառով չեն ներկայանար
իրեն : Ինչո՞ւ կամնաք հիմայ զինքը պաշտե-
լու . Ժամանակով մարդերն երկրպագութիւն
ըրած են այնպիսի աստուածներու՝ զորս մենք
այսօր կը մորթենք , կասկարայի վրայ կը խո-
րովենք , կուտենք և վրան պատուական գի-
նի կը խմենք : Օն անդր , պագէք երկիրն ,
խունկ ծխեցէք իւր քթին խնդրելով իրմէ որ
աթոռ մը առնէ և դայ նստիլ Ազգային ջո-

չերու քով ուր խունկը հազուագիւտ է : Մի վախնաք, ովք բարեկամներ Պուէտիս, չպիտի մորթեմ զինքն, ոչ ալ մի սագի փետուրով պիտի հարուածեմ զինքն, այլ պարզապէս պիտի պատմեմ իւր վարքը, պիտի գովեմ իւր տաղանդն, եթէ ունի : Մաիկ ըրէք ուրեմն, բայց մի՛ խնդաք, կը սրգողի :

1816 թուականին ծնած է խաչատուր Միսաքեան որ գասատու անուանված է շատերէն, աղգային երեսփոխան ընտրված չգիտեմ որ թաղէն, Պուէտ յորջորջված է աղայներէն և իւր Պուէտ ըլլալը հաստատելու համար վըկայ մը վնտուած է և չէ յաջողած գտնել մինչև այսօր :

Իննամեայ առանձնակեցութիւնն այնքան սիրեց որ սենեակին մէջ կիներու բազմութիւնը տեմսելով կը դժկամակէր ի լոյս գալ : Ոչ միայն ընկերութենէ չախորժելուն համար այլ իւր ճաշակին համեմատ բարձր դիրք ունեցող և ծովահայեաց տուն մը գտնելու դըժուարութիւնն զգացած ըլլալով կը փափաքէր միշտ արդանդաբնակ մնալ : Մակայն նկատելով որ Բնութեան օրէնքներուն դէմ յամառին անօգուտ էր հաճեցաւ ծնիլ :

Խաչիկ մարմնով այնքան շուտ կը մեծնար և կաճէր որ երեք ամսու եղած ժամանակն անբաւելի էր մէկ օրորոցի : Կը խարվէր մանուկն կարծելով թէ մարդուս անունն ալ անոր մարմինին պէս դիւրութեամբ կրնայ մեծ-

նալ և Եպիմենիդէսի պէս յիսունեօթն տարի քնանալով մեծ անունի տէր ըլլալ : Ծնողքն երկու օրորոց քովէ քով դրին որուն միոյն մէջն էր Խաչիկի գլուխն և միւսին մէջ մարմինը : Այս մեծ աղան խանձարուրի մէջ հասկրցուց իւր մօրն թէ բանաստեղծութեան կոչված է և թէ ժամանակ չունի տրամարանութեան երթալու : Երբ մայրն օր մը ոտանաւոր օրօրով մը տղան քնացնելու կաշխատէր՝ Խաչիկ մէկէն ի մէկ մօրն երեսն ի վեր պոռաց թէ ոտանաւորէն վանկ մը կը պակսէր և չքնացաւ մինչև որ մայրը համոզեց զինքը թէ երգած ոտանաւորը կաղ էր :

Վեց տարեկան ըլլալուն պէս իւսկիւտարու վարժարանը զրկվեցաւ ուր ինը տարի շարունակ աշխատելով կատարելապէս սորվեցաւ Քերուն, Սուզուն ու Գործ+ աւածէլցը : Զարմանալի էին այն ատենուան վարժարաններն՝ որոնց մէջ աշակերտ մը իւր դործերուն իսելք հասուցած առաքեալներու գործերուն վրայօք տեղեկութիւն կառնէր : Միսաքեան վարժարանէն ելնելուն պէս սկսու տուներու մէջ այցելութեամբ դասախոսութիւն ընել :

1839 ին դասատուութեան պաշտօնով ձեմարան մտաւ : Հոն շարունակ կը կարդար Հոմերոսն, Վիրդիփոսն, Ափրատփոսն, Ովիտփոսն և այն ամեն քերթողներն որոնց անուններն ու կը վերջանային : Առաջին անդամ հոն պուեր յորջորջվեցաւ Միսաքեան : Ես որ հա-

սարակութեան կը խօսիմ և սուտ խօսելէ կը վախնամ, կը յայտնեմ թէ Միսաքեան ինք վաստկած չէ պաւէո անունը, ուրիշէ մը ժառանգած է զայն: Յայտնի է արդէն որ ամենէն մեծ անիրաւութիւնները ժառանց ական խնդիրներու մէջ կը դործըլին: Հանճարն ոչ ազգութիւն ունի և ոչ կրօնք և իրեւ ոսկի խր արժէքը կը գտնէ ամեն տեղ: Հանճարի ծնունդ եղող բանաստեղծութիւն մը լաւ ընդունելութիւն կը գտնէ Անդղիայէն որչափ ալ անոր հեղինակն Սլաւ ըլլայ: Խոկ մենք հանճարահանդէսի մը մէջ ի տես աշխարհի դնելու համար քանի՞ քերթուած ունինք: Մենք դժբախտաբար ոսկի կանուանենք ինչ որ պղինձ է և որ սակայն ոսկիի պէս կը հնչէ ժողովրդեան ականջներուն: Իմ կարծիքովս բանաստեղծութիւն մը, ոտանաւոր կամ արձակ, կամ ընտիր ըլլալու է և կամ բնաւ ըլլալու չէ: Կը ճանաչեմ երիտասարդներ որ ինքղինքնին բանաստեղծ կանուանեն և յանդ մը գտնելու համար իրենց դրածն հազար անդամ կը սրբագրեն, նորէն կը ըրեն, կը գծեն, յանդի մը համար հարիւր թերթ թուղթ կը պատառեն և երբ յաջողին իրենց փնտուածը դտնել և տողին վերջը տեղաւորել կը տեմնես որ այդ ոտանաւորով ցամաքի վրայ նաւարկութիւն կընեն և ծովու վրայ ձիարշաւ: Երբ մարդ մը գովել ուղեն և դիպուածն առանձին բառն դնէ տողին վերջը,

կակսին մամաալ և տարի մը խորհելէն վերջը յիշեալ առաքինի մարդը գինետունէ գինետուն կը պտըրտունեն և մեծ առաքինի գինեմոլ մը ներկայացնելու որոշում՝ կուտան: ինչո՞ւ: Վասն զի ոտանաւորն նոյնայանգ ընելու համար առանձին մը էնէն աւելի ինչ բան կրնայ յարմարիլ: Բայց մարդը կեանքին մէջ գինի գրած չէ բերանը. որո՞ւ հոգ. առանց զրպարտելու ոտանաւոր գրելլ դիւրին բանէ: Խոկ վայ ան մարդերուն որոնց վրայ գըրված ոտանաւորներուն մէջ վանկ մը կը պակսի. Հառն առանց հրաւերի կուգայ այդ պակասը կը լեցունէ: Այսչափ չէ. սպանութեան ալ կը գիմեն. բառերն իրենց ձեռներուն մէջ այնքան արժէք ունին որչափ լաթի մը կտոր գերձակներուն քով. դլաէն, մէջքէն կամ պոչէն կը կտրեն զանոնք. մեր լեզուին բառերն անկարելի է ճանաչել անոնց ոտանաւորներուն մէջ. առեւը առեւ ի կը փոխվի. առեւը երբ ոտանաւորի մէջ ներկայանալ ուղէ գըրլուխը կը բանայ և առեւ կը մանէ հօն: Առելին կայ. երբ արեւուն ծագումը ծանուցանել ուղեն ասոնք՝ ամենը մէկէն վարդամատն Արշալոյսին կը դիմեն. որո՞ւ երթայ խեղճը, հազար մատ ալ ունենար՝ չէր կրնար ամենը գոհ ընել: Փակէն, լուսն, ուլնէ, հոբեքնետին, ասիոկ, մանաւանդ հուսնէ իրարու ձեռներէ կը յափսուակին և կերթան մտնել ամեն ոտանաւորներու մէջ: Երբ բանաստեղծութեան գիրք

մը կարդալ ուզես՝ կը տեսնես որ թուղթերն
իրենք իրենցմէ կը դառնան, վասն զի իւրա-
քանչիւր էջին մէջ չէր կը փշէ . չմոռնանք
ըսել որ եթէ առանց հովանոցի զանոնք կար-
դարու ելնես՝ Եդիպտացի մը կը դառնաս,
այնչափ կերիս ուեւէն որ իւր ճառագայթ-
ներն միշտ արձակած է հոն : Փառք տուր
Սատուծոյ եթէ հան փշած ու-էն մանլով չի-
անդանաս : Դեռ քանի մը չաբաթ առաջ
մէկը Մասիսի մէջ չէր մը նկարագրած էր,
որուն մէջ մազ էր մեացեր որ Նոյ նահապետն
ալ խղգվէր . Աստուած իսկ ջուրերուն մէջ
պիտի մնար եթէ առաջուց չփախչէր : Երբ
քննադատ մ'ելաբ և դիտողովթիւն ըրաւ առ
պատասխանն առաւ թէ՝ Միթէ ամենակարողն
Աստուած կարող չէ ինքինքն ազատել : Եթէ
Պարնասայ տնօրինութիւնը երբեմն տպագրա-
կան Տեսչութեան անդամ՝ Պարնասեանի յանձ-
նըված ըլլար՝ այդ քերթողները կը պատժը-
վէին, Ապոլոնն այսչափ սոտրնացուցած ըլ-
լարւն համար : Ես որ նախապատիւ կը հա-
մարիմ ոսկի չունիմ ըսելը քան կառը մը պո-
ղինձն իրեւ ազգ ային ոսկի ներկայացնելն և
ծաղու նշաւակ ըլլարն . Ես որ վերջապէս շեմ
կարող պղինձն ոսկի անու անել, ինչպէս յան-
դըդնիմ այսօր Միսաքեանը Պուէտ յորջորջել,
մանաւանդ թէ ասպարէզի վրայ ոտանաւոր
մը միայն ունի որ աւելի անօթութենէ ներ-
շընըված է քան թէ մուսաներէ :

Այսպէս Միսաքեան դրական ասպարէզին
վրայ հարստահարիչ Քիւրտի մը պէս ուրիշ-
ներու ստացուածքն յափշտակելով իրեւ մի
սագ Պուէտի փետուրներով զարդարվելէն
վերջը Ճեմարանի աշակերտներուն դաստալու
տեղ սկսաւ ապտակ տալ : Բնաւորութիւնու-
նէր ճաշէն առաջ տղայ մը ծեծել տմեն օր .
և ամեն անգամ՝ որ Տնտեսը վարէն Գլու Հո-
գապէտի ձայնն առնէր Միսաքեանի կերպութ պար-
բառեցէն կըսէր :

Ճեմարանի գոյվելէն քանի մը տարի Ետքը
քանի մը տղայ տուին իրեն, ոչ թէ զանոնք
ծեծելու այլ հետը Փարիզ տանելու և դպրոց
դնելու համար : Միսաքեան առաւ զանոնք,
Փարիզ տարաւ և տեղաւորեց . ինքն ալ սեն-
եակի մը մէջ քաշվելով սկսաւ տքնիլ :

1860ին խնդիր ծագեցաւ ազդին մէջ թէ
Երուսաղէմայ Պատրիարքն ներսէն ընտրվելու
է թէ գուրսէն : Միսաքեան որ սենեակէն
դուրս ելած չունէր՝ բնականաբար դուրսին
վրայ գաղափար չէր կընար ունենալ . ուստի
Երուսաղէմայ Պատրիարքութեան ինդիրն իւր
սենեակին տեսակէտով ըմբռնելով՝ կարծիք
յայտնեց թէ ներսէն ընտրվելու է :

Նոյն թուականին էր որ Միրիքէլամի խըն-
դիր մը ելաւ . բողոքականի մը Հայերու գե-
րեզմանատան մէջ թաղվելու ինդիրը : Յիշեալ
բողոքականին մարմինը Պալլբլլի գերեզմա-
նատունէն հանվելով բողոքականներու յա-

տուկ գերեզմանի մը մէջ թաղվելէն երկու ամիս ետքը Միսաքեան Փարիզէն կարծիք յայտնեց թէ՝ այդ մարդը Հայ գերեզմանաւտան մէջ մտնելու իրաւունք չունի թէ գերեզմանատունը եկեղեցի մէ՛ : Այն առեն մեծ համբաւ հանեց այդ յօդուածն՝ որ համոզելու նպատակու դրված էր անշոշու և որուն մէջ ներկայ էր նաև զուարճախօսութիւնը զոր անխտիր ամեն գրաւթիւններուն մէջ կը գործածէ այս գրադէտն . . . թերեւս գամիանականներուն մէջ աւ իսկ երբ այս տարի Ամեն . Ներսէս Պատրիարքն բոգոքականի մը մարմինն վանայ մէջ թազել տալով անոր գերեզմանն արձանով մը պատուեց անշոշութելեայն հասկցուց մեզի որ մենք ալ նոյն պատիւն ընենք Միսաքեանի այն յօդուածին :

Ազգին մէջ մեծ անուն հանելու փառամբութեամբ արբաշխութեամբ անունով հանդէս մը հրաժարակել Փարիզ . . . Նախ յայտարարութիւն մը հանեց որ պարէս բան չէր եթէ ոչ ընտրված բառերու փունջ մը : Այս յայտարարութեամբ կը ծանուցանէի որ հանդէս մը պիտի հրաժարակել և իւր ընթերցովներուն լուսանկարութեան արուեստն պիտի ուսուցանէր : Հասարակութիւնն , որ Միսաքեանէ լուսանկարութեան տեղ ուրիշ բան մը սպասիլ կը կարծէր , հարկ եղած ընդունելութիւնն զլացաւ անոր և հետեւապէս ծաղիկները ձորի մէջ նետվեցան

թառամեցան : Բայց Միսաքեան չվհատեցաւ լուսանկարութեան արուեստն առաջ տարաւ որչափ որ կը ներեր իւր սենեակն որու վերի յարկը կը բնակիէն առողերը : Երեն այցելութիւն ընող ամեն հիւրերուն օձիքէն կը քաշէր աթոռի մը վրայ կը բազմեցունէր և անոնց պատկերը կը հանէր :

Այն առեւներն էր որ Հինձքի եղեռնադործութիւնը աեզի ունեցաւ : Մեռն և Մառն ուժգնութեամբ կարձակիէն իրենց նեսերն Մէջմուայի գէմ որ եղեռնադործներն կը պաշտպանէր : Միսաքեան ինքնինքը վիրաւորված կարծեց երբ տեսաւ որ տանց իրմէ հրաման առնելու ազգային լրադիմկերն արդարութիւնը կը պաշտպանէին . ուստի Փարիզէն պատգամ սրոտաց թէ լուեն ազգային լրադիմները և թէ ինքը պաշտպան պիտի կանգնի այդ գատին : Մեռն յանդգնեցաւ ծաղրել Միսաքեանի այս հրամանն և հետեւեալ օրհնութեան կոնդակն ընդունեց իւր վարժապետէն .

Եթէ Մեղափակ պէս ուրիշ աշակերտներ ալ ունինք կը փափաքինք որ անոնք կիւրեղէի առջինեկներուն և կամ բեթղեհէմի զաւակներուն հետ մէկտեղ ծնած ըլլային :

Այս կոնդակն , ինչպէս յայտնի է , կը փափաքէր որ Մեղուն և իր նմանները գետնին տակն անցնէին :

Այս աղօթքն ընելէն ետքը առաջ եւրեւ

մասունքնելու սկսաւ Մէճմուայի դէմ պաշտ-
պանել ազգային լրադիրներն որոնք բնաւ
պէտք չունեին իւր պաշտպանութեան : Յիշ-
եալ գրութիւններն ունաւիւն + հայրէնաւիւն տիտ-
ղոսով տեսրակի մը մէջ ամփոփված են , և
որոնք բարձրածայն կաղաղակեն թէ Միսաք-
եան լոկ իւստերու Հ-բա-Քիրու մ'է որ ասդիէն ան-
դիէն խօսքեր հաւաքելով՝ զանոնք կը սանտ-
րէ , կը կոկէ , անուշաբոյր խաղերով կօծէ և
հրապարակ կը հանէ , և երկու տողով հաս-
կընալի բան մը իւր գրիչն տակ երկու էջի
մէջ անհասկնալի կը լլայ . և երբ վարսավիրայ
մը կը տեսնեմ որ անմիտ երիտասարդի մը
գլուխը բռնած ժամերով անոր վրայ կը խա-
զայ կը սեմ . Միստեռակ յօդուած իւ քրէ . իսկ երբ
այն երիտասարդին հետ խօսիմ և գլխուն
արտաքին զարդն և ներքին ունայնաթիւնը
տեսնեմ , կարելի չէ որ չյիշեմ Միսաքեանի
գրած յօդուածները :

1870ին որոշեց այս մարդը Պոլիս գալ .
ի՞նչ նպատակաւ : Ահա իւր ծրագիրը .

«Ա. Էշ մը առնել և երբեմն երբեմն վրան
հեծներով Ալէմ Տաղի երթալ .

Բ. իւսկիւտարու մէջ ծովահայեաց տուն
մը ուղել ազգէն .

Գ. իրեն և իր իշուն ամսական մը պա-
հանջել ազգէն .

Դ. իր գործերը հրատարակելու համար
քանի մը հարուստներէն գրամ հաւաքել .

Ե. կրագիրներու մէջ յօդուած գրել եթէ
ազգն երթայ իւր ոտները համբուրէ .

Զ. Ռւղած մարդերուն հայհոյելու արտօ-
նութիւն պահսնջել քաղաքավարութենէ : »

Այս ծրագիրը ծոցը գնելով ճանքայ ե-
լաւ Փարիզէն և տասնօրեայ ճանբորդութենէ
ետքը Պոլիս գալով Դալաթիոյ եկեղեցին իջաւ
և նոյն երեկոյ հիւրընկալվեցաւ իւր մէկ բա-
րեկամէն որուն վրայ ետքէն կատաղարար
յարձակեցաւ : Ազգ ային մամուլը սիրալիր ըն-
դունելութեամբ բարեւեց այս Պուէտին գա-
լուսոր , ողջամիտներն ուշտիսացան որ հան-
ճարեղ գրիչ մը կարգ ու կանոն պիտի դնէր
ազգ ային գրական ասպարէզին որ ասկէ տաս
տարի առաջ ալ հիմակուլնէ մեծ տարբերու-
թիւն չուներ : Բայց ինչ օգուտ ունի սիրալիր
ընդունելութիւնը մարդու մը որ էշ մը կուզէ :
Սիրալիր ընդունելութեան վրայ չէր կրնար
նատիլ և ոչ ալ անով Ալէմ Տաղի երթալ :

1872ին հարիւր ոսկւոյ հանգանակութիւն
մը եղաւ և գումարն իրեն տրվեցաւ որպէս
զի խաւարի մէջ մացած հանճարն ի լոյս հա-
նէ : Միսաքեան առաւ յիշեալ գումարն որուն
փոխարէն գորդամնամարդունիւն մը կարդացուց
մեզի փունջին դէմ Մասիսի բացած դատին
առթիւ : Հոմերոսի գորդամնամարդունիւնը աւելի
անյարմար տեղ չէր կրնար գտնել : Եթէ Մի-
սաքեանին նպատակը փոխարանել և համո-
զել էր այդ խորագիրն նպատակին դէմ էր .

եթէ զուարճացնել էր գրտոթեան ձեւն իւր խորագրին հակառակ էր : ի՞նչ էր ուրեմն նըսպատակը : Մենք մինչև այսօր հասկցած չենք: Չմոռնանք յիշել որ այդ յօդուածն ուրիշ երկու երեք անուններ ալ ունէր . ան մը պակաս էր սպանիացի ըլլալու համար : Գորոշէնաւորութենք զատ բանի մը անգամ եւս գրելով Փունջի մէջ վերջ տուաւ իւր յօդուածներուն և մանաւանդ այն ծիծաղներուն զորս այնքան դիւրութեամբ կը հրաւիրէր իւր գըրութիւններուն վրայ :

Տարի մը ետքը երեսփսիան ընտրվեցաւ ուր մինչեւ այսօր կարծիք մը յայտնած չէ :

Թիշ մը ատեն դասատուութեան պաշտօն վարեց իւսկիւտարու Սէլլամիյէ յի թաղին մէջ: Աշակերտներն պարտաւոր էին ֆրանսերէն դեւեմաքն գրաբառի թարգմանելէն վերջը թէ նրաններէնն ու Հայերէնը բերնուց սորվիլ և Հայու Նէի տեղ բարձր ձայնով զբուցել ճաշէն առաջ :

Հոս կը լմնայ ազգացին Պուետին հրապարակային կեանքը :

Մանենք հիմայ քիչ մ'ալ իւր սենեակը որ գիրքերով և պատկերներով լեցված է: Եթէ թոքնազ մտնէր օր մը իր սենեակն անշաւշտ չպիտի վարանէր ըսելու .

« Խորին տգէտներ , իրենց սենեակն գիտնական Խրիսուպսի Հռոմէաներով կը լեցունեն. Աքիսառտէլին կամ Պիտտակոսին մէկ պատկերն

ծախու առնելն ի կամ իրենց մատենադարանին մէջ կղէանդոսի մէկ ձեռագիրն ի տես դնելն՝ իրենց համար կատարելութեան հասնիլ է: »

Մատենադարանին առջեւը նստած է ահա Միտաքեան . Եթէ իւր կատուն կտոր մը փրչրանք գտնելու համար կամացուկ մը դուռը բանայ՝ ահուդողի մէջ կիյնայ որ չըլլայ թէ եկողը մարդ ըլլայ: Քանի մը վայրկեան վերջը մէկը ներս կը մտնէ իր սենեակէն , և ահա Միտաքեան խսկոյն բարկութեամբ տեղին կելնէ և կերթայ սենեակին սեմին վրայ կը նստի ինքնիրեն մրմրալով .

« Սա մարդերու ձեռքէն բնաւ հանգըստութիւն չկայ . Վայրկեան մը հանգիստ չեն թողուր որ մարդս առանձին նստի և ընելիքին վրայ խորհի . ազատութիւն չկայ աշխարհիս վրայ . կարծես բոլոր աշխարհ միացած է զիս նեղելու համար : »

Եթէ հիւրն իրեն որպիսութիւնը հարցընելու համարձակի՝ հետեւեալ պատասխանը կուտայ .

« Եսանք հիւանդ եմ. մինչեւ առաւօտ աչերս փակած չեմ. դուք չեկած քիչ մը աղեկ էի , բայց երբ դուք սենեակէն ներս մտաք հիւանդութիւնս աւելի ծանրացաւ : »

Եթէ այս պատասխանին վրայ հիւրը յանդրդնի հարցնել թէ ի՞նչ է հիւանդութիւնը՝ մէկէն ի մէկ կը կանգնի և հիւրին երեսը ծուռ

ծուռ նայելով այսպէս կը պատասխանէ .

« կարծեմ խօսելու ազատութեան հետ շխօսելու ազատութիւնն ալ յարդելու պարտաւոր ենք , և դուք բնաւ իրաւունք չունիք դիս բռնի խօսել տալու . մանաւանդ թէ խօսելու ժամանակ ալ չունիմ , վասն զի հիւանդ եմ : Բայց գիտեմ ես , մէկը դիտմամբ զրկեց քեզի հոս որ զիս բարկացնես , արիւնս գլուխա ցատկէ և մեռնիմ : »

Եւ աւելն առնելով կսկսի սենեակն աւել և փոշիներու մէջ խզդել հիւրն որ դուռը բանալուն պէս կը փախչի : Միսաքեան անմիջապէս դուռը կը կղպէ և քանի մը մեծ սրնտուկներ կը դնէ դրան ետին որ չբացվի և կուգայ տեղը կը նստի այնպիսի ուրախութեամբ որ կարծես մեծ շահ մը ըրած է :

Կէս ժամէն դուռը կը զարնըվի :

— Ով է ան , կը հարցնէ ներսէն Միսաքեան :

— Ես եմ , չամրարձում . . . եան , զքեզ տեմնել կուղէի :

— Զիս տեսնել կուղէիք . . . դուռը կը զըլված է , բանալին քովս չէ , ձեր ըսելիքը կը նաք դուրսէն ալ ըսել :

Հիւրը կը բարկանայ և առանց պատասխանելու կը մեկնի : Միսաքեան կսկսի ծիծաղի այդ իմաստասէրին պէս որ օր մը սենեակն մէջ առանձնացած՝ խնդացած ժամանակն երբ կը հարցունեն իրեն թէ ինչո՞ւ կը խնդաս

քովդ մէկը չկայ , կը պատասխանէ թէ ճիշդանոր համար կը խնդամ որ քովս մարդ չկայ : Բայց այս ուրախութիւնը շատ չտեւեր , դուռը նորէն կը զարնեն :

— Միսաքեանը հոսչէ , դուրս ելաւ , երկու ամիսէն պիտի դայ , կը պօռայ ներսէն Միսաքեան :

Երբ դրութեան մը վրայ իւր կարծիքը հարցին՝ կը պատասխանէ տղայական բաներու վրայ կարծիք յայտնելու ժամանակ չունիմ և դիմացինը կը սաստէ : Իսկ երբ ստիպեն զինքը որ քանի մը խօսք ընէ՝ կսկսի հետեւեալ դիտողութիւններն ընել .

« Լեզուն քաջ է բայց ոճը վատ է . Պօղոս առաքեալին մէկ խօսքը սա տողին մէջ շատ յարմար կուգար : Գրողը պիտի կը նայ գրել , բայց հմտութիւն չունի . հմտութիւն ունի , միտքը բացատրելու կերպը չգիտեր : Ոճը ցամաք է , զարդարուն չէ . գրութեան մէջ ճարտասանութեան կանոն չկայ , կապ չկայ . ուժգնութիւն տալու համար զօրաւոր բառեր չէ կարողացած դտնել . եթէ ասոնք ըլլային՝ թերեւս ընդունելութիւն գտնէր : Իրմէ : Քաւ լիցի : Ժողովրդեան ու ամիկ մասէն : »

Եթէ զինքը քիչ մը շողոքորթես՝ կենէ սնտուկը կը բանայ կտոր մը թուղթ հանելով կսկսի կարդալ իր մէկ բանաստեղծութիւնն նախապէս յայտնելով թէ շատոնց ի վեր գրած

Ե և վրայէն դոմէ անդ ամ մը անցած չէ թէ-
պէտ և հաղար անդամ սրբագրած է : Իւր
քերթուածը կարդացած ատեն զզ ուշացիր
փռնդտալէ կամ հաղալէ , վասն զի իրեն թըշ-
նամանք կը համարի և թուղթը կը ծալլէ ծոցը
կը դնէ : Իսկ եթէ մինչեւ վերջը արժանանայ
կարդալու իւր ոտանաւորն՝ և առաջարկիվ
իրեն որ հանդէսի մը մէջ հրատարակիթ այն՝
պարապ աշխատութիւն է , կրսէ , վասն զի
իմ գրածս հասկնալու կարսղութիւն ունեցող
մարդ չկայ :

Փողոցն ելած ժամանակը միայն չպար-
տիր , շատ անդամ Օտեան Էֆէնտիի , Ստե-
փան վաշայի , Եռուսուֆեան Էֆէնտիի հետ
կը պարտի ինչպէս նաեւ գրական ասպարէզն
ելած ատենն ալ մէկ թեւը Հոմերոսին կու-
տայ և միւսը Ռիմսիոսին :

Եթէ կը փափաքիք Միսաքեանի դէմքին
վրայ ծանօթութիւն առնել յիշեցէք դէմքերն
այն մարդերուն որոնք օր մը լսելով որ Դիո-
դինէս հրապարակի վրայ հարդէր , հարդէր կը
պօռար անոր շուրջը խմբվեցան և հետեւեալ
պատասխանն առին .

« Ես մարդ կանչեցի դուք ինչու եկաք : »

ՍՈՒԲԻԱՍ ՔԱԶԱՆՃԵԱՆ

Ահա ջոջ մ'ալ որու ծննդեան թուականը
մեզի մութ է : Եթէ մեր քաղած տեղեկու-
թիւններուն պէտք է հաւատք ընծայել՝ կան
ըսողներ թէ Սուքիսս Քաղանճեան ծնած է
Միջագիւղ սատանայէն երկու օր առաջ , թէ-
պէտ և կարծողներ ալ կան թէ չորս օր ետ-
քը ծնած է : Լաւ . բայց սատանայի ծննդեան
թուականը ո՞րն է : Եթէ Քաղանճեանին ծր-
նընդեան թուականը գտնաս , կրսէ Հասուն-
եան գոնէ մտքէն , սատանայինն ալ գտած
կըլլաս : Մենք , մեր սովորութեանը համե-
մատ , առանց ականջ կախելու ամեն զրոյցնե-
րու ամենէն հաւանականն ընդունելով կը
դրէնք որ Հասունեանի մօրաքրոջը տղան
ծնած է , Միջագիւղ , 1820 թուականին որ
շատ կը յարմարի իւր դէմքին թէպէտեւ քիչ
կը վայլէ իր եռանդին : Եթէ Անտիոքայ ար-
քեպիսկոպոսն չուզեր ընդունիլ այս թուա-
կանն՝ ուրիշ մը տալսւ համար ընդդիմութիւն
չենք ըներ , բայց քանի որ դէմքին յարմա-
րեցաւ կը կարծենք որ այս թուականաւ գոյն

կըլլայ : կը կարծենք . և կը կարծէք թէ կարծելու փաստ չունի՞նք . չե՞նք տեմներ ամեն օր կիներ և օրիորդներ որ երբ Բէրա ենեն իրենց գլխարկ մը առնելու՝ միշտ նախապատուութիւն կուտան այն գլխարկին որ աւելի կը վայլէ իրենց գէմքին : Թուականներու հետ ալ այնպէս վարվելու չե՞նք ինչպէս կը վարվի գեղեցիկ սեռը գլխարկներու հետ . վաթսուն տարեկան մարդու մը քառասուն տարին քիչ կուգայ . երեսուն տարեկան մը յիսունը չէ կարող տանիլ : Գոհ եմ որ մարդու մը , մանաւանդ ուսումնականի մը կուզղեմ այս խօսքերը , եթէ կնկան մը խօսէի՝ սոսկալի վէճ մը կը ծագէր և անէծքներու ներքեւ կը ձնշրմէի : Բայց թողունք այս խորհրդածութիւններն և գուշակութիւններն ու դառնանք մեր նիւթին :

Որոշ չգիտցվիր թէ ինչ կեանք ունեցաւ այս մարդն՝ ձնելէն առաջ : Այսչափ միայն կաւանդեն թէ մօրն արդանդին մէջ բնաւ հանգիստ չէր մնար . եթէ օր մը աջ կողմը բնակէր՝ հետեւեալ օրը ձախ կողմ անցնելու համար ճանրայ կելնէր . կարծես Պօլիսէն Հռովմ , Հռովմէն Պօլիս կերթար : Իսկ ծնելէն վերջը ունեցած վարքն ամենուն յայտնի է : Ի բնէ խիստ քաղաքավար ըլլալով և ոչ մէկ օր մը լալով ուրիշներն անհանդիստ ըրած չէ : Բարձր ձայնով կուլար դառնապէս այն օրերն՝ ուր Հասունեան այցելութեան

կերթար իւր մօրաքրոջը տղուն : Հասունեանի ներկայութենէն չէր ախորժեր . հաւանական է . բայց հաւանականադոյնը սա է որ Հասունեան երբ օրորոցին կը մօտենար և Օնչի , Օնչի ըսելով կը շոյէր Յովհաննէսն , այս է Քաղանճեանի մկրտութեան անունն , գաղտնապէս կը կսմթտէր մանուկն : Անոնք որ Հասունեանը մօտէն ճանաշելու դժբախտութիւնն ունին՝ պիտի հաստատեն անշուշտ թէ զբարտութիւն չենք ըներ :

Երբ ութը տարեկան եղաւ՝ գիւղին վարժարանը գնաց և քանի մը տարիներ մնաց հոն միշտ յառաջադէմ հանդիսանալով ամեն դասերու մէջ :

1835ին գնաց Հռովմ ուր Անտոնեաններու վանքը մոտաւ ինչպէս կը մտնէ մարդ ճաշարան երբ բարեկամներէն մէկն ըսէ . Եկուր Եկուր պահական ճաշ ճը ընեւ բայց այսօք : Հոն երեք տարի շարունակ աշխատելով՝ կատարելապէս ձեռք բերաւ Աստուածարաննութիւնը զոր շատ գործածելու առիթ չունեցաւ : Հռովմայ ուսումնարաններուն մէջ ալ քանի մը տարի կարդալէն ետքը լրացուց իւր ուսման ընթացքը որ աւելի կանոնաւոր էր քան այն ընթացքն զոր բռնած էր Հասունեանի խնդրոյն մէջ : Աշակերտութեան հրաժեշտ տալուն պէս միաբան գրվեցաւ Անտոնեան ուխտին , որուն այսօր միաբան գրվելու համար մէկը գոնէ շաբաթ մը անօթի մնալու վարժը ված ըլլալու է :

1842ին Բաբաղեան իդնատիռս եպիսկոպոսէն քահանայ ձեռնադրվելով Յովհաննէս անունը թողուց և Սուտիան առաւ : Թէպէտ և այսօր Եթէ ետեւէն երթաս և Հայր Յովհաննէս կոչես՝ իսկոյն ետեւը կը դառնայ : Այն թուականէն սկսաւ Հոռվմ, Անտոննեաններու վանքին մէջ դասատուութիւն ընել, արեղայներու և նորընծայներու վրայ հսկել և ժամանակ ունենալ երբեմն երբեմն Բրօբականտայի ներկայանալով՝ փաստաբանօրէն պաշտպանել այն դատերն որ Լիբանանու կաթողիկոսներու գէմ կըլլային : Եթէ այս պաշտօններուն վրայ հարիւր պաշտօն եւս աւելցվէր՝ սիրով պիտի ընդունէր :

1853ին Եկաւ Պօլիս : Ինքինքը ժողովը գետեան միրելի ցոյց տալու արհեստն Աստուածաբանութենէ շատ աղէկ ուսած ըլլալով՝ քիչ ատենի մէջ ժողովրդեան համակրութիւնն իրեն գրաւեց : Նիկոլայոս Պատրիարքն՝ կոչեց զինքն Պատրիարքաբանի ատենադպրութեան պաշտօնին՝ զոր քանի մը տարիներ վարեց միշտ Հասունեանի հետ գաղտնի մրցելով՝ Պատրիարքին վերաբկուին ետեւը պահուըտած :

1860ին Երբ հիւանդ ինկաւ կակոնեան պատրիարքն՝ Հայր Սուքիաս սկսաւ անոր պաշտօնը վարել իրեւ խորհրդական . քանի առաջ կերթար Պատրիարքին հիւանդութիւնը այնքան կը յառաջանար նաեւ Հայր Սուքիասի փառասիրութիւնն : Իսկ Երբ 1861 ին

կակոնեան վախճանեցաւ՝ ինքն ալ Պատրիարքաբանէն հեռացաւ և առանձնութեան մէջ կանցունէր կեանքը :

1864 ին մշտնջենաւոր արբահայր ընտրվեցաւ Անտոննեան Միաբանութեան և միանգամայն առաջնորդ Անտիոքայ վիճակին : Միաբանութեան սահմանադրութիւնը կը տրամադրէր որ արբահայրն նայրագունութեան աստիճան ունենար, բայց Քաղանճեանի Սահմանադրութիւնը արքեպիսկոպոսութեան աստիճան ուղելով յաղթանակը տարաւ և երկու հարիւր տարուան Միաբանութեան մը կանոնադրութիւնը փոխելով՝ Անդիստայ արքեպիսկոպութիւն տիտղոսով Միաբանութեան գլուխը նըստաւ : Զեռնադրութիւնը Լիբանան կատարուեցաւ : Աբբահայրութեան աթոռին վրայ բազմելուն պէս՝ սկսաւ օրը չորս վարդապետ ձեռնադրել : Բանիբուն և ուսումնական երիտասարդները վարդապետ ձեռնադրած ժամանակը չէր մոռնար նաեւ վեղար դնել այնպիսի գլուխներու՝ որոնց վրայ նարօտն աւելի աղէկ կը վայլէր : Եթէ երիտասարդին մէկն բաւական ուսում և տարիքն առնելին ետքը հրաժարել ուղեր կուսակրօնութեան մէջ մըտնելէ՝ արբահայրն կը համողէր զինքն և խուբսի մը կանցունէր գլուխը : Վարդապետ ձեռնադրելու մէջ հաճոյք կզգար և եթէ օր մը վարդապետ չձեռնադրէր՝ նոյն օրը տիտղոր կանցունէր և երեկոյեան դէմ չորս կողմ մարդ

կը դրկեր որ վարդապետցու մը գտնեն բերեն իրեն :

1865ին կ. Պօլիս վերադարձաւ Հռէքոյի ատենները : Թէպէտ և Հասունեանի հետ բանակցելու կուգար կ. Պօլսոյ և Լիբանանու աթոռներուն միաւորութեանը համար , բայց Հասունեան երբ տեսաւ դինքն՝ մտքէն ըստ . Հռէքոյն հերէտ էր , Հայր Առաքչառն ալ էկաւ :

1866ին Գրիգոր Պետրոս Եօթներորդի մահն դադրեցուց այդ բանակցութիւններն . վասն զի Հասունեան կաթողիկոսութիւնը ձեռք ձբդելու զբաղած ըլլալով՝ ժամանակ չունէր մտիկ ընել ֆաղանճեանը՝ որ այն ատենները , չգիտենք ինչ պատճառաւ , մտերմութիւն հաստատած էր Հասունեանի հետ : Քաղանճեան բնաւ չընդդիմացաւ Հասունեանի կաթողիկոսութեան և Սեպտեմբերի մէջ Լիբանան կատարված ընտրութեան ժողովայն ներկայ չգտնվեցաւ . քուն քաշեց այնպիսի ժամուն ուր տքնութիւն պէտք էր եթէ կը փափաքէր որ ժողովուրդն իւր բերնէն ելած խօսքերուն հաւատք ընծայէր :

1867ին Հասուն Հռովմ գնաց ուր դաղտնի խմբագրվեցաւ Շեքերութեաւը : Երբ Յուլիսին Պօլիս վերադարձաւ Հասուն Քաղանճեանն ալ իւր եկեղեցական զգ եստներն եկեղեցին զրկեց որ հետեւեալ օրը ներկայ գտնըվի Օրհնութեան : Հասունեան ետ դարձուց Քաղանճեանի պէտնա : Ժողովուրդն սկսաւ իրարու ըսել .

— Մըսլութիւն բաղնիքը տեղ մնացած չըլլալով Քաղանճեանի պէտնան ետ զրկվեցաւ :

Իրան շատ մարդ կար բաղնիքի մէջ : Եղորոսի հարցնելու է :

Հասունեանէ ամբաստանված ըլլալով 1868 ին կանչվեցաւ Հռովմ ուր գնաց և քանի մը շաբթուան մէջ արդարացաւ և նորէն կ. Պօլիս դարձաւ : Դիտողաթեան արժանի է որ այս չափ ճանբորդութեան մէջ Լիբանանը բնաւ միտքը չբերաւ :

1869 ին Եպիսկոպոսներու ժողով մ'եղաւ որուն մէջ ի նպաստ ազգային իրաւունքներու և շահերու խօսեցաւ . իսկ երբ Վատիկանու սիւնհօգին ներկայացաւ՝ Ուշիքը առաջ սին ընթերցումէն անմիջապէս ետքը ոտք ելնելով դլուխը բացաւ և խոստովանեցաւ թէ Ուշիքը սուրումն ազգային շահերուն շատ համաձայն էր , թէ ատով ազգային իրաւունքներն կը պաշտպանվէին թէ այդ ժուղթը Հռովմէական Հայերու համար նոր դարագըլուխ մը կը բանար : Այս լուրը հետեւեալ օրը կայծակի արագութեամբ կը հասնի կ. Պօլիս . Հակահասունեաններուն գլխաւորներն իրար կանցնին և չեն գիտեր ինչ բանի ընծայել Քաղանճեանին կարծիքներուն կրած այս փոփոխութիւնը :

Քաղանճեան ազգին շահերէն աւելի վանքին շահերուն պաշտպան կանգնելու նպատակաւ էր անշուշտ որ Ուշիքը սուրու սին այն-

չափ գովեստներ կարդաց . այդ գովեստներով կարծեց թէ պիտի կընայ բրօքականտայի ազդեցութենէն ազատել վանքն . իսկ երբ 1870ին տեսաւ որ Ռէվէրսուրումն համբուրելէ ետքն ալ կը հրաւիրվի վանքին կանոնագրութիւնը բրօքականտային ներկայացնել և անոր տուած հրահանգներուն համեմատ շարժի՝ բանտարկվելու վախով անմիջապէս կանգուն մը կանաչ լաթ առաւ և վրան մահիկ ու ասաղ մը կարելով վանքին գրան վրայ պարզելուն պէս ելաւ Պօլիս եկաւ :

Կ. Պօլիս մտնելուն պէս Հակահասունեան ինդիրը զօրացուց : Վատիկանու ժողովին փախուցած երեք ծեր եպիսկոպոսներէն մին կաթողիկոս ձեռնագրել տուաւ , ինքինքն ալ աթոռակալ անուանեց և բռնեց ազգային իշխանութեան սանձերն զորս ուզած ատեն կը քաշէր և ուզած ատեն թող կուտար : Աթոռակալութիւն , պատրիարքութիւն , կաթողիկոսութիւն , ամեն բան ինքն կը անօրինէր և չէր վարաներ մեծ պատրաստութիւններ տեսնել կաթողիկոսական յաջորդութեան համար : Ազգեցութիւնը մեծ ըլլալուն պատճառաւաւ՝ մեծ ծախքերու կարօտ էր . — յայտնի է որ պղտիկ ծախքով մեծ ազգեցութիւն ըլլար — ուստի սկսած էր ամեն օր Միաբանութեան դիմել և ստակ ինդրել կամ առանց ինդրելու առնել : Միաբանութիւնն անոր մեծ ազգեցութենէն օգուտ քաղել չուզելով

հրաժարեցուց զինքն հշանջնաւոր արբահայրութենէն ըսելով .

—Պղտիկ ազգեցութիւն ունեցող արբահայր մը մեր գործին աւելի աղէկ կուգայ :

Թէպէտեւ ազգային գործերէ քաշված կերեւի բայց ամեն թել իւր ձեռներուն մէջնէ : Հասունեան մեծ կարեւորութիւն կուտայ իրեն և այս վերջին տարիներս քանի մը անգամ փորձեց , բարձր աշխարհականներու ձեռամիր , զինքը վաստըկիլ . բայց Քաղանճեան չմօտեցաւ , վասն զի վհատած չէ և դեռ կաշխատի Հասունեանը տապալել և իրեն յաջորդել . և եթէ օր մը յաջողի իւր նպատակին հասնիլ ազգը սարկաւագ չպիտի տեսնէ , ամենը վարդապետ . վարդապետ չպիտի տեսնէ , բոլորը եպիսկոպոս և հատիկ հատիկ չէ այլ տասնեակներով :

Պէտք է գիտնալ որ Քաղանճեան , որչափ ալ առանձնացած ըլլայ , շատացած չէ այն բարութիւններով՝ զօրս ըրած է աղդին , այլ խոստացած է աւելի մեծ գործերով իւր անունն անմահացնել՝ եթէ յաջողի ձեռք անցունել չորս միլիոն անդզիական ոսկին զորս պիտի ընդունի Հնդկաստանէն : Հարիւր քառասուն տառաւուան ժառանդական ինդիր մ'է սա՝ որուն հոգի տուած են վանքին մէջ գըտնըված հին նամակները : Անցեալ տարի Անդզիոյ գեսպանատան մէջ կազմված քննիչ հասնաժողովն՝ Հնդկաստանի կառավարութեան

տեղեկագիր մը զրկեց որուն մէջ Քաղանճեանի փաստերը զօրաւոր նկատված են : Ամեն շաբաթ թղթատուն կը վազէ որպէս զի նաև մակն և չորս միլիոն ոսկիի փոխանակագիրն ընդունի և ամեն շաբաթ ունայն ետ կը դառնայ : Քաղանճեան Հասունեանի ձեռքէն յափշտակած է այս գործն, սկզբնապատճառ այն հակառակութեան որ կը տիրէ մինչև այսօր երկուքին մէջ : Մենք խեղճերս երբեմն այնպէս կը հաւատանք որ այն կրօնաւորներն որ Հասունեանի հակառակ են՝ ազգին իրաւունքները պաշտպանելու ազգասիրութենէ առաջնորդված են . բայց երբ գործին քիչ մը խոռը քննենք՝ կը տեսնենք որ մէջէն կամ ագարակի խնդիր կելնէ կամ ժառանգութեան դատ և կամ այնպիսի խնդիր մը որ ուղղակի իրենց քսակին հետ վերաբերութիւն ունի և ազգին շահերուն հետ բնաւ գործ չունի : Այսպիսի անձերուն եթէ մէկ անիրաւութիւնը տեսնես և իրենց քսես՝ Շեքսպիրը պաշտպանած կը լլաս . իսկ եթէ հաշիւ հարցնելու լլասո՝ իրքի չոռվմայ գործիք կամբաստանպիս : Որո՞ւ պիտի հասկցունես իրաւունքներդ փութանք յայտնել որ եթէ Հայր Քաղանճեան այդ գումարն ընդունի՝ անոր համար ըրած ծախքերն և նուէրներն , այսինքն երկու միլիոնը, իրեն աշխատութեան վարձք հանելով մնացածը հետեւեալ կերպով ազգին պիտի նուիրէ .

Ա. Վարժարան մը պիտի կանգնէ բոլորովին աղատ կղերական ազգեցութենէ :

Բ. Աղջիկներու համար ալ վարժարան մը պիտի բանայ նոյնպէս աղատ մայրապետներու ազգեցութենէ :

Գ. Ասոնց պիտի յատկացնէ այնպիսի կալուածներ որոնց մէջ քարէն ու կիրէն զատնիւթ չպիտի գտնըլի որպէս զի ոչ կրակէն վախնան և ոչ ջուրէն :

Դ. Պատրիարքարանին հաստատ եկամուտ մը պիտի կապէ և ժողովուրդն աղատ պիտի ըլլայ տուրք վճարելէ :

Ե. Բաւական գումար պիտի նուիրէ ազգին՝ եթէ ան ալ հաճի զինքը Կաթողիկոս-Պատրիարք ընարելու . :

Իսկ եթէ չկարենայ այդ գումարն առնել գարձեալ ետ չպիտի կենայ ազգին համար աշխատելէ և պիտի գործադրէ այն գիտաւորութիւններն զորս մոքին մէջ ունի և որք են .

« Ա. Տամնական դահեկան առնել այն ամեն անձերէն որ եկեղեցի չեն երթարք — այս տուրքով տարին մէկ միլիոն ոսկի գոյացնել կը յուսայ — :

Բ. Շաբաթը մէկ գահեկան տուրք սահմանել տաճկերէն խօսողներուն :

Գ. Ամիսը մէծիտիէ մը տուգանք առնել Հասունեանի հետ խօսողներէն :

Դ. Մէկ ոսկի պահանջել այն ամեն անձե-

բէն որոնք կը յանդգնին կասկած յայտնել
իր ազգասիրութեանը :

Ե. Իրաւունքէ զրկնլ այն ամեն կրօնա-
կաններն որ եկեղեցական արարողութեան ա-
ռեն կը հաղան :

Զ. Ասոնցմէ գոյացած հասոյթէն իւր աշ-
խաւութեան վարձքն հանել և մնացածը ա-
ռատաձեռնութեամբ ազգին նուիրել :

Եթէ այս ճանբով ալ չյաջողի՝ պիտի գի-
մէ այն հնարքներուն զորս ազգասիրութիւնը
կը ներջնէ իրեն :

Եկեղեցական արարողութիւններուն մէջ
այնչափ խիստ է որչափ մեղմ է Հասունեան :
Կը փափաքի որ Հայ Քրը առ նուազն մէկ
ժամուան մէջ լմննայ որպէս զի շուտ կար-
դացվելով բառ դուրս շմայ : Ոչ թէ բառ
այլ եթէ գիր մը պակաս հնչվի՝ կրակ կը թա-
փէ զայն կարդացողին գլխուն . եթէ կէտ
մը աննշան կերպով անցնի՝ նստած տեղէն
կոկսի գիտողութիւններ ընել : Օր մը Ռուկե-
բերանի եկեղեցին դացած էի և գիտուածն
անանկ բերած էր որ իւր ետեւը կայնիմ :
Եղիսկոպոսին մէկն սկսաւ Հայքէն որուն կէ-
տադրութիւնը Քաղանձեանն ստանձնեց սա-
պէս .

— Հայր մեր որ յերկինս ես :

— կէտ :

— Սուրբ եղիցի անուն քո :

— Վերջակէտ :

— Եկեսցէ արքայութիւն քո :

— կէտ :

— Եղիցին կամք քո որպէս յերկինս և
յերկրի :

— Վերջակէտ :

— Զաց մեր հանապաղորդ տուր մեզ
այսօր :

— Վերջակէտ :

— Եւ թող մեղ զպարտիս մեր :

— Ստորակէտ :

— Որպէս և մեք թողումք մերոց պար-
տապանաց :

— Վերջակէտ :

— Եւ մի :

— Շեշտ գին վրայ :

— Տանիր զմեղ ՚ի :

— Ինիին կոնակը մակակէտ կայ :

— Փորձութիւն :

— Միջակէտ :

— Այլ փրկեա զմեղ ՚ի չարէ :

— Վերջակէտ : (Մէկուսի) Հասունեանէ :

— Զի քո է արքայութիւն և զօրութիւն
և փառք յաւիտեանս :

— Միջակէտ :

— Ամէն :

— Վերջակէտ :

Հասունեանի հակառակ ըլլալու համար
այսպէս կը վարվի եկեղեցական արարողու-
թիւններուն մէջ . թողլով ժամանակին պա-

տասխանել այս հարցման՝ մենք միայն կըսենք
թէ ինքը մարդ շահելու արհեստին մէջ այն-
քան վարպետ է որ միտքը չէ կարող երեւա-
կայել. եթէ ուրբու տեղ ուրած գնէինք՝ Ո.Օ.
շիլտ մը կունենայինք ազդին մէջ: Գիտէ ինք
որ ժողովրդեան մէջ կայ մաս մը որ բունով
աւելի փութով կորսացվի քան թէ բառերով.
շանգիտեր նաև թէ ուրիշ մաս մ'ալ կայ ո-
րուն բուն ալ արդայն շնու է և վերջինուն ա-
դայն էրտուռն: Ասոնք գիտնալով իւրաքան-
չւրին մոտային կարողութեանը համեմատ կը
շարժի, թէպէտե եկեղեցիէն գուրս իւրա-
քանչիւրին ճաշակն ալ գոհացնել չմոռնար:
Օրինակի համար, երբ զաւեշտական լրագրի
մը խմբագրի մը հետ խօսակցի՝ կարծիք կը
յայտնէ թէ երգիծանութիւնն մեծ օգուտ-
ներ կընծայէ ազդին, թէ շատ մը մոլութիւն-
ներ և զեղծումներ անով միայն կրնան անհե-
տանալ, իսկ երբ գտնըվի այնպիսի մարդու
մը քով որուն մէկ գործն հեգնըված է՝ կըս-
կըսի նկարագրել այն վնասներն, զօրս հասու-
ցած է ազդին դմուն հեգնաբանութիւնը.
վահ, կըսէ լալով, միթէ զաւեշտական թեր-
թերը չե՞ն որ մեր Շուռբինեան թագաւորու-
թիւնը կործանեցին: Բայց աս չէ իւր տիրող
նկարագիրն. զինքը լաւ ճանաչելու համար
հարկ է գիտնալ թէ Քաղանճեան այն մարդն
է որուն գլուխը եթէ աշխարհիս բոլոր դափ-
նիները թափես՝ այս ազդը ապերախտ է, կը-

ոէ, բարութիւն չճանաչեր: Եթէ լուացվելու
համար բաղանիք մտնէ՝ կը փափաքի որ բաղ-
նիքի մէջ գտնըված բոլոր մարդերն իրեն թե-
ւը մտնեն և այնպէս տանին ներս բնաւ չը
խորհելով որ երկու թեւը քառասուն հոգի
չկրնար բռնել: Եթէ մուկ մը ճզմէ՝ Ենէա-
կանի մէջ՝ տեղ կը փնտոէ որ դիւցազներուն
մէջ երթայ նստի: Գնա այցելութիւն մը տուր
իրեն, թղթագրամով խահուէ եփել կուտայ:
Ճշմարտութիւնը վիրաւորել է չխոստովանիլը
թէ Քաղանճեան ազդը կը սիրէ, բայց ար-
դարութիւնն սպաննելէ չյայտնելը թէ փառ-
քըն աւելի կը սիրէ. և եթէ օր մը ազդին
ու փառքին շահերը զինքը տեղ մը հրաւե-
րելու ըլլան՝ վերջնոյն հրաւերը կընդունի և
առաջնոյն կը պատասխանէ թէ վաղը պիտի
գայ:

Քաղաքակար անձ մ'է և հետն անդամ
մը տեսակցիլը բաւական է անոր իմաստուն
խօսքերէն և քաղաքավար վարմունքէն յա-
փշտակվելու համար: Բաց ի մէկ երկու ա-
միրաներէն՝ ամենն ալ կը սիրէ զինքը բայց
միշտ վախնալով անոր փառասիրութենէն զոր
անցընելու համար շատ մը բժիշներ բաւական
դեղեր առաջարկեցին, բայց ինքը մերժեց,
յայտնելով որ եթէ այդ հիւանդութենէն բը-
ժըշկի՝ չկրնար ապրիլ: Ճշմարիտ է, փառա-
սիրութիւնը այնպիսի հիւանդութիւն մ'է ո-
րուն ենթակայ եղողին հաճոյք կը պատճառէ

և վնասն ուրիշներու կուտայ . ով կուզէ հա-
ճոյքէ զրկվիլ :

Հայր Սուքիս կարմիր այտերով և ճեր-
մակ մօրուքով պատկառելի մարդ մ'է : Եթէ
առաջարկէ մէկուն որ երթայ ինքինքը ծովը
նետէ՝ այդ անձը կը քաշվի անոր առաջարկու-
թիւնն մերժելու և եթէ ծովը չնետի՛ մէջ
մ'ալ անոր երեւնալու կամչնայ : Իւր դէմքին
վրայ գաղափար մը տալու համար պարտաւոր
ենք յիշել դէմքն այն մարդուն որ աթոռի մը
վրայ նստելու պատրաստված ժամանակը ու-
շադրութիւն չընելով որ սատանային մէկը ա-
թոռը ետեւէն քաշած է՝ կունակի վրայ կիյնայ :

ՎԱՀԱՆ ՊԱՐՏԻԶԱԿՅԻ

1850 ին Պարտիզակ ծնած է Վահան
վարդապետ , երեսփոխան , թատրերգակ , ա-
ռակախօս , այցելու եւ պատուիրակ բարձր
Հայաստանի : Այնչափ բարի զաւակ մ'էր որ
իր ծննդենէն երկու ամիս առաջ հայրը մե-
ռաւ , իւր տղուն երեսը չտեսնելու համար .
երկու ամիս ետքն ալ մայրը հոգին փշեց ,
իւր զաւակին երեսը տեսած ըլլալուն համար :

Կնքահայրն , որ այսօրուան բոլոր կնքա-
հայրներու պէս իւր սանին երկու անուն դը-
նելու մոլութիւնն ունէր , Լէւէ կողէ անուա-
նեց զայն որ ըսել է Խեռ կարապետ : Եւ ար-
դարեւ սանն իւր առաջին անուանը հաւատա-
րիմ մնալու համար բան մը չխնայեց . վեց
տարեկան էր երբ թռչուններ , հաւեր . սա-
գեր ու բադեր կը զարնէր նետով . երբեմն
ալ ամբողջ օրերը խաղալով կանցունէր շու-
ներու հետ որոնց աշերը կը հանէր :

Թաղական Խորհրդոյ որոշմամբ 1858 ին
Փրկիչ կը զրկվի կարապետ , բայց հոն ալ խե-
լօք չնստիր . դասերը սորվելու տեղ ճանճ
որսալու արհեստը կը մշակէր : կառավարիչն՝

անկարող այս աշակերտն ի կարգ բերելու ,
անառականոց կը դնէ զայն որպէս զի հոն
սորվի իւր չգիտացած անառակութիւնները .
Երկար ատեն չկրնար մնալ այս յարկին մէջ ,
վասն զի 1862 թուականին երբ Փրկիչը բա-
րեկարգելու համար բոլոր աշակերտները կը¹
վանտվին յիշեալ վարժարանէն , Կարապետ
ալ Պարտիզակ կը դառնայ :

Պարտիզակ դառնալուն պէս Կարապետ
կուղէ թաղականներէն վրէժ լուծել . ուստի
կսկսի անոնց եղներուն , էշերուն եւ գոմէշ-
ներուն պոչը կարել : Թաղական Խորհուրդը
կը անօրինէ որ այս տղան նորէն Փրկիչ զըր-
կըլի և Կարապետ 1863 ին վերստին Փրկիչ
կը մտնէ : Մէկ ու կէս տարի կը մնայ հոն եւ
ամեն ուսումէ ու գիտութենէ մէկ երկու
տրամ բան առնելով 1865 ին +: Պատ-
ճառաւ կստիպվի նորին իր քաղաքը դառնալ :

1866 ին վերստին Պոլիս կը դառնայ եւ
պայտավաճառի մը քով աշակերտ կրլայ :
Այն թուականին պայտավաճառները կոշկա-
կարներէն շատ աւելի դրամ կը վաստիէին .
վասն զի դրամական նեղութիւնն այն ատեն-
ները խիստ զգալի չըլլալով ձիերն ու էշերն
հիմակուան պէս երկու ժամ չելին խորհեր թէ
ուր կոխելու են որպէս զի իրման կոշիկները

չհմնան և , հետևապէս , չսափվին բոկոտն
քալելու : Կարապետ կարծելով թէ այս աս-
պարէզին մէջ կրնայ մեծ մարդ ըլլալ ինքը-
զինքն իւր ակրոջը սիրելի ընելու համար բո-
լոր աշխոյժն ի գործ կը դնէր . Շատ ապրանք
ծախելու համար ունեցած եռանդն դինքը
ծայրայեղութեան կը մղէր . Երբ կը տեսնէր
այնպիսի մարդեր որոնք գիպուածով հարըս-
տանալով , գիպուածին արդիւնքն իրենց խել-
քին կընծայէին , կը կանչէր զիրենք ըսելով .
«Հրամմեցէք , աղէկ կոշիկներ ունիմ ձեզի հա-
մար . . . Պարտիզակէն եկած . . . »

Սակայն այսչափ աշխատութեան փոխա-
րէն չյաջողիր իր նպասակին հասնելու : Տէրն՝
որ կերակուր ուտելէն վերջը չէր քալեր որ-
պէս զի կերածը չմարսէ և նորէն ուտելու
համար ստակէ չելնէ , գիշեր մը կը ճանրէ
Կարապետն՝ որ անկողինը կոնակը շալկելով
դուրս կելնէ խանութէն : Զմոռնանք հոս յի-
շել որ Կարապետ պարապոյ ժամերը կատա-
րելագործելու կը զոհէր ինչ որ սորվիլ սկը-
սած էր անցեալին մէջ :

Այն որ անկարող է իւր առաջադրած
նպատակին երթալ՝ ականջները կը բանայ
բախտին և անոր կոշած աեղը կսկսի վազել :
Կարապետ իւր աշխուժութեամբը կընար թէ-

բեւս առևետուրի մէջ մեծ մարդ ըլլալ, բայս-
տը զինք ուրիշ տեղ կը կանչէ . կամ երթա-
լու է և կամ անօթի մեռնելու է : Թորոս
բեռնակրութեան կոչում ունի . կոչումը ձայն
չունի, բախտը զայն սեղանաւորութեան կը
հրաւիրէ : Ես վիճաբանելու և գիմացինս հա-
մոզելու փափաք ունիմ, բախտը՝ կը հրամայէ
ինձ որ անտառաբան ըլլամ . և համոզելու
պաշտօնն այնպիսի մէկու մը կը յանձնէ որ
իւր միտքը բացատրելու անկարող է : Դու
գիտութիւններու մէջ կը կարծես առաջ եր-
թալ, բախտն զքեզ բանաստեղծ կընէ, եւ
բախտին շինած բանաստեղծին պէս անճոռնի
բան չկայ աշխարհիս երեսը : Արդ այս բախ-
տը, որ քիչ բացառութեամբ միշտ կը հրա-
ւիրէ զմեղ այնպիսի տեղեր ուր չենք ուզեր
երթալ, վարժապետութեան կը կանչէ կարա-
պետն և որ 1867 ին իշխաններու ընկերակ-
ցութեամբ Պօլիսէն կը մեկնի Զէյթուն եր-
թալու համար : Երբ Հալէպ կը հասնի հի-
ւանդ կիյնայ : Ընկերները զինքը հոն թող-
լով կը շարունակեն իրենց ճանբան : Ամիս մը
անկողնոյ մեջ մնալէն ետքը առողջութիւնը կը
գտնէ և էշ մը առնելով՝ վրան կը հեծնէ ու
ճանբայ կենէ : Կարապետ Զէյթուն կուզէ
երթալ, իսկ էշը հոն ուր կանաչ խոտ կայ :

Ուր որ իրարմէ տարբեր շահեր կան՝ հոն մի-
աբանութիւնն անկարելի է, կարապետ մար-
դագետնի հետ բնաւ գործ չունի . էշն ալ
Զէյթունէն բան չհասկնար ոչ ալ հոն տըր-
վելիք դաստիարակութենէն . ուստի անօթի
ըլլալով ուղիղ ճամբէն կը խոտորի և մարդա-
գետնի մը վրայ կը գտնէ իւր Զէյթունը
ուր նստած էին քանի մը չէրքեզնէր : Ասոնք
այս ինքնահրաւէր աւանակին գալուստը սի-
րով կողջունեն և տիրոջն ալ կըսեն թէ « աս
էշը մերն է, տես ի՞նչպէս մեզի ճանչցաւ ու
եկաւ : » Ի զուր կը ջանայ կարապետ զիրենք
համոզելու համար վկայներու դիմել . Քրիս-
տոնէին վկայութիւնը ի՞նչ արժէք ունի մա-
նաւանդ երբ էշն ալ համակրութիւն կը
յայտնէ չէրքեզներու : Արքատիի սոխակն հոն
պատուական ճաշ մը ընելէն ետքը մարդա-
գետնի վրայ կերպնցնէ ոտներն և գլուխը կը
դարձունէ կարապետին որ անօթի ետ կը
դառնայ մօտ գիւղ մը երթալով գլխուն ճարը
վնառելու համար : Մօտակայ գեղի մը մէջ ձի
մը կը գտնէ և անով վերստին կսկսի ուղե-
ւորիլ դէպ ի Զէյթուն ուր կը հասնի քան
օրէն : Տարիուկէս հոն դաստուութեան պաշ-
տօն վարելէն ետքը 1870ին Զէյթունէն կմեկնի
Եղիպատոս կերթայ, Եղիպատոսէն ալ կ. Պօլիս:

1871 Յահ Նազարեան Վարժարանի աշակերտները ընկերութիւն մը ունէին որ ԶԵՅԹՈՒՆԻ մէջ վարժարան մը բացած էր . Սոյն ընկերութենէ կաղաչի կարապետ նորէն ԶԵՅԹՈՒՆ դառնալ և հոն դասատուութիւն ընել . ընկերութեան վարժարանին մէջ : Կարապետ կընդունի այս առաջարկութիւնը և ճանքայ կենէ , բայց երբ կիմանայ Եգիպտոսի մէջ՝ թէ զրպարտուած էր ԶԵՅԹՈՒՆԻ ժողովուրդը դրդուելու ամբաստանութեամբ և պիտի ձերբակարվէր , իսկոյն աշխարհականի հագուստը կը հանէ և կրօնաւորի զգեստներ հագնելով շունչը երուսաղէմ կառնէ :

1871 ին Սարկաւագ կը ձեռնադրվի հոն և 1872 ին Գաղիկ Բ. թատրերդութիւնը կը դրէ : Ա.յս թատրերդութեան անձերուն մէջ կին մ'ալ կար . վանական մամուլը չուզեց որ կին դանըփի վանքի մէջ տպված թատրերդութեան մէջ , ուստի կինը հանեց և տեղը մանչ դրաւ : Սարկաւագ ձեռնադրվելուն պէս վանքը բարեկարդելու կը ձեռնարկէ : Խնդիր կը յարուցանէ թէ Ս. Պատրիարքն պարտաւոր է հաշիւ տալ միաբաններուն թէ ընտրութիւններն քուէարկութեամբ կատարվին :

Երբ իւր առաջարկութիւնները կը մերժը պին՝ բոլոր ուժովը կսկսի պօռալ թէ ուր

խորութիւն կայ՝ հոն արդարութիւն չկայ , և ուր արդարութիւն չկայ՝ հոն Աստուած չկայ . և ուր Աստուած չկայ՝ հոն Աստուծոյ պաշտօնէի գործ չկայ : Ս. Պատրիարքն , ուրուն ականջներն որդուածնէն և Աստուած բառերը լսելու վարժված չէին , անմիջապէս կարապետը կարգէն կը լուծէ և պարոն կարապետը Պօլիս կուգայ և կոկսի հոն ֆէսով պըտըտիւ : Ճ'արը հատնելով կը դիմէ Ղալաթիոյ օճախին որ նոր կաղմակերպվելու վրայ էր . անոր անդամ կը գրվի . Մշեցիները Խրիմեանին դէմ կը գրգռէ . Մելքիսեդէկ եպիսկոպոս Մուրատեանին Եկեղեցական Պատմութիւնն կըննադատէ իրեւ մոլորական , Երուսաղէմայ Պատրիարքէն վրէժ լուծելու նպատակաւ : Ա.յսպէս օճախին ծառայելէն ետքը անոր պետին կը դիմէ վարձատրվելու համար : Օճախին գլուխը գիշեր մը Հասդիւղ ամեն . Ներսէս Ս. Պատրիարքին — այն ատեն տեղապահ — տունը կերթայ և հետևեալ անուանումները կառաջարկէ . « Մամբրէ եպիսկոպոսն Մշոյ Մուրը կարապետի վանահայր անուաննելու է . իզմիրլեան Մատթէոս վարդապետն եպիսկոպոսութեան բարձրացնելու է . Կ. Սարկաւագը վարդապետ ձեռնադրելու է . » Խառն Ժողովը հետևեալ օրը այս առա-

Հարկութիւնները կընդունի և յաջորդ օրը
կարապետ սարկաւագը կըլլայ վահան Վար-
դապետ :

1874 ին Մամբրէ եպիսկոպոսի ետևէն
Մուշ կը զրկի որպէս զի վանահօր հետ աշ-
խատելով վանքը բարեկարգէ : Քառասուն
աշակերտի համար տարեկան տասն վարտիկ
և քսան շապիկ կորոշվի . այս հաշուով չորս
աշակերտ մէկ վարտիկ պիտի հաղնէին եւ
երկու հոգի մէկ շապիկ : Տնտեսադիտու-
թեան մասին վանահօր որոշումն արդարեւ
դովելի էր , բայց Վահան վարդապետ չուզեր
համաձայնիլ այս որոշման , տեղեկագիր մը
կը շնէ . Պօլիս կուգայ .

1875 ին Թումէլի Հիսարի վարժարանին
դասատու կանուանվի : Տեղեկագիր մ'ալ հոն
կը շնէ :

1876 ին Խւսկիւտաց Սբ. Խաչի վարժա-
րանին տեսուչ կը կարգի եւ աւագ հինգ-
շաբթի օրը ժողովրդեան քարոզ մը կը խօսի
սապէս .

« Ժողովուրդ . գորոշը դէշ վիճակի մէջ
է . աղաները աղէկ չեն նայիր . քանի մը օրէն
վարժարանը պիտի փլի . Թաղականն անհոգ է »:

Այս քարոզին վրայ ժողովուրդը Խոր-
հըրդարանը խուժեց , աղաները վար առաւ :

Նոր ընտրութիւն եղաւ , նորէն տեսուչի պաշ-
տօն առաւ : Դարձեալ լուծվեցաւ , նորէն
ընտրվեցաւ և յիշեալ թաղը քանի մը ան-
դամ տակնուվը ընելէն ետքը հեռացաւ
անկից :

Այս իրարանցումի մէջ Ս. Պատրիարքն
այցելուներ զրկել կուզէր կարնոյ կողմերը :
Վարդապետին մէկն երկու հազար ոսկի կը
պահանջէր այս պաշտօնն յանձն առնելու հա-
մար , Եպիսկոպոս մը Պօլիսէն ճանրայ ենե-
լու համար երեք հազար ոսկի ուզելէն ետքը
չորս ձի . երկու կառք և տասներկու շիշ
լուսնու կը պահանջէր Հայաստանի մէջ գաղ-
թականութեան առաջքն առնելու համար :
Երբ Պատրիարքն յուսահատած՝ լապտեր ի
ձեռին կրօնաւոր կը վնասուէր՝ Վահան վար-
դապետ կընդունի այս պաշտօնն և իբրև փո-
խարինութիւն ուրիշ բան չպահանջէր այլ
միայն հրացան մը և տասներկու շիշ օղի :
Ահա հոսէ Աղդային ջոկերուն մէջ Վահան
վարդապետին մտնելուն գաղտնիքը : Անմի-
ջապէս ճանրայ կենէ այս այցելուն հրացանն
ուսէն կախված : Ճանրան երբեմն որսորդու-
թիւն ընելով երբեմն երգելով երբեմն խմե-
լով Դեղջան կը համնի , ուր սրբելը Սբ. Թորո-
եկեղեցին կիշնէ : Հետևեալ օրը ծառի մը

վրայ կենէ և կը յորդորէ ժողովուրդը որ
չգաղթէ : Կարին կը մտնէ ճիշդ այն օրն ուր
իրմէ ժամ մը առաջ մտած էր Հայկական
խնդրոյն անյաջողութեան լուրը : Կողէ հոն
եկեղեցւոյն մէջ կարդալ այն կոդակին որ Պատ-
րիաքարանէ տրված էր իրեն և որ նպատակ
ունէր ժողովուրդը համողել չգաղթելու հա-
մար . Յարութիւն եպիսկոպոս կընդդիմանայ .
այցելուն ձայն չհաներ , հրացան և օղիի շիշն
առնելուն պէս ճանբայ կենէ դէպ ի կարս .
Հոն կը ներկայանայ Լազարէ ֆին որ կը զրկէ
զինք Տէր Ղուկասօֆին որ Տփղիսի ճանբան
ցոյց կուտայ իրեն : Ալաշկերտէն և Պայաղի-
տէն լուր կուդայ Տփղիսու Յանձնաժո-
ղովին յայտնելով որ այն տեղի ժողովուրդն
խմբովին Ռուսաստան պիտի դաղթէ : Վեհա-
փառ կաթողիկոսը կը քնանայ : Այլազովսքին,
Փոքի , Մշտի և Մեդուի Խմբագիրներն կաղա-
շեն այցելուն որ Ալաշկերտ և Պայաղիտ եր-
թայ : Կընդունի Վահան վարդապետ , բայց
կոնդակին մէջ Ալաշկերտ և Պայաղիտ յիշ-
ված չըլլալով կորոշէ նախ Բիւրական եր-
թալ կաթողիկոսին և ապա իւր պաշտօնին :
Բիւրական կերթայ . կարթնցնեն կաթողի-
կոսը որ «Ն և ա հարցնելէն ետքը ձախ կողմը
կը դառնայ և նորէն կը քնանայ : Քանի մը

ժամէն նորէն կարթնցնեն նորին վեհափա-
ռութիւնն որուն չկրնար ներկայանալ մէկն
առանց քսանը հինդ օր դրան առջև սպա-
սելու : Վերջապէս կարժանանայ դէմն ելնել
կաթողիկոսին որ պարզապէս կը յայտնէ թէ
ինքը չէղոքութիւն պահել որոշած է այս
գաղթականութեան խնդրոյն մէջ և այս
յայտարարութիւնն լնելէն ետքը կսկսի սանտ-
րել իւր մօրուքն :

Վահան վարդապետ Պայաղիտ կը վերա-
դառնայ այն օրերն ուր Ռուսիոյ զօրքերը
Պայաղիտէն քաշված էին և մեր զօրքերը մըտ-
նելու կուշանային : Ժողովսւրդը , գաղթելու
պատրաստված . կը փնտաէ իր +Էնեները եւ
քահանայները զորս այցելուն վարպետու-
թեամի մը վանքին մէջ բանտարկած էր :
Քանի մը գիւղեր միայն կը դաղթեն հակա-
ռակ յանից Վահան վարդապետին որ նորէն
Բիւրական կերթայ ու կաթողիկոսին կը ներ-
կայանայ ըսելով .

« Զեր անհոգութեամբը երկու երեք
հաղար տուն կորսըլեցաւ . հարիւր քսան
վարդապետ և հարիւր քսան հաղար ոսկի
ունենալով չուղեցիր օգնութեան համնիլ քա-
նի մը գիւղերու որք էջմիածնէն տասներկու
ժամ միայն հեռաւորութիւն ունին : Անոնց
արիւնը ձեր գլուխն ըլլայ : »

Կաթողիկոսը գլուխը քերեց :

Այս պաշտօնն ալ կատարելէն ետքը թօթի ճամփով Պօլիս եկաւ և աեղեկադիր մը ներկայացուց Ս. Պատրիարքին : Հիւանդութիւն մը եկաւ վրան և Պարտիզակ երթալով վեց ամիս ցաւով զբաղեցաւ :

Պատրիարքարանն , գոհ անոր մատուցած ծառայութիւններէն , 1879 ին պատուիրակութեան պաշտօնով կարին երթալ հրամայեց իրեն . հրամանն անմիջապէս կատարեց շոգենաւ մանելով . Հոն ընդհանուր ժողով դումարեց . Հոն դրուեցաւ հոչակաւոր ծրագիրն որ մատուցվեցաւ կայսերական +օ՛չուներուն : Ասոնք ընելէն ետքը բարեկարգութիւններուն ձեռնարկեց : Երբ իմանար որ գեղի մը մէջ հարստահարութիւն մը գործված էր՝ իսկոյն նոյն գեղին +ենեաներն ու քահանայներն կանչել կուտար :

— Զեր գեղին մէջ ոչխարներ գողցված են :
— Հրամմեր էք . Հայր սուրբ :

— Քիւրտերը գողցած են :

— Ծառայ եմ Հայր սուրբ :

— Ինչո՞ւ ուշադրութիւն չէք ըներ և թող կուտաք որ խեղճ ժողովուրդը կողպտի :
— Ծառայ եմ , հայր սուրբ , շունելը չը հաջեցին որ իմանայինք :

— Շուները ի՞նչու չպատժեցիք :
— Ծառայ եմ Հայր սուրբ :

— Սա ֆաւտա բերէք :

— Ծառայ ենք , Հայր սուրբ :

Եւ քանի մը քեհեաներ ու քահանայներ ֆաւտային տակ երգել կուտայ : Պատրիարքարանը կիմանայ և կը դրէ իրեն որ բարեկարգութիւնն առանց ֆաւտայի ընէ . կը պատասխանէ թէ անկարելի է . վասն զի , կըսէ , այս մարդերն իրենց ոտներէն աւելի շուտ խօսք կը հասկընան քան թէ իրենց գլխէն :

Շատ իրաւացի է այս պատասխանը , Արիստիպառու . զոր շան արտաճի կանուանէր Անտիաթինէսի աշակերաներէն անառակագոյնը , իւր բարեկամներէն մէկուն համար երբ Դիոնեսիոսին կաղաչէր և չէր յաջողեր՝ իւր խընդիրքը լսելի ընելու համար անոր ոտներուն փարեցաւ : Ներկայ եղողներն երբ դիտողութիւնն ըլլին իրեն այս վարմունքին՝ յանցանքըն իմա չէ , պատասխանեց , այլ Դիոնեսիոսին որուն ականջներն ոտներուն վրայ են :

Զարմանալի է տեսնեն որ այսօր ալ շատերուն ականջներն իրենց ոտներուն վրայ են : Այս ոտները համբոյը կընդունին եթէ հզօր են իսկ վայտ եթէ տկար են : Մանաւանդվերջին տարիներու համբոյըներն հարուստնե-

բու և աղդեցութեան տէր անձերու հողաթափի տեղ կը ծառայեն, ամեն օր կը կոխվին անոնց վրայ . իսկ բուն ականջներն կը դորժածվին իրու զարդ և կամ բան մը չըլսելու համար :

Բնական էր որ վահան վարդապետին այս ընթացքն ապարդիւն չմնար, վասն զի Յա- շերին տակէն ելնողներն առաջուան պէս չէին կրնար անտարբերութեամբ շարունակել իրենց պաշտօնը : Այս քահանաներն ու Քենեներն իրենց գիւղերը մտնելուն պէս կակսին յոր- դորել ժողովուրդն որ գողերու դէմ ինք- զինքը պաշտպանէ . ամեն տեղ անձնապաշտ- պանութիւն կը քարողէն որպէս զի քիւրտե- րու յանցանքն իրենք չքաւեն ֆալտիյին տակ :

Վահան ժամը մինչեւ տասնը մէկ բա- րեկարդութիւն կընէր և տամնըէկէն ետքը օղի խմելու կերթար Յարութիւն Եպիսկոպո- սին քով որ տասնըէկէն առաջ կակսէր Բա- քոսի արարողութիւններուն, Գործող և կըտ- րուկ մարդ ըլլալն յայտնելու համար Յարու- թիւն Եպիսկոպոսին կատուն զրկեց աղդային Վարչութեան ձեռամբ բանտարկված վարժա- պետի մը որ նամակ գրած էր աղաչելով որ աղատեն բանտէն վասն զի մուկերը պիտի ու- տեն զինքը : Երբ Յարութիւն Եպիսկոպոսն

իւր կատուն հարցուց՝ Պահան վարդապետ պատասխանեց թէ կրթական գործի մը ծա- ռայեցուցած էր զայն :

Իւր պաշտօնն աւարտած ըլլալու հա- մար ֆրանսերէն տեղեկադիր մը կը հրատա- րակէ և Թրօմթրին կուտայ : Այս տեղեկադ- րին մէջ Հայերու վերքերուն վրայ կը գնէ իւր մատն՝ զոր ուրիշներն մատանիով կը պատ- ուեն և զոր մենք կը կտրենք անոր համար որ մատանի չունինք :

Քանի մը ամիսներ Պօլսոյ Փողոցներուն մէջ թափառելէն ետքը Քատը գեղի քարոզ- չութեան պաշտօն կը արվի իրեն : Այս գեղին աղդայիններն ոչ թէ միայն պատիւ չեն տար այլ պառկելու համար սենեակ մ'ալ ցոյց չեն տար և ինքը կստիպուի . գիշեր մը քանի մը ժամ փողոցի մէջ մնալէն ետքը, սենեակ մը ճարել և իւր գտած ընդունելութեան վրայ մոմտալ : Հետեւեալ օրը կը հրաժարի այս պաշտօնէն . և երբ Գատը գիւղի աղդայիններն կը յատնեն իրեն թէ եթէ սենեակ մ'ունե- նար սիրով պիտի ընդունէին զինքը՝ կը պա- տասխանէ թէ կրիայ քարոզիչ մը ընտրեցէք դուք որ, ինչպէս կըսէ չեմ յիշեր ով, ուր ալ երթայ սենեակն հետը կը տանի :

Իւր սկզբունքներն են .

« Նախ համապել, ապա հայհոյել . յետոց
սպառնալ և ետքը զարնել :

Մարդերն ուրախ և զուարթ ըլլալու են
ամեն պարագայի մէջ :

Մեղք չգործելն Աստուծոյ յատուկ է ,
իսկ մեղանչելն ու զզջալը մարդու . հետեւա-
պէս այն մարդն որ չմեղանչեր մարդ չէ :

Իբրև փողոցի մարդ . յաճախ կառաջարկէ
մեծ պաշտօնեայներուն . երբ տանիքներն աւլէք
ապականութիւնները փողոց մի թափէք, վասն
զի . կըսէ , փողոցի վարչութիւնն ալ ունի իւր
ապականութիւնները :

Հատախօսութեան այն աստիճան թըշ-
նամի է որ եթէ իշխանութիւն ունենայ բո-
լոր շատախօս երեսփոխանները լեզուներէն
կը կախէ որպէս զի ինքը միայն խօսի : »

Վահան վարդապետ հիմակու հիմայ փո-
ղոցները կը չափէ և օրուան ամեն ժամերուն
յատուկ տեղեր՝ ունի . բայց կեդրոնատեղին է
Ղալաթիոյ ճանին ուր ամեն օր կերթայ կէս
օրին : Զինքը ճանաչելու համար բնաւ դժուա-
րութիւն չկայ . երբ կը տեսնէք փողոցի մէջ
երիտասարդ վարդապետ մը որ ձեր երեսը
նայելով աճապարանօք կերթայ անմիջապէս
ձեր մտքէն պիտի ըսէք .

— Ես այս մարդուն բան մը ըրած չու-
նիմ . ինչո՞ւ համար ինձի դէմ դատ բանա-
լու կը վաղէ :

ԳՐԻԳՈՐ ԱՐԾՐՈՒՆԻ

Գրիգոր Արծրունի, պատմագէտ . թատ-
րոնապէտ . Խորուկու խմբագիր Շերտուկու Մը-
շէի , ծնած է , Մոսկուա, 1845 թուականին :

Հայրն , աղա Երեմիա Արծրունի , իմա-
նալուն պէս որ զաւակ մ'ունեցած է , անմի-
ջապէս տուն վագեց և Գրիգորին դէմքը դի-
տելէն ետքը գուրս ելաւ իւր ծանօթներուն
ըսելու .

« Եթէ տղաս տեսնէք՝ ինձի ուշադի պիտի
հանէք : »

Մանկական հասակէն փորձով ցոյց տը-
ուաւ Արծրունին որ խմբագրական ասպարէ-
զին մէջ մեծ անուն պիտի հանէր օր մը , վա-
սըն զի նոյն հասակին մէջ իսկ մեծ կոչում
ունէր . . . չհամոզվելու : Օրորոցին մէջ ժո-
ղովրդականութիւն կը քարոզէր . ամեն ան-
գամ որ ազնուապետական դասէն հիւր մը
կը գտնէլէր սենեակին մէջ , շորերը փոխելու
կ'ստիպէր մայրն այն նշաններով՝ զորս երա-
խայները կուտան նոյն իսկ բարձրապատիւ
անձերուն առջև :

Պատաննեկութեան օրերը Մոսկուա ան-

յունելէն ետքը գերմանիա գնաց , ուր քանի
մը տարիներ աշխատելով հսկայաբայլ յա-
ռաջադիմութիւններ ըրաւ իւր դասերուն մէջ .
ծայրագունութեան աստիճան առաւ պատ-
մութեան մէջ և եպիսկոպոսութեան աստի-
ճանին բարձրացաւ յամառութեան մէջ :

1868 ին վենետիկ գնաց , ուր մէկ ամ-
սու մէջ հայերէն սորվելով հայր Դեռդէն՝
հայկաբանութեան դաս տալ ուղեց Հայր
Արսէն Բագրատունւոյ :

Գրական ասպարէզը մտնելու համար
գլխուն մէջ բաւական պաշար ամբարելէն ետ-
քը Տփղիս դարձաւ : Երբ տեսաւ հոն որ Հա-
յերու մէջ մեռած էր ամեն կեանք և ոգի ,
սաստիկ բարկացաւ , և եթէ զինուորական
եղած ըլլար՝ տարակոյս չկայ որ ռմբակոծել
կուտար այդ քաղաքը : Քանի մը ամիսներ
խորհելէն վերջը թէ ինչ եղանակաւ կրնաց
կենդանութիւն տալ աղդայիններուն՝ որոշեց
լրադիր մը հրատարակել այն լեզուով զոր
չէր գիտեր :

Երբ դրաքննիչին ներկայացաւ լրադրի մը
արտօնութիւն ինդրելու համար՝ դրաքննիչն
հարցուց իրեն .

— Լրադիր հրատարակելու չափ գիտէ՞ք
հայերէն լեզուն :

— Ես չեմ դիտեր , պատասխանեց Մշէ-
ին տէրը , բայց ընթերցողներս շատ աղէկ
գիտեն . . . բարեկամներս ալ գիտեն :

Արտօնութիւնն առնելուն պէս տուն վա-
զեց Արծրունին և հարիւր քառասուն նամակ
գրեց հրաւիրելով իւր ծանօթներն որ հա-
ճին Մշէի խմբագրութեանը մասին նպաս-
տել իրեն : Բարեկամներն ընդունեցին այս
հրաւիրն և 1872 ին ի լոյս եկաւ Մշէն որ
բաժանորդէն աւելի խմբագրի ունէր : Խըմ-
բագրութեան կանոնագրութիւնը կը պահան-
չէր որ ամեն յօդուած ամբողջ խմբագրու-
թեան համաձայնութեամբը հրատարակվէր :
Այս կանոնագրութիւնը շատ նպաստաւոր չէր
Գրիգորին որուն ամեն յօդուածները մէկի
գէմ հարիւր երեսուն և ինը քուէով կը մեր-
ժըլէին , և եթէ երբէք լոյս տեսնէին մեծ
փոփոխութիւն կը կրէին : Այսպէս Մշէը ո-
րուն ամսականն ինքը կը վճարէր . փոխանակ
իրեն ծառայելու ուրիշներու կը հնազանդէր :
Այս կէտն իրեն ծանր եկաւ և որ մը ինքի-
րեն ըստաւ .

«Պէտք է որ իմ Մշէս միայն ինծի ծա-
ռայ է և ոչ ուրիշներու : »

Այս վճռոյն վրայ բարեկամները կամաց
կամաց քաշվեցան խմբագրութենէ և Մշէն

ալ սկսաւ իւր տիլո՞ը միայն ծառայել : Մը-
շին այս պարագային մէջ իւր պարագը կը
կատարէր , որովհետև Պ. Ամբակումին մշակն
ալ չերթար Պ. Կիրակոսին սեղանը դնելու
կամ կերակուրն եփելու :

Արծրունին իւր բարեկամներէն աղատ-
վելուն պէս յարձակողական դիրք մը առաւ ։
Սկսաւ հարուածել բոլոր այն անձերն որոնք
պատիւ չունէին Մշտի բաժանորդ ըլլալու .
ձաղկել երիտասարդութեան անտարբերու-
թիւնը , ազդային խեղճ մամրւն որ աւելի
խեղճ կացութեան մէջ ինկած էր Մշտին ե-
րեւմամբը , կղերն որ միայն որովայինին կը
ծառայէ և ազդասիրութիւնը միշտ իւր կո-
կորդին մէջ կփնտռէ , կղերն որ շատ հեռա-
ւոր գարերէ ի վեր սկսած է արդելք դնել
ամեն յառաջադիմութեան հալածելով իմաս-
տասէր մը որ յանդգնած էր ըստելու թէ ա-
րեգակը Պեղոպոնեսին մեծ է : Արծրունւոյ
այս յարձակումները բոլորովին ապարդիւն
չմնացին , ծնունդ տուին երիտասարդական
կուսակցութեան մը որ մեղուական խումբ
անուանվեցաւ , Վիճաբանութիւնն սկսաւ Մշ-
տի և Մեշտի մէջ :

Յայտնի է որ մեր մէջ ո և է խնդիր
մը լուսաբանելու համար երբ վիճաբանու-

թիւն մը բացվի՝ բանակառւոյ մէջ իբրև
փասա մեծ տեղ կը բունեն վիճաբանովներու
մօրուքը , հասակը , հաղուստը , ծնած քա-
ղաքն և մինչև անգամ այդ քաղաքին բեր-
քը : Եթէ կեսարացիի մը հետ վիճաբանու-
թեան բանըիս՝ ի՞նչ հարկ երկար բարակ
տրամաբանել , պարզապէս զրուցէ իրմն.
«բարեկամ , որովհետև կեսարիայէն պատ-
ուական ապուխտ կելնէ և որովհետև ժա-
մանակաւ կեսարացի մը էշ մը ներկած է
ըսել է թէ իրաւունքը իմ քովս է , Աղբիա-
նուալուեցիի մը հետ է վէճդ , ասկէ աւելի
ի՞նչ դիւրին բան կայ . յաղթանակը միշտ
քուկդ է : Ինչո՞ւ . Հարցունելդ աւելորդ է ,
վասն զի Աղբիանուալուսէն +աւշտ (պանիր)
կելնէ , և +աւշտէն աւելի ի՞նչ զօրաւոր փաստ
կարող ես մէջ բերել զինքը համոզելու հա-
մար : Վարնացի՞ է ընդդիմաբանդ՝ հաւկիթի
մէջ դնա վինտռել փաստերդ անմիտ : Իզմիրցի՞
է , չամիչով և թուզով կրնաս բերանը գոցել :
Եթէ ասնք բաւական չեն աղատ ես քթէն
կտոր մը փաստ փրցունել . քիթը պղտի՞կ է .
հասակին վրայ ցատկէ . Եթէ հասակը բարձր
է՝ հաղուստէն բռնէ . Եթէ հաղուստ չունի
մերկութիւնը ծաղրէ՝ և վստահ եղիր որ պի-
տի փառաւորվիս անմիտներու առջև : Քանի

որ այս է մեր ազգային տրամարանութիւնը՝
բնական է որ Մեռ- և Մշկ լրագիրներն ալ
դոնէ ազգամիրութեան համար ընդունին զայն,
ինչպէս որ ընդունեցին : Ասոնց մէջ այնչափ
տաքցաւ վիճարանութիւնն որ եկաւ անձնա-
կանութեան յանդեցաւ : Արծրունոյ կազմը
Տէտրի Գրուէն աւելի զօրաւոր փաստ մ'էր
Մեռ-է խմբագրին գրիչին ծայրը . Սիմէռ-
եանի ամուրիութիւնը աւելի արժէք ունէր
քան Քանչի մէկ վկայութիւնը : Անհրաժեշտ
հարկ էր որ այս երկու պարոնները կամ ի-
րենց լեզուն փոխէին և կամ իրենց կազմը
որպէս զի վիճաբանութիւնն օրինաւոր ըլլար
և չարժանանային ուսւ լրագրի մը յանդիմա-
նութիւններուն : Արծրունին երեք չորս
տարի շարունակ Մեռ-ի հետ հոգեորական
վիճաբանութիւն ընելին ետքը ուխտ ըրաւ որ
Մեռ-ի անունը բերանը չառնէ և սկսաւ հրա-
տարակել այնպիսի յօդուածներ որոնք բոլո-
րովին հակառակ էին առաջին գրուածնե-
րուն : Եթէ երբեմն յօդուած պակսէր Մշկը
լեցնելու համար՝ իւր բաժանորդներուն թիւը
կը ծանուցանէր և պակասը կը լեցնէր :
1877 ին Մշկ սկսաւ շաբաթը երկու անդամ
հրատարակվիլ և Արծրունի ամեն օր գովել
դերմանական ուսումն և դրօշակը :

1878 ին Արծրունոյ թերթն ամեն օր կը
հրատարակվէր այլանդակ գաղափարներով :
Կը յանդիմանէր Ս. Պատրիարքն թէ ինչու
Պատրիարքարանն ու երեսփոխանական ժո-
ղովն կարին չփոխադրեր որպէս զի ուժը
հոն միանայ : Կը կարծէր անշուշտ թէ կարին
նամակ զրկելու չափ գեւրին բան է Պատ-
րիարքարանն ու երեսփոխանական ժողովն
Հայաստան զրկելու և թէ՝ Պատրիարքն այս
մասին անտարբեր է : Կ. Պօլսոյ ազգայիններն
որ Մշկի այս տեսակ կարծիքները կը կար-
դային՝ իրարու ականջն ի վայր կը փափսային .

— Մշկ վաղը պիտի առաջարկէ որ կամ
Պօլիսը կարին փոխադրենք կամ կարինը Պօ-
լիս :

Եւ Արծրունին պօլսեցիններուն այս ան-
դապէտունէանը վրայ սրդողելով կը մկրտէր զա-
նոնիք նէրնէ, իւշ ուշասէր, շանէրու և գուշու-
նանուրտ և ուրիշ այնպիսի ածականներով
զրու լրագրի մը մէջ հրատարակելու համար
մարդս անպատճառ գերմանական գրօշակ
ունենալու է :

Վերջերս երբ Ս. Պատրիարքն Հայերու
Հայաստանի մէջ ունեցած մենամասնութիւնը
կը հաստատէր՝ Մշկ իւր սովորական լեզուովը
կը իրաատէր Պատրիարքն որ էշերու և կովե-

ըու վիճակագրութիւնն ալ ընէ եթէ մեծա-
մասնութեան վրայ էր խնդիրը : Մարդերու
կըսէր , մատառբական և բարոյական հանդա-
մանքը նկատողութեան կառնըփի և ոչ թէ ա-
նոնց թիւը : Բայց երբ Եւրոպան մեզմէ թը-
ուաբանութիւն կը պահանջէ մենք չենք կա-
րող իրեն փիլիսոփայութիւն ներկայացնել :
Ամեն մարդ կը փափաքի որ Մշտի կարծիքն
յաղթանակէ , բայց ի՞նչ օգուտ , քաղաքագի-
տութիւնը գեռ տգէտ ըլլալով չէ կարող ըմ-
բռոնել Պ. Արծրունոյ բարձր գաղտփար-
ները .

Երբեմն այլանդակ կարծիքներ կը յայտ-
նէ այնպիսի այլանդակ լեզուով որ ընթեր-
ցողն կը շուարի կը մնայ թէ երկու այլանդա-
կութիւններուն որուն վրայ խնդայ և որուն
վրայ լսյ : Ութը տարիներէ հետէ կուզդէ
իւր աշխարհաբառը զոր ֆրանսացի մը աւելի
շուտ կը հասկնայ այսօր քան հայ մը : Եւ որ-
պէս զի զրպարտութիւն չհամարվի մեր ըսա-
ծը՝ հոս հեռագիր մը կը թարգմանենք իր լեզ-
ուով .

« Իէյնալ պատերազմական մինիստրին
պախարակեց որ խիստ մէծուրաներ չգոր-
ծադրեց սէնատօրի մը գէմ որ լէքիդիմա-
կան ցուցմունքներ առաւ : Կապինեղը կամե-

նում է գէմիծիօնէ տալ : Բիւգժէի սօմանե-
րը ընդունված են սենադից . եղիսկոպոսների
կրէդիտը մերժեց և ժողովի սէսիան փակ-
ված է յայտնում : Բիւլլը կը ծանու-
ցանէ թէ կայսրուհին պլէվրիտ ունի : »

Եւ երբ երտպական լեզուի մը ծանօթ
չեղող մէկը կարդայ այս առղերը ու բան
մը չհասկնայ՝ Պ. Արծրունին կը սրտմտի և
հետեւալ օրը Մշտին մէջ շանթ և հօւր կը
թափէ այն ամեն ընթերցողներուն դլառուն
որոնք իւր լեզուն չեն հասկնար : Խնդիր մը
իմաստասիրելու ատեն որոշ ուղղութիւն մը
չունի . ամառը պատճառէն արդիւնք կեր-
թայ խակ ձմեռն արդիւնքն պատճառ , ինչ-
պէս որ կաթողիկոսն ալ ամառը էջմիածնէն
Բիւրական կերթայ և ձմեռը ետ կը գառնայ :

Այս ընթացքով յաջողած է վերջապէս
իրականացնել իւր փափաքն որ էր Մշտի կա-
րեւոր թերթ մը ընել և զինքն ալ կարեւո-
րութիւն ունեցող խմբագիր մը : Տփղիսու մէջ
կառավարութիւնը հայ լրագրապետներու
խորհուրդ չէր հարցուներ , խակ հիմա Պ .
Արծրունին կը հրաւիրվի այն ժողովներուն ուր
քաղաքի մասին կարեւոր որոշում մը պիտի
տրվի : Ուուս թերթերն երբեմն հատուածներ
կը թարգմանեն Մշտին : Եւրոպայի թղթակից-

Ներն «Հայաստանեայց եկեղեցւոյ հայ Յակինթոս» կամ «Հայ մամլոյ Էմիլ տը Ժիրարտէն» կը կոչեն զինքն և ինքը բնաւ բողոք չբառաւ այս զրադարտութիւններուն դէմ :

Տիղիսու մէջ առաջին անդամ ինքը հաստատեց լսարանն , որուն մէջ ինք ըրաւ առաջին ատենախօսութիւնը : Թէպէտև ատենախօսութեան նիւթն «Հայաստանի տընտեսական դրութիւնն » էր՝ բայց ատենախօսին ձևերէն և շարժումներէն սա կը հասկըցվէր թէ մարդս ատենաբանելու ժամուն լայն թենոյներ դնելու չէ որպէս զի ատենախօսն ժամանակ ունենայ իւր նիւթովն դրաղելու և ոչ թէ թենոյներովք :

Ունկնդիրները կը սորվէիննաև թէ հազը ատենաբանութեան մէջ ստորակէտի տեղ կը ծառայէ և թէ ներելի է այնչափ հազար որչափ որ կը ներէ ունկնդիրներուն երկայնամուռ թիւնը կամ ատենաբանին անդժութիւնը : Իսկ երբ երկրորդ անդամ ժողովրդեան առջեւ ելնելու պատիւ ունեցաւ՝ իւր յուղում ները զսպեց և ճարտասանի մը պէս ատենախօսաւեց :

Ժողովրդը կը թելու համար խմբագրութեամբ և ատենախօսութեամբ չշատացաւ, իւր ծախքովը թատրոն մալ հիմնեց որպէս

զի հոն ալ քիչ մը ծառայէ ազգին : Սակայն չյաջողեցաւ այս ասալարէզին մէջ , վասն զի գնոյ մասին չկրնալով համաձայնիլ գերասաններուն հետ՝ հարկադրեց զանոնք որ ուրիշ տեսարանի մը վրայ ներկայացնեն իրենց խաղերը մուկերու թողլով խաղալ իրենց գերն Պ. Արծրունոյ թատրոնին մէջ : Մշակի խմբագիրն այս անյաջողութեան վրայ սկսաւ ձաղկել այս գերասաններն և աղոնց ներկայացումներն :

Քրիստոնեայներու անկախութեանը համար օգնելն իրեն նուիրական պարտք մը համարելով վիրաւորեալները քաջալերելու համար բացաւ անոնց իւր հիւրանոյները որպէս զի աներկիւլ վիրաւորվին և երթան հիւրանոյներու մէջ գարմանին : Այս ծառայութեանը փոխարէն կայսրուհիէն շնորհակալութեան գիր ստացաւ :

Պ. Արծրունին , ինչպէս ըսմնք , ժողովը բարդական մարդ է և այնչափ ատեն կը սիրէ իր ծանօթներն որչափ ատեն որ ասոնք միջակ աստիճանի մէջ ըլլան . իսկ բարե տալը դաղրեցուցած է այն անձերուն՝ որոնք ստորագրութիւն չեն տուած իրեն թէ իրմէ աւելի հարուստ չպիտի ըլլան : Իւր ծանօթներուն հետ — ծանօթ կըսենք , վասն զի մեզ

տրված տեղեկութիւններուն նայելով բարեկամ չունի — հեղ և բարեբարոյ է . զանոնք շողոքորթելու կը զիջանի երբեմն բայց ազնը-ուապետականներն և հարուստները միշտ կարհամարհէ և այս է պատճառն որ Տփղիսու ազնուապետականներու հետ չէ կրցած երկար յարաբերութիւն ունենալ :

Առատաձեռն է երբ մէկը շողոքորթէ զինքը. վարպետորդի մը երկու շլացուցիչ ածական-ներով կարող է անոր քսակն զրապանէն տանել :

Երբե հայ աղդասէր է , և իբրև խմբագիր , անխօնջ գրող և կռուող : Արարատեան ընկերութեան մատուցած ծառայութիւններն զինքը շատ սիրելի ըրած են աղդայիններուն որոնք միշտ կըսեն թէ « եթէ Տփղիսու մէջ Արծրունոյ պէս ուրիշ աշխատողներ ալ դտնը-վէին Արարատեան ընկերութիւնն այսօր աւելի մեծ դրամագլուխի տէր կըլլար »:

Կրօնականներուն այն աստիճան հակառակ է որ երբ փողոցի մը մէջ ասոնցմէ մին տեսնէ՝ ետ կը դառնայ և ուրիշ փողոցէ մը ճանրան կը շարունակէ . իւր հօրը թաղման ժամանակ՝ երբ կղերական դասը կուզէ որ ըստ ոովորութեան մեծ հանդիսիւ կատարէ յուղարկաւորութիւնը՝ Պ. Արծրունին կը դառնայ քահայնայներուն և կըսէ .

« Դուք դէշ մարդեր էք՝ ես ձեզի պէտք չունիմ : »

Վերջին աստիճան ուղիղ մարդ է . և ժողովուրդը վստահութեամբ հազար ոռուպի կը յանձնէ իրեն որ ընկերութեան մը դրկէ : Պօլսոյ մէջ չէ տեսնըլած մէկը որ ոռուպի մը վստահի Պօլսոյ բոլոր խմբագիրներուն :

Վիճաբանութեան մէջ պնդագլուխ է : Այնպէս համոզված է թէ այն մարդն որ վը-կայական մ'ունի ծոցը՝ աղատութիւն ունի յանուն գերմանական դաստիարակութեան ծիծաղաշարժ կարծիքներ յայտնել և ստիպել ուրիշներն ընդունիլ իւր խօսքերը . իսկ երբ առանձին կը մնայ՝ խելքի ու բանականութեան կը վերադառնայ և կը համոզվի թէ այսօր մարդս աւելի իւր գործերէն կը դատի՛ քան թէ իւր ծոցի վկայականէն : « Աւելորդ է համարում , կըսէ Յարոյ խօսել արեւելեան քաղաքականութեան վերաբերեալ Մշակ սխալ ու պնտակտ յօդուածների մասին , որոնց համար իրաւամբ յանդիմաննեցինն նորան տեղական լրագիրները և որոնցմով Պ . Արծրունու օրդանը՝ չափազանց ջերմեռան-դութիւն ցոյց տալով , կարծես դիտմամբ ցան-կանում էր ինքնակոչ կիսապաշտօնական լրագրի դեր խաղալ և նմանվել « աւելի թա-

գաւորական քան զթագաւորն » կոչուածին :
 — Ապստամբութիւն քարողելով տաճկական
 Հայաստանի հայերին (թէպէտ երբեմն ա-
 սում էլ էր, որ Հայաստանում հայ չը կայ)
 բոլորովին մառանում էր, չը գիտէր, թէ
 հաճելի՞ կը լինի այդ բանը այն կառավարու-
 թեանը, որին ինքը իրը թէ ծառայում է,
 համաձայն կը լինի արդեօք այդպիսի երե-
 ւոյթը այն տէրութեան հայեացքների հետ :
 Թիւրքիայի հայերը արդեօք իրաւ մի տէրու-
 թենից միայն պիտի սպասեն իրանց փրկու-
 թիւնը, թէ այդ մի ցնորդ է, երևակայու-
 թիւն է և այլն, և այլն — այսպիսի հիանալի,
 հրաշալի քաղաքականութիւնն »

Ինկերութեան մը մէջ երբ Պ. Արծրու-
 նին չփիճարանիր զուարճալի խօսքեր կընէ .
 Փոքր վէպեր կը պատմէ և լսողները խնդա-
 լէն կը մարեցունէ, սակայն իրեն հետ տես-
 նը վողը միշտ զգուշանալու է հպարտ դիրք
 մը բոնելէ, զուարթութիւնն խսկոյն բար-
 կութեան կայլափոխի :

Գրեթէ ամեն երեկոյ քաղաքին հրապա-
 րակին վրայ կը ճեմէ և օտարական մը տես-
 նելուն պէս հետը կը տեսակցի, քանի մը
 կարծիքներ կը յափշտակէ վարակետու-
 թեամբ և հետեւեալ օրը դանոնք ոսկեզօծե-

լով կը հրատարակէ առաջնորդութեան հէ մէջ :
 Երբ հրապարակի վրայ ժուռ կուգայ
 միշտ զբաղած է շոկելու իւր շապիկն, փող-
 պատն, թիւնոյն, բաճկոնն և գլխարկն որ
 առաջնորդութեան հերուստն գլուխը գրված վեր-
 նագիրներէն շատ փոքր է : Եթէ շարադրու-
 թիւնը լաթերէ շինվէր՝ Մշնի լեզուն այսօր
 բաւական կոկիկ լեզու մը պիտի ըլլար կու-
 սընցնելով իրեն տգեղ և տձե կողմերը : Քիչ
 մը ման գալէն ետքը կընստի զբօսարանի մը
 մէջ ուր քանի մը գաւաթ միայն գարեջուր
 խմելով հետեւեալ աւուր հրատարակելիք
 յօդուածներուն վրայ կսկսի խորհիլ : Քա-
 ղաքին մէջ գրեթէ միշտ կառքով կը շրջա-
 դայի, եթէ սանդուխին վեր կառք հանելը
 կարելի ըլլար մինչեւ անկողինը կառքով պիտի
 երթար, այնքան կը սիրէ չքալելը, թէպէտե
 անկէ նուազ չփրեր գեղեցիկն, ինչպէս նաև
 բարոյականութիւն քարողելը :

Պ. Արծրունին, ինչ որ ալ ըլլայ, իւր
 թերութիւններովն աւելի ծառայած է ազգին
 քան իւր հմտութիւններովն : Ժողովուրդ մը
 իւր թմբութենէն սթափեցնելու համար կը-
 ծու յանդիմանութիւններն և խորհրդածու-
 թիւններն ուշիմ և խոհեմ գրութիւններէն
 շատ աւելի օգուտ կընեն . և ասոր քաջ հա-
 շատ

մողկած ըլլալուն համար է որ իրատելու տեղ
կը նախատէ և շոյելու տեղ կը խածնէ : Քա-
նի որ նպատակս սուրբ է, կըսէ Պ. Արծրու-
նին, միշտ իրաւունք կունենամ հայերուն ծով
շան, ժող, անառակ, վերէ, առանձի և այլն ըսելու:
Թէ և այս լեզուն հակառակ է մամլոյ աղա-
տութեան, բայց համաձայն ըլլալով հայրե-
նեաց աղատութեան, կը հրաւիրենք մեր քղ,
գայիններն չզայրանալ Պ. Արծրունւոյ յան-
դիմանութիւններուն դէմ որքան ալ անմար-
սելի ըլլան անոնք, վասն զի առանց հայհո-
յութեան չիք փրկութիւն :

Զինքն անձամբ ճանաչելու պատիւն չու-
նենալով չենք կարող անոր կազմութեանը
վրայ գաղափար մը տալ մեր ընթերցողնե-
րուն . իսկ եթէ հաւատանք մեզի արված ծա-
նօթութիւններուն՝ կը պարտաւորինք ըսել թէ
Պ. Արծրունւոյ կազմը նոյն ուղղութիւնն ունի
ինչ ուղղութիւն որ ունի Մշտիք, և անշուշտ
փառք մ'է իրեն եթէ ոչ Մշտին մէջ գոնէ
իւր անձին վրայ եղորուն ներկայացնելը :
Դարձեալ մեր քաղած տեղեկութիւններուն
յենլով Պ. Արծրունին պէտք է ունենալ այն
դէմքը զոր կունենայ մարդ երբ սխալմամբ
գաւաթ մը կազ խմէ :

—————

ՔՐԻՍՏՈՍՏՈՒՐ ՂԱԶԱՐՈՍԵԱՆ

Այս ջոջին ալ ծննդեան թուականը
յայտնի չէ իւր ոկզբունքներուն պէս : Պատ-
մագիլներէն ոմանք 1812 ին կը դրկեն զայն
և ոմանք 1820 ին . բայց ինքը ոչ մին կըն-
դունի և ոչ միւսն, 1826 էն անդին չուզեր
երթալ : Եթէ ամուսնանալու դիտաւորու-
թիւն ունեցած ըլլար՝ կզգուշանայինք իւր
ծիշդ տարիքն հրատաբակելէ . բայց քանի որ
լսած ենք թէ մօտերս վարդապետ ձեռնադ-
րբիւլու միտք ունի, հանդարտ խզիւ կըր-
նանք պնդել որ Քրիստոսառ Ղազարոսեան,
աղդային երիցադոյն երեսփոխան, անձնա-
նուէր դասատու անձնանուէր ընկերութեան,
կէտ առ կէտ գործադրիչ աղդային Սահմա-
նադրութեան, վարժապետ և ընկեր Ստե-
փան Փափազեանի, տնօրէն աղդային վար-
ժարաններու, 1816 ին եկած է . . . Սա-

մաթիս, վասն զի այն թուականին Դալաթիոյ խորհրդարանը դեռ շինված չէր :

Իւր անունովն քիչ մը Քրիստոսին պատույն դպած է . իւր սատանայութիւններն մօտէն տեսնողները կըսէին , « Եթէ Քրիստոսին տուրքն այս է՝ պէտք է որ Քրիստոնէութիւնը թողումք : »

Մանկութեան առաջին հառաջանքն , կըսէ բարոյագէտ մը , աղասութեան համար է : Քրիստոսաւրին առաջին հառաջանքը տրօրութի համար եղաւ , երկրորդ հառաջանքն երեսփոխանութեան համար և երրորդ հառաջանքն աղջային գործերէն բնաւ չքաշվելու համար :

Երբ ճեմարանը 1843 ին փակվեցաւ՝ Սամաթիոյ մէջ Սահակէան ընէւրութէան անունով Ընկերութիւն մը կազմվեցաւ թաղին վարժարանը յառաջայնելու համար : Այս ընկերութեան մէջ գտնրվեցաւ Քրիստոսաւր , ուր ոսկերիչ ընկերներուն հետ սկսաւ աշխատիլ եւ իւր կարմիր թաշկինակն իրեւ ժողովրդական դրօշ պարզել ամիրայութեան դէմ : Յիշեալ վարժարանին ներքին բարեկարգութիւններուն ինքը կը հսկէր Մինէծի Սնդրանիկին թողով արտաքին յարձակումներուն դէմ մաքառիլ :

1849 ին Փրկիչ դրին զինքը : Հոն մլունելուն պէս շատ բարեկարգութիւններ ըրաւ : Նախ և առաջ խենդերն զգաստացնելու համար թեսաւրոսի բարյակն ինսութասէրութէան առաւ և անոր մէջէն դաս տալ սկսաւ իրենց : Խենդերն իրենց շղթայները շարժելով կը խնդային — Քրիստոսաւրի խենդութեանը վրայ անշուշտ — և Քրիստոսաւր կուրախանար և ինքնիրեն կըսէր .

« Եթէ չեն զգաստանար՝ գոնէ կը զուարժանան : »

Երկրորդ՝ Հիւանդանոցի մէջ դանրված որբերը սրահի մը մէջ հաւաքելով Փրկչի Որբանոցը հաստատեց . դասատուններ կարդեց և աղդային մանկուոյն յառաջադիմութեանը ամեն հոգ և խնամք տարաւ , թէպէտ և իւր յառաջադիմութեան համար ալ գիշեր ցորեկ աշխատելէն ետ չէր կենար :

Երրորդ՝ Հիւանդանոցին տետրակները կարգադրելու ձեռնարկեց . սակայն տոմարակալութեան շատ հմուտ չըլլալուն պատճառաւ՝ տետրակները խաղ խաղացին իրեն և սկսաւ բամբասվիլ : Շատերը կըսէին թէ Քրիստոսաւրի կոկորդն ալ Մայր-Հաշիւ մ'է , հասկցնելու համար որ շատ հաշիւներ փոխանակ տետրակներուն մէջ անցնելու Քրիս-

տոստուրին կոկորդը անցած են . բայց ինք
որ օրինաւորութեննէ բնաւ շեղիր կը պատաս-
խանէր իրենց .

— Եթէ ապօրինաւորութիւն կը տեսնաք
տետրակներուն մէջ՝ բռնեցէք և պատժեցէք
. . . տետրակները :

Չորրորդ՝ ձեմարանին կարասիքը և գոյ-
քը Հիւանդանոց փոխադրել տուաւ . ճէտքան
անունն ալ հոն բերաւ և Փրկչի դպրոցն
ճէտքան անունն առաւ : իւր անունը բարձ-
րացնել ուղած ժամանակը՝ վարժարանին
անուան բարձրացման համար ալ անհոգ-
շմաց : Բայց միթէ վարժարանն այդ մեծ
անուան համապատասխանող արդիւնք մը
ցոյց տուած : Այս կէտը նկատողութեան
շուաւ , և աւնելու ալ պարտաւոր չէր .
այսօրուան օրս ո՞ր բանն է այն որ իւր ան-
ուան մեծութեանն արժանի արդիւնք մը
ցոյց տուած ըլլայ : Մարդերն աւելի մեծ
անուն վաստիելու մոլութիւնն ունին քան
թէ մեծ մարդ ըլլալու առաքինութիւնն :
Տարեկան բաժանորդագինը շվճարող մէկը
կենէ լրադիլներու մէջ հրատարակել կու-
տայ թէ այս ինչ վարժարանին լրագիր մը
նուիրած է : Չորս սիրական ունեցող օրիորդ
մը՝ ուրիշներու խորհուրդ կը հարցունէ թէ

ո՞ր վանքը մտնէ մայրապետ ըլլալու համար :
Դրավաճառի մը առջենէն անցիր և գիրքերու
անունները կարդա . ի՞նչ մեծ և շլացուցիչ
անուններ , մարդու ինքզինքն տնարքան կը
դատէ այնպիսի բարձրանուն գիրքերու ըն-
թերցողն ըլլալ . կը վախնայ դրավաճառին
հարցուննել անոր գինն որպէս զի չըսկի իրեն
թէ՝ դու չես կարող ատոր յայտնած բարձր
և վսեմ դաղափարնելը ըմբոննել . բայց գիր-
քը , թղթատէ՝ զայն և գոյէ . Առաւետագրէն
անկէ լաւ կը խօսի : Հարուստ մը կը փափա-
քի առաջադարձան անուամբ կոչվիլ , բայց անմի-
ջապէս կը հանէ հագուստները , անկողնոյն
մէջ կը մտնէ և հիւանդ կը ձեանայ երբ պա-
տուհանէն տեսնէ որ Սովելոց Յանձնաժողո-
վէն մէկն իւր տունը կը հարցունէ դրացըոյն :
Ուրիշ մը կուզէ Այնա ճանչըլվիլ և աժան
գիրք գնելու համար փողոցը պարսող հը-
րեայներուն զամբիղը կը խառնէ : Ո՞ր մէկը
թուեմ և ինչո՞ւ ամբաստանեմ Քրիստո-
տուրն , միթէ այսօր թաղային բոլոր զբօսարան-
ներն նաև կը գործարան անունը չունին :

1853 ին հրաժարեցաւ Փրկչի հոգաբար-
ձութենէն 1857 ին դարձեալ մտաւ : Ինչո՞ւ
ելաւ , ինչո՞ւ մտաւ : Քանի որ մեր մէջ քըն-
նութիւն չկայ և միշտ պատուաւոր հաշտու-

թիւն կայ չենք կարող գիտնալ թէ ինչո՞ւ եւ-
լաւ և ինչո՞ւ մտաւ , միայն սա կը կրնանք վը-
կայել որ քանի մը տարի ետքը Քրիտոսառուր
Եֆէնտին իւր խղճէն կը տանջվէր , ան-
պատճառ յահցանք մը , մեղք մը գործած
ըլլալու էր որ Անձնանուէր ընկերութեան
յարելով՝ ամեն կիրակի Ղալաթիա կերթար
և պանդուխոտներուն ձրի գասատուութիւն
կընէր : Մինչև այսօր , բաց ի Զատկի կիրա-
կիէն և Սահմանադրութեան տարեդարձի օ-
րէն , ամեն կիրակի Ղալաթիա կերթայ եւ
պանդուխոտ եղբայրներուն անձնանուիրու-
թեամբ գասախօսութիւն կընէ : Կուսուցանէ
իւր աշակերտներուն թէ մարդս երբ Սիսն
պաշտպանելու է և Էջմիածինը հարուածելու է
և երբ վերջինը գովելով՝ առաջնը պարսա-
ւելու է : Կը սորվեցնէ նա և թէ երբ ծափա-
հարելու են զինքն երեսփանական ժողո-
վյ մէջ և թէ երբ ճնշում բանեցնելու են ժո-
ղովյ վրայ : Եւ որովհետեւ այս գիտութիւն-
ներէն աւելի դիւրաւ կը սորվէին աշակերտ-
ներն՝ Երեսփանական ժողով կուգային եւ
իրենց վարժապետը խօսել սկսելուն պէս կը
ծափահարէին . Փառասիրութիւնն եթէ իւեն-
դութիւն չէ գոնէ զմեղ երբեմն խենդու-
թեան կը մլէ : Ամեն գերասան , կըսէ , ժան

Ժաք Ռուսօ , ծափահարվիլ կուղէ . մեր ե-
րեսփանաններն ինչո՞ւ չունենան այս փափաքն :
Որչափ երեսփանաններ կը գտնըվին որ օրա-
կանով մարդ կը վարձեն ժողովոյ մէջ ծափա-
հարելու համար զիրենք երբ խօսին , ե-
րեսփանաններ զորս այն ատեն պէտք էր ծա-
փահարել երբ չեն խօսիր : Որչափ չողոքոր-
թութիւններ , քանի տակառ գինիններ կեցչեի մը
համար : Ի սկզբան կեցչեններն իրաւ շատ սուղ
կը ծափալէին , բայց հիմայ որ այս ապրանքն
վաճառողները շատցած են՝ գաւաթ մը օղիի
չորս կեցչե ծախու կառնըլի : Համին իսկ
գաւաթ մը խահուէով պերճախօսութեան
մրցանակ կառնէ մեր երեսփանական
ժողովոյ մէջ : Ենենք սակայն հիմայ այս
ժողովին ուր քիչ մը ետքը պիտի մըտ-
նենք :

Քրիստոստուր տնտեսագիտութեան դաս
ալ կուտայ իւր աշակերտներուն . սակաւա-
պետութեան կը հրաւիրէ զանոնք յորդորե-
լով որ քիչ ծախք ընեն : Հարուստները , կը-
սէ , եթէ տասը հարուստները կամուրջէն
դուք հինգով անցնելու էք , տասը վճարեն
ձեզի համար շապալութիւն կը համարվի : Տըն-
տեսագիտութենէն ետքը բարոյականութեան
վրայ կը խօսի , այս դասէն ետքը կու-

գայ աշխարհագրութիւն որուն կը յաջորդէ
թուարանութիւն :

Անձնանուիրութեան սահմանն ընդարձակելու կամ սահմանէն անդին անցնելու համար 1867 ին Սեբաստիա մեկնեցաւ և շատ գիւղեր ու քաղաքներ շրջելէն եաբը Պօլիս վերադարձաւ : Բոլոր շրջագայած քաղաքներու մէջ Անձնանուէր Ընկերութեան նպատակն գործադրել աշխատեցաւ հետը տանելով գրքեր և թուղթեր որոնցմէ ամենուն կը բաշխէր և երբեմն ալ իր ձիուն կուտար որ անօթութենէ չմարի :

1870 ին Երեսփոխան ընտրվեցաւ : Մինչ այսօր բացակայ եղած չէ և եթէ օր մը Ս. Պատրիարքն ժողովը Այսթէֆանօս կամ Զաթալճա տանի՝ հոն ալ առաւօտուն կանուխ կերթայ և ներկայ չգտնվողներուն վըրայ օրինաց խստութիւնը գործադրելու համար առաջարկութիւն մը կը ներկայացունէ : Օրինաց մասին այնքան ճշգութիւն կը պահէ որ եթէ Երեսփոխանին մէկն քովին իւր որ պիսութիւնը հարցունէ ամեն հարցում, կը աէ, պէտք է դրաւոր ըլլայ և դիւանին ուղղըլի : Ամեն նիստի մէջ խօսք կուղէ և կառնէ . և իւր խօսքը չվերջացներ առանց քուէ առաջարկութու . քուէն իւր վերջարանութիւնն

է : Եատ անդամ որ ատենապետի սով կը լոյն իրբե երիցագոյն երեսփոխան ատենապետ կընտրվի : Աւելորդ է ըսել թէ սովն քարերէ գիւրամարս կերակուր կը շնէ : Ատենապետութեան աթոռին վրայ բազմելուն պէս զանդակին կը դիմէ : Յայտնի է որ զանդակին պաշտօնն է ընդհանրապէս լուեցնելու հարկադրել այն երեսփոխանն որ խնդիրէն կը չեղի և ի կարգ չդար . Քրիստոսառուր է փէնտին այնքան չարաչար կը գործածէ զանդակին որ կը հնչեցունէ զայն երեսփոխանին ի կարգ դալէն ետքն ալ և կստիպէ զմեզ ըսել թէ զանդակ մ'ալ պէտք է ատենապետին զանդակին ի կարգ հրաւիրելու համար : Ատենապետութեան մէջ խօսք կուտայ միայն անոնց որոնք իւր կուսակցութենէն են , և այս եղանակով վրէժ կը լուծէ բոլոր այն երեսփոխաններէն որոնք ժամանակաւ համարձակած են իրեն կարծեացը դէմ խօսելու : Քուէի կը գիմէ առանց սպասելու որ խնդիրը լուսաբանվի , և իրաւունք ալ ունի , քանի որ քուէն պիտի որոշէ ամեն բան և քանի որ ձախակողմեան մը չդիջանիր հաւանութեան քուէ տալ աջակողմեանի մը մէկ առաջարկութեան , ի՞նչ հարկ կը մնայ երկուժամ շատախօսութիւն ընելու : Երեսփոխա-

Նութեան որչտի սիրահար ըլլալն ցոյց տու-
լու համար բաւական կը համարինք հօս ի-
շել որ երբ երեսփոխանութենէն ենել
պէտք եղաւ՝ պարզապէս յայտնեց թէ տե-
ղէն չպիտի երերայ մինչև որ տեղն ուրիշ մը
չդայ : Իսկ երբ տեսաւ որ անպատճառ ենել
հարկ է՝ բոլոր թաղերը պարտելով, ոմանց
ուները համբուրելով, ոմանց վերարկուն
պագնելով յաջողեցաւ նորէն երեսփոխան-
ընտրիլ : Առաջուան պէս շատ չխօսիր հիմա.
Նախ՝ անոր համար որ ատենաբաններն բեմն
երթալու են հոն խօսելու են և ինքն մէկ
երկու ժամ ոտքի վրայ կայնել չուզեր . ե-
թէ սովորութիւն ըլլար որ երեսփոխաններն
պառկելով ատենաբանէին՝ բնաւ չէր
լուեր . երկրորդ՝ անոր համար որ կարծիքներն
հասունցնելու համար այնքան պահած է զա-
նոնք որ կէսը փոտեր է և կէսը միայն կըր-
նայ ուտիլ, և ան ալ ծերերէն :

1872 ին վարչութեան քաղաքական ժո-
ղովոյ անդամ եղաւ : Իրեն պաշտած Սահ-
մանադրութեան ողւոյն հակառակ ներքին
կանոնադրութեամբ և իւր կիրքով մեծ դեր
խաղաց Սամաթիան տակնուվրայ ընելով:
Քաղաքական ժողովն որ տասնըշորս անդամ-
ներէ բաղկացած էր վեցի իջած էր որոնց մէջ

կը գ անըլէր նաև ինքն և մահկանացուներուս
անծանօթ սահմանադրութեամբ կը վարէր
իւր պաշտօննը . Այս մարդն այնչափ անդթա-
րար տանչեց Սամաթիացիներն որոնք ի-
րենց վարժարաններուն այս մարդուն չնոր-
հիւ վճանալը տեսնելով հատուցին իրենց
համբերութիւնն , և օրինաւորութենէ յու-
սահատելով ապօրինաւորութեան դիմելու ըս-
տիպլեցան , Պատրիարքարանի վրայ յարձա-
կելով վար առին զինքն որ Մշեցիներ բերել
տուած էր նոյն օրը Սամաթիացիները ծեծել
տալու համար : Քաղաքական ժողովին իյնա-
լուն պէս իւր ընկերներով Խրիմեանի տա-
պալելու գործոյն ձեռք զարկաւ : Այսխընդ-
րոյն մէջ Մինէծի Անդրանիկի ընկերն ծանօ-
թացուց զինքն ազդին որ շատ աղէկ հասկը-
ցաւ թէ այս մարդն օրինաւորութիւն ըսելով
իրեն առէլէն կը հասկնար :

1874 ին Ելեմտական հոգաբարձու ե-
ղաւ ինչպէս որ պաշտօնի գլուխ անցան կամ
բարձրացան կամ սուրբ քաղաքին հաշիւնե-
րը քննելու համար երկու հարիւր ոսկի ա-
ռին կամ գողութիւն ըրած ըլլալու համար
վանահայր անուանվեցան բոլոր այն անձերն
որոնք մատ ունէին Խրիմեանը գահընկէց ը-
նելու գործոյն մէջ : — Իւր ցաւինք որ առիթն

միշտ կը ներկայանայ և անտչառութիւնն
միշտ կստիղէ զմեղ այս ճշմարտութիւնը
կրկնելու : Եօթանասուն հազար դահեկան
պարտք ունէր Պատրիարքարանն այս թուա-
կանին — թէպէտ և չենք յիշեր թուական
մը՝ ուր աղգային մնտուկն առնելիք ունենայ :
Այս պաշտօնին դլուին անցնելուն պէս սկը-
սաւ խորհիլ թէ ինչ հնարք բանեցունելու է
վճարել եօթանասուն հազար դահեկանի
պարտքն երբ մնտուկի մէջ եօթը լումայ չը
կայ : Փանի մ'օր խորհելէն վերջը գտաւ որ
այս պարտքերն ընդհանրապէս կը վճարվին
• • • չվճարվելով . ուստի հրաման տուաւ
գանձապետին որ եթէ պարտատէրները գան
և դրամ պահանջեն՝ բան մը չխօսին , Պատ-
րիարքարանի պաշտօնեաներու ամսական չը
վճարեն վերջապէս մնտուկէն դրամ չհանեն
դուրս :

Հացաղործը հետեւել օրը կուղայ
գանձապետին .

— Բարի լոյս :

Գանձապետը գրով կզբաղի :

— Բարի լոյս :

Գանձապետը Մայր հաշիւէն թուղթ մը
կը դարձունէ :

— Բարի լոյս :

— Գանձապետն համր է :
— Բարի լոյս , կը պօռայ հացաղործը :
— . . .
Մասվաճառը կուղայ .
— Բարի լոյս
— . . .
Նպարավաճառը վաղելով կը հասնի .
— ինձի ալ ստակ տուէք այսօր :
Գանձապետը կստիպի յայտնելու թէ
ինքն հրաման ընդունած է դրամի վերաբե-
րեալ խօսքերու մէջ չմոնել :
Պարտատէրները քիչ մը կը պօռան : Ե-
զելութիւնը կիմանայ Քրիստոսառը էֆէնատին
որ կը յայտնէ իրենց թէ առանց ժողովոյ
հրամանին գանձապետը ստակ չկրնար տալ :
— Ժողովն ե՞րբ հրաման պիտի տայ որ վճարվի :
— Երբ որ գումարվի :
— Ե՞րբ կը գումարվի :
— Երբ գումարման պէտքն զգացվի :
— Ե՞րբ կզդացվի այս պէտքը :
— Երբ հրաւեր զրկվի :
— Ե՞րբ կը զրկվի հրաւերը :
— Երբ որ հրաւերազբերը գրվին :
— Ե՞րբ կը գրվին :
— Երբ զանոնք գրող աշաշտօնեային ամ-
սականը վճարվի :

— Ե՞րբ կը վճարվի :

— Երբ մնտուկին մէջ ստակ գտնըլի :

Այս կտրուկ պատասխաններով պարտա-
աէրներուն պատկառանք աղդելէն ետքը ըզ-
դաց թէ բնաւ բան չվճարելն անկարելի է .
ուստի սկսաւ երբեմն փոքրիկ երբեմն մեծ
գումար մը զեղչելով երբեմն ալ բոլորովին
զեղչելով զանոնք գոհայնել : Միւս կողմէն
աւելորդ պաշտօնեաներուն ինչպէս նաև Պատ-
րիարքարանի ձիերուն ճանրայ տուաւ : Ոչա-
այս էր ծրադիրն որով եօթանասուն հաղար
դահեկան պարտքը վճարելէն ետքը յաջորդ-
ներուն թողուց որնորէն երկու հարիւր ուժ-
սուն հաղար դահեկան պարտք գոյացունեն
և 1877 ին նորէն ելևմտական հոգաբարձու-
թեան կոչվի այդ պարտքն ալ սրբելու հա-
մար : Պէտք է հոս յիշել թէ կնճռոտ հա-
շիւներու մէջ սրբած է շատ պարտքեր՝ ո-
րոնք յաջորդ ելևմտականի օրով վճարված
են : Այսու ամենայնիւ իւր կարողութեանը
չափ ծառայած է աղդին այս ճիւղին մէջ ուր
յաջողելու համար մարդս ճարպիկութիւն ու-
նենալու է պարտք չվճարելու :

Այս պաշտօնէն հրաժարելէն ետքը Քը-
րիստոսատուր եֆէնտի սկսաւ արձակ համար-
ձակ աղդին չարիք հասցունել, և չարիք հաս-

ցունելուն համար ալ ամսական առնել : Նախ՝
իւսկիւտարու Ս. կարապետի վարժարանին
մէջ Տեսչութեան պաշտօն ստանձնեց . քիչ մը
ետքը Սր . Խաչի գպրոցին մէջ և ետքն ալ
իւստիէ , Գարակէօմիլիւկ ևն : Այս յանցանքն
մեծ էր, որովհետեւ յայտնապէս կը գործէր և
ամսականով Յիշեալ թաղերու թաղականերն
իրմէ աւելի յանցանք ունէին գործելու ստի-
պելով զինքն այնպիսի պաշտօնի մը մէջ ո-
րուն բոլորովին անծանօթ է : Մարդս իւր
սահմանէն գուրս անգիտութեամբ աւելի վր-
նաս կը հասցունէ քան իւր սահմանին մէջ
գիտութեամբ :

Քրիստոսատուր էֆէնտին աղդին բարիք
ալ ըրած է չարիք ալ հասուցած է իրեւ-
սխալական մարդ : Անձնանուէր ընկերու-
թեան մէջ մեծ ծառայութիւն ըրած է մեր
պանդուխտ եղբայներուն գասախօսութիւն
ընելով . բայց ասկէ աւելի մեծ ծառայու-
թիւն մ'ալ ըրած է որ անուրանալի է եւ
որուն համար աղդն իրեն երախտապարտ է .
և այս մեծ ծառայութիւնն ալ սա է որ ա-
մուսնացած չէ և զաւակ չունի : Աղնուապե-
տութեան թշնամի է, թէպէտ և ժողովրդեան
ալ շատ բարեկամ չէ : Իւր կիրքերն այնչափ
ծայրայեղութեան կը տանին զինքը որ մէկ

անձէ վրէժ լուծելու համար այն անձին բը-
նակած քաղաքը կրակի կուտայ . և իւր նոր-
դէին յարմար կրակ կը գնտուէ այն տեղը :
Նիհար կազմով , միջին հասակով , ճեր-
մակ մաղերով մարդ մ'է Քրիստոսառուր էֆէն-
տին : Մօրուքը մորին պէս է . կարճ է : Զը-
մեռն այնչափ զգեստ կը հաղնի իրարու վը-
րայ՝ որ կասկած կուտայ ծխախոտի վարչու-
թեան պաշտօնեայներուն որոնք իրեն ծոցը
կը խուզարկեն ծխախոտ դտնելու համար ,
բայց Ընդհանուր ժողովոյ ատենադրութիւն-
ներէն ուրիշ բան չեն դտներ : Ինքը պըճնա-
սէր չէ և շատ անդամ այնչափ անկանոն
կերպով կը հագվի , որ եթէ արտի մը մէջ
դտնվի՝ խրտուիլակ կը կարծիվ : Եթէ կան
փափաքողներ զինքը ճանաչելու , կը հրաւիր-
վին յիշել դէմքն այն մարդուն որ ստիպո-
շական դործ մ'ունենալով իր երթալիք տե-
ղը շուտ համելու համար իւր չդիացած մէկ
փողոցին մէջ կը մտնէ և հինգ հարիւր քայլ
առնելէն ետքը կը տեսնէ որ այդ փաղոցն
անել է :

• • • • •

ԳՐԻԳՈՐ ԷՆՖԻՑԵՏԱՆ

Կաւանդիվի թէ երկար տարիներէ հետէ
վիճաբանութիւն մը բացված էր աստուածա-
բաններու մէջ Աստուածաշունչին այն խօսքին
վըայ որ կըսէ . « Ստրջացաւ Աստուած զի ա-
րար զմարդն ի վերայ երկրի : » Իւրաքանչիւր
դպրոցին աշակերտներն իրենց ուղածին պէս
կը մեկնէին այդ պարբերութիւնն : Ումանք սա
բացատրութիւնը կուտային թէ Աստուած չէր
գիտեր որ մարդն մոլութիւններու մէջ պիտի
խղզվէր : Ուրիշները կը պնդէին թէ Աստու-
ծոյ խղճին դպած էր մարդու գոյութիւն տա-
լով անոր խեղճութեան պատճառ ըլլան :
Վիճաբանութիւնն երբ այսպէս կը շարունակ-
վէր և ահա 1840 ին Գրիգոր Էնֆիլէճեան կը
ծնէր Տիգրանակերտի մէջ : Երախային ծնլն-
դեան չորրորդ օրն մկրտութեան հանդէսը
կը կատարվէր եկեղեցւոյ մէջ ուր կը գտնը-
վէին երկու վարդապետներ : Արարողութիւնն

լմնալուն պէս այս վարդապետներէն մին իւր
ընկերոջը դարձաւ և հարցուց .

— Կրցար դուշակել թէ ինչո՞ւ զղջաց
Աստուած մարդն սսեղծած ըլլալուն համար :

— Դժբախտաբար այո՞ . պատասխանեց
միւսն , իւր կանխատեսութեամբն Աստուած
դիտէր անշուշտ որ էնֆիյէճեան մը պիտի
գար աշխարհ :

Այն թուականէն ի վեր , կըսեն , լուծ-
ված է այս խնդիրն և հիմայ բոլոր աստուա-
ծաբաններն իրաւոնք կուտան Աստուծոյ :
Եթէ Աստուած զղջացած է մարդն ստեղծե-
լուն համար , որչափ աւելի զղջացած է արդ-
եօք զայն իւր պատկերին համեմատ ստեղ-
ծած ըլլալուն համար : Իսկ մենք , մեր սո-
վորութեան համեմատ , աստուածաբաններու
թողով այս խնդիրներու լուծումն . կը դառ-
նանք մեր նիւթին :

Հետաքրքիր ընթերցողն կը փափաքի
հարկաւ գիտնալ թէ ինչպէս եկաւ աշխարհ
Գրիդոր էնֆիյէճեան :

Փառք կուտանք Աստուծոյ որ 1840 ին
կառք չկար Տիգրանակերտ . Եթէ ըլլար՝ աշ-
խարհ գալուն պէս պիտի ըսէր այս երախայն .

— Մէկ ոսկի տուէք կառքի վարձք ,
հիմայ թարձրագոյն Դունէն եկայ :

Այսպիսի խօսք մը ըրած չէ . ոչ ալ կառ-
քի վարձք առած է աշխարհ գալու համար ,
վասն զի Պատրիարքարանի հաշուէտոմարնե-
րու մէջ ասանկ գումար մը նշանակված չէ :

Առանց Օլէնտօրփ կարդալու վեց ամի-
սէն խօսիլ սկսաւ . որոհ հուղէմ , ինձի անուշ բե-
րէտ , կերակուր ոռուէ + խօսքերն այնպէս կը գոր-
ծածէր ինչպէս մենք կը գործածենք բարէ լոյս ,
Աստուծոյ բարէն : Շատ անդամ կըսէր . հաց հու-
ղէմ , հէմայ հուղէմ . և այս պահանջումը իւր ծը-
նօղացը կը յիշեցունէր ինչի հուղէմ , հէմայ հուղէմը :

Իւրաքանչիւր մարդ իւր վլայ կունենայ
անդամ՝ մը որով սիրելի կըլլայ ուրիշներուն :
Մին իւր ձեռներովն , միւսն իւր ականջնե-
րովն , ուրիշ մը իւր բերանովն , չորբորդ մը
իւր ուղեղովն համակրութիւն կը գրաւէ :
Էնֆիյէճեանը սիրելի ընող անդամն լեզուն
էր որուն շատերը սիրահարած էին :

1840 ին Տիգրանակերտի մէջ նոր սկսած
էր քարեկենդանի ատեն դիմակ անցունելով
տունէ տուն պտղատիլը : Քանի մը երիտա-
սարդներ կը փափաքին որ դիմակ մ'անցու-
նեն էնֆիյէճեանին , որ դեռ մէկ տարեկան
էր . և մէկտեղ պտղատին : Պկտիկ տղայներու
համար դիմակ ուսկի՞ց գտնելու է , սովորու-
թիւն եղած չէ մինչև հիմայ որ պղտիկ տղ-

զայներն դիմակ կրեն : — Աղօթենք որ դոնէ
այս սովորութիւնն տպայներու մէջ մուտ ըլ-
դանէ , որպէս զի կարող ըլլանք անդիմակ
դէմքեր տեսնելու : — Երիտասարդներն վերջա-
պէս կորոշեն որ իբենք շինեն հատ մը և ան-
միջապէս պղտիկ դիմակ մը կը շինեն և այս
աղուն երեսը կանցունեն : Աղուո՞ր դիմակ ,
ազգասիրութիւն բուրող դիմակ մը : Կարա-
ւանք ճանքայ կենէ և քանի մը փողոց դառ-
նալէն ետքը պղտիկ դիմակաւորին դիմակը
կիյնայ . դերձանք շատ բարակ ըլլալով բըր-
դած էր : Նորէն կը կապեն , նորէն կը բրդի :
Փողոցի մէջ կայնած երբ այս երիտասարդ-
ներն կը խորհէին իրենց ընելիքին վրայ ։ ա-
տաղձագործ մը՝ որ նոյն դիշերը խանութիւն
մէջ կաշխատէր , կարծելով թէ գողեն կը
խորհրդակցին փողոցը՝ խանութէն դուրս կը
նետի և կոկոի զանոնք դիտել : Երիտա-
սարդներն ատաղձագործին կը մօտենան եւ
իրենց ցաւն կը յայտնեն անոր՝ որ չուտ մը
խանութը կմանէ և քանի մը վայրկենէն դուրս
կենէ պնակ մ'ի ձեռին : Դիմակը կառնէ և
ետքը առատօրէն սոսինձ քուլէն ետքը ուլ-
զուն երեսը կը փակցունէ և խումբը կը ճան-
քէ : Բաւական կը զուարճանան նոյն դիշեր :
Երբ իրենց տուները կը դառնան՝ ամենքն ալ ,

ինչպէս օրէն է , իրենց դիմակներն վար կառ-
նեն . բայց մանուկին էնֆիյէճեան չկրնար ի-
րենը հանել վասն զի սոսինձով փակցը ված էր
և անհնար էր քաշել հանելն առանց երեսը
պատառելու : Բարեկամները խորհէելով որ
դիմակը հանելու համար երեսն պատառելը
ուրանան առ ուն զիտու պիտի ըլլար՝ թող տուին
որ դիմակը մնայ յուսալով միանգամայն որ
աղուն դէմքը քանի մեծնայ դիմակին ինքնի-
րէն կիյնայ : Իսկ էնֆիյէճեան՝ որ մանկա-
կան հասակին մէջ վարժված էր դիմակ կը-
ըելու , չհանեց և ստիպվեցաւ կրել այն աղ-
դասիրութեան դիմակն մինչեւ մօտ ատեն-
ներս :

Յայտնի բան մ'էր որ խելօք չնստող
տղայները մեր մէջ ընդհանրապէս ուրիշին
տուները կը զրկվին . հոռվմէական ազգային-
ներու մէջ ալ սովորութիւն է , քիչ բացա-
ռութեամբ , վանք զրկել այն ամեն աղայ-
ներն որ տունը տակնութիւն կընեն : Էնֆի-
յէճեանի ծնողըն իրենց զաւակին բարիք ը-
նելու և աղդին չարիք հասցնելու համար
վանքէն ուրիշ տեղ մը չեն կրնար դնել
զայն :

1856 ին Լիբանան Զմմառի վանքը կը
մտնէ : Հոն եւրոպական լեզուներու աշխա-

տած ժամանակը չմոռնար նաև ուսանելու տաճկերէն լեզուն զոր, ինչպէս կը վկայեն, ձեռք կը բերէ այնչափ որչափ որ պէտք է դիմացինը շողոքորթելու համար, Շուրջ վեց տարի յիշեալ վանքին մէջ իրեն հարկաւոր եղած բաներն որովելէն ետքը Գրիգոր Ը. Կաթողիկոսէ վարդապետ կը ձեռնադրվի: Սև հագուստներու մէջ փաթտըվելէն մէկ երկու տարի ետքը Եւդոկիա կուղեորի ուր շաա ընդունելութիւն չդժոներ: Գերապայծառ Անտոն Հասունեան, որ Եւդոկիոյ կովմերը կը դանուէր նոյն թուականին, կաղաչի հետն տռնել տանիլ Էնֆիյէնեանի: Հասունեան կը նդունի իրեն եղած աղաչանքն և կը հրամայէ Էնֆիյէնեանին պատրաստութիւն տեսնել ճանբայ Ելելու համար: Ասկէ ծնունդ կառնու ահա այն թշնամութիւնն որ մինչև այսօր կապրի այս երկու ու գլուխներու մէջ տեղը:

1866 ին Կ. Պոլիս կուգայ — Մաքսատունէն ի՞նչպէս թող տուին. չդիտենք — և կուսի զինքն ծանօթացնել այն քարոզներով զորս կուտար Բէրայի Սր. Աստածածածնայ Եկեղեցւոյն մէջ: Բարձր ձայն մը ունենալուն համար ժողովուրդը խուռն բազմութեամբ կը դիմէր անոր քարոզն կամ, լաւ ես,

ձայնը լսելու համար ինչպէս մենք կերթանք երբ տեղ մը աղէկ երդիչ մը տեսնենք: Փարողներուն մէջ միշտ ազգային ողուով շարժելու կը ճգնէր ժողովուրդն և գաղտնապէս Հասունեանի դէմ կը մաքսուէր ազգային իրաւունքներու պաշտպան կանգնելով: Ժողովուրդն, որ շատ անգամ կը խարվի, սիրեց այս ազգասէր քարոզին որուն բերանը Դիոդինէսի կարասին բերանին պէս երբեմն հարաւային կողմը երբեմն ուլ հիւսիսակողմ: Այս եղանակաւ ժողովուրդը շահեցաւ և Հասունեան խաղին մէջ մեծ դեր կատարեց: — Ի՞նչ դեր կատարեց, կը հարցունէ մին:

— Աղնուական հօ՞ր դեր խաղաց, կը հարցունէ ուրիշ մը:

— Հակառակորդի՞ դեր:

— Սպասուորի՞ դեր:

— Սիրահարի՞ դեր:

Ամենն ալ կատարեց. բայց կաղաչեմ մի՛ ընդմիջէք խօսքս:

1870 ին թեերը սօթտելով ազգային դործերուն մէջ մտաւ . . . կառքով: Քաղաքականութիւնն արդէն նպաստաւոր էր Հակահասունեան դատին — այն թուականին քաղաքականութիւնը Հակահասունեանները

Քանիւնէր կը ճանաչէր . մինչդեռ հիմակուանը
Հասունեանները + բայց կը լուսնի — եւ
էնֆիյէնեան այս առիթէն օգուտ քաղելով
կը քաջալերվէր և յանդգնութեամբ Բ. գըռ-
նէն կը պահանջէր ազգին իրաւունքներն զորս
· · · արդէն ունէր ազգը : Ճանչցուց զինքն
բոլոր բարձրաստիճան պաշտօնատարներու ո-
րոնցմէ սմանք լաւ ընդունեցին զինքն և ո-
մանք ալ բնաւ չընդունեցին : Ամենաշնչին
բաներու վրայ աեղեկութիւն առնելու համար
Բ. Դուռը կը վազէր և առանց քաշվելու Սր-
տաքին Գործերու պաշտօնէին նստած սեն-
եակը կը մտնէր հարցունելու համար թէ ժա-
մը քանիին շոդենաւ կայ իւսկիւտարի հա-
մար : Երբ Բ. գունէն հրաման եղաւ որ եկե-
զեցիններն Հակահասունեանց յանձնըլին՝ ինքը
ժողովրդեան գլուխն անցնելով զնաց տիրեց
եկեղեցիններուն , զարս տարի մը առաջ նորէն
ձեռք անցուց Հասունեան :

Ա.յսպէս ազգային գործերուն զէկալա-
րութիւնն ստանձնեց — ես իւր զէկավարու-
թեամբը Սամաթիայէն Քումքարու նաւակով
երթալու կը վախնամ — և իրեն պաշտպան
գտաւ մէկ երկու ամիրաներ զորոնք այնպէս
կը գործածէր ինչպէս կը գործածէ Խասդիւղ
բանող շոդենաւի մը նաւապետ շոդենաւին

սուլիչը . չուանը քաշելուն պէս սուլիչը կը
սուլէ : Ա.յս ամիրաները չխորհեցան կամ ,
աւելի ճիշդը , պակաս խորհեցան Քիւրէլեանը
պատրիարք ընտրելով : Ինչո՞ւ ընտրեցին Քիւ-
րէլեանը : Վասն զի թշնամի էր Հասունեանին
մասնաւոր գործի մը համար ինչպէս է ին-
ֆիյէնեանը : Ա.յս թշնամութեան պատճառ
վերնալուն պէս բնական էր որ թշնամութիւ-
նը տեղի տար հաշտութեան , ինչպէս որ ե-
զաւ : Ա.յսպիսի պարագայի մէջ Հասունեա-
նին ոչ թէ անձին այլ սկզբունքին հակառակ
և միանդամայն ողջամիտ ու անշահասէր մէ-
կը գտնել պէտք էր : Եթէ կար ասանկ մէկն
ու չընտրեցին՝ շատ ողբալու պարտաւոր են .
իսկ եթէ չկար՝ բնաւ չողբան Քիւրէլեանն
ընտրելնուն վրայ , վասն զի ուշ կամ չուտ
պիտի կորուսընէին իրենց գատը : Սակայն
այս ընտրութեան մէջ ալ մեծ դեր խաղա-
ցած է ինֆիյէնեանն որ ամիրաներու ընտ-
րելի ներկայացուց Քիւրէլեանն որ պատրի-
արք եղաւ . և վերջը կամովին հրաժարելովը
վերջին հարուածը տուաւ Հակահասունեան-
ներուն :

Որչափ որ պատրիարքը Քիւրէլեան էր
գործողն ինֆիյէնեան էր ազգին գործե-
րը . . . խառնակելու համար : Պատրիարքա-

րանի մնտուկին մէջ դրամ չկար . Վարչութիւնը կաշխատեր աղդին ներքին վիճակը բարոքելու և էնֆիյէճեան կառքէն վարչէր իջնար :

« Բարի լոյս , ոսկի մը տուէք կառքի վարձք : Աստուծու բարին , վազը Բ. դուռը պիտի երթամ , երկու ոսկի տուէք » Ասոնք էին ահա իւր տէրունական աղօթքը : Աղդը լաւ կընէր եթէ Բ. դրան մէջ սենեակ մը ուզէր էնֆիյէճեանին համար և ազատվէր երթեւեւ կութեան ծախսքէն : Մնտուկն անկարող իւր եկեղեցականները հոգալու՝ կը սնուցանէր էնֆիյէճեանի վարձած կառքին ձիերը , որք աղդին բաւական եկամուտը փճացուցին եւ աղէկ կերան ու խմեցին դատին չնորհիւ : Հոս դնել արժան կը դատենք այն տեղեկութիւններն զորս ինդրած և ստացած ենք մեր բարեկամներու մէկէն որ ճշմարտախօսութեան համբաւ կը վայելէ : « Դիտնալու է , կը դրէ մեղ մեր բարեկամը , որ այս մարդուն համար չկայ կաթողիկոս , պատրիարք , սիւն հոդ , աթոռակալ , վարչութիւն և երեսփոխանութիւն : Ընկերութեանց հակառակ է : Երբ վարչութիւնն բարեկարգութեանց կը ճգնէր . էնֆիյէճեան իւր շոայլ ծախքերով կը ծանրանար վրան : Երբ կղերը աղդօդուտ

կանոնադրութիւններ կը սահմանէր , ասի մէկ երկու ամիրայից կոթնած կը տապալէր արմատէն ինչ որ շատ աշխատաւթիւններով շինված էր : Վերջապէս քիչ օգուտ և մեծ վնաս տուած է Հակահասունեանց իւր անխոհեմ բնութեամին և վարուքը . և այսօր Բէրա Ոսկերերան եկեղեցւոյ մեծ ժողովրդաբանն իւրեն սեպհականած փառաւորապէս հանդիսար կը վայելէ : Այս անձին անունն մեծ հրոշակուեցաւ , բայց չունի գովեստի գործ մը ամեննին իւր ազնիւ եղբարցը չնմանիր . . . իւր Միաբանութիւնը չսիրեր զինքն իւր կրքոտ բնաւորութեանը համար : Խոհեմութիւն բառն իւրեն համար նշանակութիւն չունի , ամեն գործերը գահավիճական են : Խնդումն ու լացն մէկ վայրիեանի մէջ կը տեսնուի աշքերուն վրայ . . . վերջապէս իւր . . . գործողութիւններովն աղդին և ընդհանուր կղերին շատ վնասած է : »

Այս ընթացքովն Հակահասունեաններուն վնասելէն ետքը փափաքեցաւ ուրիշ գործի մը ձեռնարկել , վասն զի էնֆիյէճեան , գործունեայ մարդ , վայրկեան մը չկընար առանց գործի ապրիլ , միշտ զբաղած ըլլալուէ : Անտոննեան միաբանութիւնն իւր ճաշակին հակառակ էր , ուստի պէտք էր յնիւլ դայն :

բայց ջնջելու համար ծրագիր մը պէտք էր : Էնֆիյէճեան շինեց այդ ծրագիրն որով կը յայտնէր թէ բոլոր ամփաբանութիւններն Զմանը մէջ միանալու էին : Վէճ մը ծագեցաւ երկու միաբանութիւններու մէջ . Հակա հասունեաններն իրենց մէջ երկուքի բաժնը վեցան , կղերն իրարու դէմ ելաւ և Հասունեան սկսաւ զուարճանալ : Այս խնդրոյն մէջ է որ Էնֆիյէճեանի դիմակն վար առնըլեցաւ և երեսը քիչ մը պատառեցաւ , բայց ինքը շկարմրեցաւ , կարմիրի վրայ դաղափար չունի . մանաւանդ թէ քաջ մարդ է . իւր գրածը , կըսէ Ծերենց , կուրանայ առանց քաշվելու :

Միշտ կը խոստանայ , և եթէ այսօր երթաս և իրմէ տեղեկութիւն խնդրես՝ կը պատպախանէ .

— . . . էֆէնտին խօսք տուաւ քանի մը օրէն Հասունի ձեռքէն առնել պատրիարքական հրամանագիրն և մեղի տալ :

Թեթէամիտներն կըսեն .

— Ի՞նչ գործունեայ մարդ :

Ողջամիտները կը մրմռան .

— Ի՞նչ գործունեայ սուտ :

1877 ին երբ Միտհատ բաշա Օսմանեան երեսփոխանական ժողով հրաւիրեց բոլոր հը-

պատակ աղդերու գլուխներն որ կարծիք յայտնեն պարերացնուն + նէ ուի վրայ՝ Էնֆիյէճեան խօսք առնելով ատենաբանութիւն մը ըրաւ որով հասկցուց թէ ոչ միայն պէտք էր պատերազմիլ այլ նաև հարկ էր անպատճառ կուրծքէն զարնըփիլ — կռակէն զարնուիլն չընդունիր — : Շատ քաջալերական էր այս խօսքն . թէպէտ և աւելի աղէկ կըլլար եթէ ըսէր պէտք է կուրծքէն զարնենք , և ոչ թէ զարնըփինք : Այս վերջինը քիչ մը մուլժ էր . շատերն այնպէս հասկցած էին թէ Էնֆիյէճեան դիտէր թէ մեր զօրքերն անպատճառ պիտի զարնըլէին և անոր համար ո՛ր կողմէն զարնըլելու համար հրահանդ կուտար . թէպէտ և պէտք չէ ուրանալ որ Էնֆիյէճեան վերջէն զբարկացաւ այն զինուորներուն դէմ որոնք թեւէն կամ սրունդէն վիրաւորված էին . և այս կերպով մատնեց զինքն ցոյց տալով որ հուրծէն շնչուելը պերճախօսութեան համար գործածած էր . իրաւունք ալ չունէր , կարծենք , մեռնելու գնացող մարդերու պայման գնել և ստիպել զիրենք որ իրենց կուրծքէն զարնըլին : Այս ատենաբանութիւնն շատ ծափահարութիւն վաստկեցաւ և Էնֆիյէճեան վարձքն առաւ սիրելի ընելով զինք իրեն . . . անծանօթներուն :

Լեզուն՝ որուն կը պարտի իւր բոլոր համ-
բաւն, քիչ մնաց որ Վատիկանու ժողովոյ մէջ
փորձանք բերէր գլխուն: Կը զրոցվի թէ
վերջին անգամ Հռովմէն ծպտեալ փախաւ
կ. Պօլիս. Եթէ ձերբակալվէր՝ չգիտցըվիր թէ
ո՛ր վանքին մէջ պիտի առնէր շունչը:

Իբրև խմբագիր ևս ոչ նուազ յաջողակու-
թիւն ունի ուրիշներն յանիրաւի ձաղկելու
մասին:

Շատ յօդուածներ դրած է Մէճմուայի
մէջ և շատ տեարակներ հրատարակած է ա-
ռանց ստորագրութեան: Խնքն է որ լրադիրնե-
րու մէջ յարձակեցաւ Ապտուլլահ Մէծ. Միքա-
յէլ էֆէնտիին վրայ զրբ վիրաւորեց, կըսեն,
առանց իրաւունք ունենալու:

Իբրև բանահիւս չենք կարծեր որ մեծ
արժէք ունենայ: Ոչ միայն չենք կարծեր այլ
կլնանք պինդել որ տաղաչափութիւն ընելու
անկարող է վասն զի իրեն համար չափ, կշիռ,
ոտք նշանակութիւն չունին: Նոյնայնդ ո-
տանաւոր մ'ալ չկընար գրել, վասն զի իւր
գործերէն հաստատված է որ գործի մը վախ
ճանը բնաւ չխորհիր: Արձակի մէջ միայն կը
յաջողի:

Էնֆիյէճեան, լինչպէս ըստնք, գործող
մարդ մ'է, և եթէ աշխարհական մնար՝ ա-

ելի օդտակար կրնար ըլլալ քսանը հինգ-
երեսուն աղուսորիկ զաւակներ ընծայելով աղ-
գին, վաճառականութիւնը ծաղկեցնելով,
ուրիշներէ փոխառութիւն ընելու գիւրին
ճանբան սորվեցունելով: Զենք կարող ըսել
թէ այս անձն բնաւ աղդասիրութիւն չունի,
բայց միայն կը խորհինք թէ կատուն մուկը
բոնելու պատրաստված ժամանակը իւր տի-
րո՞ջն բարութիւն ընելու կը խորհի թէ իւր
փորը կշտացնելու:

Եթէ քիչ մը իւր տարիքն առնելով Էն-
ֆիյէճեան իւր եռանդն և կիրքը քիչ մը զսպէ
ու խելքով գործել սկսի՝ կարող է աղ-
գին նուազ չարիք հացունել և երախտա-
պարտ կացուցանել զայն: Կղերէն քիչ բա-
ցառութեամբ, ազգն արդէն բարիք չըս-
պասեր և եթէ երբեմն կրօնական մը կը
յարդէ պատճառն այն է որ նուազ չարու-
թիւն տեսած է անկէ:

Թերեւս հարցնողներ գտնըվին թէ՝ այս
մարդն եթէ այսչափ գործունեայ է՝ հիմայ
ինչո՞ւ չգործեր: Կը պատասխանենք իրենց
որ այս մարդը հիմայ ալ կը գործէ. միայն
թէ առաջ լեզուովը կը գործէր իսկ հիմայ
ստամոքսովն: Երբ առ վերջինն ալ գործելէ
գաղարի՝ այն ատեն Էնֆիյէճեան զղջումի

պիտի գայ, ծունկ պիտի չոքէ Հասունեանին
առջեւ և Թուայ յերկնա և առաջի ու ըսելով աջը
պիտի համբուրէ Հասունեանին որ ուրախու-
թենէ այլայլած պիտի պօռայ.

— Կորսըլած էր անառակ որդիս և
դժնըլեցաւ :

Հասակով երկար, կազմով բարեձեւ,
դէմքով գեղեցիկ մարդ մ'է էնֆիյէճեան,
երբ տեղ մը նստած տեսնես զինքն այնպիսի
դէմք մը կունենայ որ կարծես թէ երկու
օրէ ի վեր բերանը բան մը դրած չըլլալով
տեղէ մը ճաշի կը հրաւիրվի, սեղանը կը նստի
և կերակուրի կապասէ : Խոկ անցուդարձը քիչ
փողոցէ մը անցած ատենդ եթէ քովդ դըտ-
նըմի տասնը եօթը տարեկան աղջիկդ և էն-
ֆիյէճեան յանկարծ դէմդ ելնէ իւր ահար-
կու դէմքը հետեւեալը կազդէ քեղ .

— Անդիի կողմը անցնինք աղջիկս, աս
մարդուն աչերը չեմ հաւնիր ես :

ՊՈՂՈՍ ՊՈՅՆՈՒԻՅՐԻԵԱՆ

Հեղնելու վարժըլած դրիչ մը երբ գո-
վել ստիպվի այն տպաւորութիւնը կընէ ըն-
թերցողներուն վրայ ինչ տպաւորութիւն որ
կընէ հանդիսականներուն վրայ դերասան մը
որ Բուհունեան ներկայացնելու սովորած ըլլա-
լով՝ Մատուենի դերը կատարելու կը հարկադ-
րըմի :

Պօյնուէ յրիւեանի կեանքը դրելու համար
գովելու արհեստը դիտցող դրիչ մը պէտք
է : — Իւթիւճեանի դրիչն քանի մը վայրկե-
նի համար փոխ առ, կըսէք ինձ, առանց
խորհելու որ իւթիւճեան վայրկեան մը չէ
կարող բաժնըմիլ դրիչէն : Բաց ՚ի ասկից,
անոր դրիչն ալ ծաղրելու վարժ է . . . և ի՞նչ
են չափազանց գովեստներն : — Ես բնաւ չգո-
վելով և ան չափազանց գովելով կը հաստա-
տենք Արիստոտէլն որ առաքինութիւնն եր-
կու մոլութիւններուն մէջ տեղը կը դնէ :

Այս մոլութիւններէն մին , կըսէ , առաքինութեան պակասութիւնն է , իսկ միւսն՝ առաքինութեան չափազանցութիւնն : Եւ այսպէս առաքինութիւնն իմ գըրչս և իւթիւնեանի գրիչն Քջը կը դանըփի . . . աւելի մօտ չկրնար դալ :

Ի՞նչ ընելու է ուրեմն , թող տալու է որ բարի մարդերն առանց յիշատակի անցնին երթան , որովհետեւ իմ գըրիչս գովել չը գիտեր : Բնաւ երբէք , Այդ բարի մարդերն իմ գըրիչս յարմարցնելու համար անոնց վրայ թերութիւններ ստեղծելու է : Քաւ լիցի Պատմասաց օրէնուրէն իւր ութերորդ երգիծանքն մէջ Աղէքսանդրին յիշած ըսած ըլլալուն համար տեսէք ինչպէս կը յանդիմանէ դինք վո՞լսարկ իւր Աղէքսանդր և Տէքէտօ վերնագրով դրած իւստիցունեան մէջ .

ԱՂԷՔՍԱՆԴՐ

Էհ ուրեմն , բարեկամ , միշտ նոյն տառելութիւնն ունի՞ս ինձի դէմ . երգիծանքներուդ մէջ նկարածիդ պէս միշտ յիմա՞ր կերևամ քեզի :

ՏԵԲԲԻՅ

Բնաւ երբէք , Տէր , զմեղ կը յարգեմ և ձեր առաքինութիւնները կը ճանաչեմ : Բարօրութիւնն

ու շողոքորթութիւններն զնեղ ապակոնեցին . բայց ազնիւ սիրտ մը և բարձր հանձար մ'ունէիք դուք :

ԱՂԷՔՍԱՆԴՐ

Ինչո՞ւ ուրեմն զիս յիմար և տւաղակ ներկայացուցիր երգիծանքներուդ մէջ . ձմարի՞տ է արդեօք որ դուք բանսատեղծներդ մի միայն առասպելներու մէջ կը յաջողիք :

ՏԵԲԲԻՅ

Բոլոր կեանքիս մէջ ասոր հակառակը պնդած էմ և գրութիւններուս մէջ ցոյց տուած եմ , կարծեմ , որ ամեն սեռի մէջ ձմարիսն է միայն գեղեցիկը :

ԱՂԷՔՍԱՆԴՐ

Կը խոստովանիս ուրեմն որ զիս այնքան կծու կերպով պարսաւելու իրաւունք չունէիք :

ՏԵԲԲԻՅ

Կուզէի հանձարեղ բաներ գրելով մարդերու զարմացումը գրաւել . կը փափաքի մանաւանդ շողորթել ուրիշ իշխան մը որ իւր պաշտպանութեանը տակ առած էր զիս : Այսափ զիստարութիւններով , ինչպէս յայտնի է , չէի կարող անկեղծ ըլլալ :

Ես որ ուրիշ մը շողոքորթելու ոչ պարտք ունիմ և ոչ իրաւունք՝ հշորէրէն հեռանալու պատճառ մը չունիմ . և վստահ ըլլալով որ

ՀՀԱՐՄԱՆԻՒԱՆ իշխանութիւն ունի կսմթտող գրիչին շոյել ալ սորվեցունել՝ կը յանդդնիմ՝ այս անձին կեանքը գրել :

Արդ. Հայր Պօղոս Պօյնուէ յրիեան Միջադիւղ ծնած է 1805 ին : Իւր ծննդեամբն հերքած է այդ խօսքն որով շատերը կուզեն հաստատել թէ փառասիրութիւնն մարդուս հետը կը ծնի, կը մեծնայ և կը մեռնի : Ծընընդեան օրն երբ ներկայ եղաղներն զինքը շոյելով և գգուելով կը հադցունէին՝ ինքը փոխանակ ուռենալու իրեն եղած յարգանքներէն այնպէս կը վարվէր որ կարծես ըսել կուզէր .

— Եթէ գիտնայի որ ձեզի այսչափ աշխատութիւն պիտի պատճառեմ բնաւ չէի գալ աշխարհ :

Միջագիւղ անցուց իւր մանկութեան և պատանեկութեան տարիներն և 1820 ին Պէջրութ ուղեղեղեցաւ Անտոնեան Վանքն երթալու համար : Սոյն թուականին յոյն ծովահէններն ծովու վրայ ասսղատակութիւն կը նէին և շատերը կը վախնային ծովէն ճանբորդութիւն ընելու : Պօյնուէ յրիեան իրեն հասակակից տասնեվեց ընկերներավ սէրէնէի մը յանձնըվեցաւ ցամաքէն Լիբանան երթալու համար : Իւսկիւտարէն ճանրայ ելան եւ

վեց ժամու չափ ճանբայ ընելէն ետքը հասան գիւղ մը որուն +այժմ+ամ զիրենք ձերբակալել տուաւ հասկնալու համար թէ ո՛վ էին այս տղամերն ուսկից կուգային և ուր կերթային , վասն զի ոչ ոք կրնար հաւատաւ որ ատոնք սէրէնէի մը յանձնըվին Պէջրութերթալու համար : Քայլագան գործն ստուգելէն ետքը թող տուաւ զիրենք որ նորէն ճանբայ ելան ուրիշ գեղի մը մէջ ձերբակալվելու համար : Գաւառական իշխանութիւններն դիւցաղնական քաջութեամբ կը գործեն միշտ երբ հարկ ըլլայ ձերբակալել անմեղները — Վերջապէս ասոնք մինչև Պէջրութերթալու համար քանի օթևան որ իջևանեցան՝ ստիպվեցան իրենց վրայ տեղեկութիւն տալ որպէս զի կարենան իրենց ճամրան շարունակել : Այսպէս վեց ամիս ճամբորդութիւն ընելէն ետքը ողջ առողջ հասան Անտոնեան վանքը :

Վանք մոնելուն պէս ինքինքն աշխատութեան տուաւ , և քիչ ժամանակի մէջ ուսաւ հայ , լատին և իտալերէն լեզուները : Իւր բարի վարքն առած դարձած էր ընկերներուն մէջ , որոնցմէ մին եթէ բերնէն գեշ խօսք մը փախցունէր , Պօյնուէ յրիեան դասը կը թողուր , եկեղեցի կիջնար ծունկ կը չու

քէր և կաղօթէր Աստուծոյ որ ներէ ընկերովը յանցանքին : Վանքին մէջ իւր ուսումներն աւարտելով վարդապետ ձեռնադրվեցաւ . և հագուստներն՝ որ շատ անդամ կապականեն մարդուս սիրտն ու միտքն՝ բնաւաղդեցութիւն չըրին և չփոխեցին ասոր ոչ միտքն և ոչ սիրտը :

Աբբահայրը հաւնելով ասոր բարի վարուցն և ազդի համար ունեցած սէլք տեսնելով Պօլսոյ մէջ իրեն փոխանորդ կարդեց զայն և Հայր Պօլսո 1836 ին ատենները Պօլիս եկաւ : Մեծ յաջողակութեամբ և անձնանուիրութեամբ կատարեց իրեն յանձնըված սոյն պաշտօնը . սխալ հասկցողութեան մը պատճառ չտալու համար շատ անդամ ինքն անձամբ Պէյրութ կուղեռիք և վանք երթալով աբբահօր ականջը քանի մը խօսք փոխալէն ետքը հետևեալ օրը ճանբայ կելնէր Պօլիս դառնալու համար : Յիսուն անդամ Պէյրութէն Պօլիս Պօլիսէն Պէյրութ դնացած ու դարձած է :

1839 ին Միջադիւզի Ս. Լուսաւորչայ եկեղեցւոյ շինութիւնը լմնցած էր : Հոս կուզար շատ անդամ քարոզ խօսելու և ժողովուրդը կը վաղէր մտիկ ընելու անոր խօսքերն : Այնքան քաջ կը խօսէր աղդամ

թեան վրայ որ քարոզը մտիկ ընողներն դուրս ելնելնուն պէս կը փափաքէին քանի մը օտարազդի բռնել ու ծեծել : Տղայներն իսկ կը սիրէին զինքը . և ծնօղք ասկից օդուտ քաղելով « Հայր Պօլսոն այսօք Յեր Կուրուց պէտք էայ » կըսէին իրենց ղաւակներուն երբ ասոնք կուլային և չէին ուղեր դպրոց երթալ :

Ժամէ խոստովանելու որ սա ինքն է ծնունդ տուող Հակահասունեան դատին : Լաւ կը ճանաչէր Հասունեանն և անոր առաւտականն և շատ աղէկ դիտէր ժողովուրդն անկէ դդուշացնելու եղանակը ,

Հասունեան ալ կը ճանաչէր զինքն և շատ անդամ օձի կերպարանքով կը ներկայանար իրեն և խնձոր կուտար ըսելով որ եթէ ասկէ ուտես թարի պէս անսխալ կըլլաս . բայց Հայր Պօլսոն ականջ չէր կախեր և իր առաջադրած նպատակն կը վաղէր : Եթէ ուրիշներու պէս անուն հանած չէ՝ պատճառն այն է որ ինքն աւելի գործել կը սիրէ քան գործող երնիլ : Ոչ պաշտօնապէս ամենէն աւելի աշխատած է Հակահասունեան դատին մէջ և դեռ կաշխատի դաշտնապէս :

† Քիւրէլեան դեռ Պատրիարք չընտրված Հայր Պօլսոն Հակահասունեաններուն ներկայացուցիչն էր : Բարձրաստիճան Հետէւ լաներու

ծանօթ և սիրելի էր : Ամեն օր Բ. Դուռը
կերթար և ազգին ցաւերը ներկայացնելով
դարձան կը փնտռէր : Երբ Հիւանդանոցն
Հակահասունեաններուն ձեռքն անցաւ՝ Հա-
սունեան Հիւանդանոցին նայնները չէր տար
և հիւանդներն կստիպվէին անօթի մնալու
որպէս զի ստամոքսնին լեցվելով հիւանդու-
թիւննին չծանրանայ : Հայր Պօղոս իւր դոր-
ծունէութեամբն յաջողեցաւ այդ նայններն
Հասունեանէն առնելու :

1875ին ժողովուրդէն երեք հազար ոսկ-
ոյ գումար մը հաւաքելով Ֆէրի-դիւղի գե-
րեզմանատան շուրջը պատ քաշել տուաւ և
ննջեցեալներուն ալ սիրաը գրաւեց :

Ժողովուրդն երեք անդամէն աւելի ու-
ղեց որ հայր Պօղոսն եպիսկոպոսութեան աստի-
ճան բարձրանայ , ինքը մերժեց . բնաւ չսի-
րեր բարձրանալն — անշուշտ վերջէն չխոնար-
հելու համար — և եթէ չմեծնալն ալ իւր
կամքէն կախում ունենար՝ տասը տարեկա-
նէն վեր չպիտի ուղէր ելնել :

Հայաստան աշխարհին վերածնութեանն
ականատես ըլլալու փափաքն իւր սիրտը հալ
ու մաշ կընէ : Բնաւ առիթ չփախցուներ թէ
բերանացի և թէ գրով ազգայիններն միու-
թեան և դործի յորդորելու : 1878 ին՝ Առա-

ջն այլ բարեսովն աղիւս Հայոց է Հայաստան ու
իւրէ վերնագրով տետրակ մը հրատարակեց՝
որով կը յորդորէր ազգայիններն երկրագոր-
ծական վարժարաններ բանալ Հայաստանի
մէջ : Հետեւեալ տողերը յիշեալ տետրակէն
քաղելով կը հրատարակենք հոս ցոյց տալու
համար մեր ընթերցողներուն թէ այս ծերու-
նին իւր ալեւոր հասակին մէջ դեռ զդայուն
սիրտ մը կը կրէ :

« Ի վերջ բանիցս նախ առ Զեղ կը դի-
մեմ պատկառելի Պաշտօնեայք Հայաստան-
եայց Եկեղեցւոյ՝ առ հասարակ յամենայն
կարգէ և յաստիճանէ : Ի Զեղ հաւատացան
ողորմելի ժողովրդեան ամեն հոգ և խնամքը:
Զեղմէ կախուած է անոնց երջանկութիւնը :
Դուք միայն կարող էք զանոնք սփոփել, մը-
խիթարել , և իրենց ըստ հոգւոյ և ըստ
մարմնոյ երջանիկ ապրելու օգտակար ճանա-
պարհներն ցուցանելով անոնց առաջնորդել :
Պաշտօնակից Եղբարք իմ սիրեցեալք, ի՞նչ
է մեր կոչումը . բայց եթէ ժողովրդեան հո-
գը ըստ ամենայնի : Ի՞նչ պիտի ըլլայ մեր
նպատակը . բայց եթէ ժողովրդեան կատար-
եալ երջանկութիւնը : Դուք պաշտօնեայք Ե-
կեղեցւոյ, դուք աւելի ի մօտոյ կը ճանաչէք
դաւառաց մէջ գտնուող՝ Ազդիս աղքատաց

թշուառ վիճակը : Այս աղքատ ժողովաւրդը Զեր բերնէն կ'սպասէ լսել՝ թէ ո՞րն է ասուածահաճոյ և հասարակաց բարւոյն աղգօդուտ գործը , նպատակը և միջոցը : Զեր բաժինը ժողովուրդն է և ժողովրդեան նուիրուած էք . ապա ժողովրդեան օդտին գործածեցէք Զեր խօսքը , Զեր աղդեցութիւնը , Զեր միջնորդութիւնը և Զեր օրինակը : Եւ ի՞նչ աւելի օդտակար գործ քան թէ երկրադործութեան զարգացմամբ յարմատոյ բուժել Աղդիս աղքատաց թշուառութիւնը » :

1879ին հրատարակած է էակ էօթնու Նկայ անունով տետրակ մը : Այս հրատարակութեան պատճառ տուած են մայրաքաղաքիս մէջ պտըռող անդործ երիտասարդներն որոնք ուր որ հանդիպէին այս ծերունիին իրմէ կամ գործ կուզէին կամ ողորմութիւն : « Անհնար կըլլայ ինձ . կըսէ յիշեալ տետրակին մէջ , հանդարտ գլխով և խաղաղ սրտիւ քաղաքիս մէջ պտըռտիլ , ամեն կողմանէ խեղճութեան տխուր կերպարանք հետզետէ դիմացս կելնեն : Թող աղքատաց և մուրացկանաց բազմութիւնն , շատ մի ծանօթ անձինք ոլ չորս կողմս կը խռնին . ոմանք ողորմութիւն կը խնդրեն՝ յայտնելով իրենց վերջին աղքատութիւնը և զաւակաց անօթութիւնը .

ոմանք շահաւոր գործ կը փնտուեն , ուրիշներն ալ ծանօթ էֆէնտիլյ ձեռօք աշաշտաման մի հասնիլ կը հայցեն : »

Եւ արդարեւ հրատարակութիւն ընելէ ուրիշ ճանբայ չկայ խալսելու համար այն երիտասարդներէն որոնք փողոցի մէջ տան մէջ ամեն օր ամեն ժամ քովդ կուդան և կաղաչեն քեզի որ քսան ոսկի ամսականով Ամերիկայի դեսպանատան մէջ դրադրութեան պաշտօն մը գտնես իրեն . Ոմանք կը փափաքին Եղիպատոսի թագուհի ըլլալ : Ոմանք հինգ հազար ոսկի կը պահանջեն որ դրամագլուխ գնեն և վաճառականութեան սկսին : Շատերն ալ հարուստ վաճառականի մը աղջիկ կուզեն : Հայր Պօղոսն ասոնց ամենուն մէկէն պատասխանելու համար կըսէ իրենց . էակ էակ , նկայ էօթնու Նկայ : Այս պատասխանն տալէն ետքը հետեւեալ հարցումները կուզեն .

« Մեր աղդին մէջ քանի հացագործ կայ .

« Քանի նպարավաճառ , գինեպան , կոշկակար ևն . կայ . »

Գրեթէ չկայ և ըլլալիք ալ չունի . վասն զի կոշկակարութիւնն մեր պատուոյն կը դըպշի , մսավաճառութիւնն ամօթ է , նպարա-

վաճառութիւնը պղափկութիւն է . թէպէտ և սա ալ խոստովանելու պարտաւոր ենք որ այսօր անդործ պտըտողներուն և ոչ մին կըբնայ մսավաճառ ըլլալ , ոչ ալ նպարավաճառ , թող որ գրամագլուխ չունին այլ գրագրութենէ մսավաճառութիւն երթալը քիչ մը գժուար է . վասն զի ամեն գործ որչափ ալ գիւրին երենայ գուրսէն՝ գաղտնիք մը ունի իւր մէջը :

Հայր Պօղոս այս տետրակը ձրի բաշխելով կը յորդորէր աղգայիններն որ քիչ մ'ալ այս տեսակ գործերու աչք գարձունեն , գործեր որովք օտարներն այսօր մեծ հարցատութիւններ դիզած են և Բէրայի մէջ հոյակապ տուններ կանգնած են : Մեր զաւակները պղտիկ հասակէն վարժեցնելու է այդ արուեստներու . վասն զի քառասուն տարի գըրադրութեամբ կամ ուրիշ պաշտօնով զբաղած մէկու մը խիստ գժուար է կոշիկի գինին ևն . արհեստը սորվիլը :

Բնաւ հոգնիլ չգիտեր , առաւօտէ մինչև երեկոյ կը քալէ : Մեծութիւնը չսիրելուն պատճառաւ մեծ փողցներն ալ չսիրեր . եթէ Բէրա հանդիպիս իրեն՝ կամ մէկ փողոցէն կը մտնէ կամ ուրիշ փողոցէ մը կենէ : Բժիշկներն իւր մէկ ծուխին ապսպարած ըլ-

լալով որ երբեմն անտառներն երթայ և մարմնամարզութիւն ընելու համար սղոցով ծառեր կտրէ , ինքն ալ ծուխին հետ մէկտեղ շատ անդամ անտառները կերթայ և ծառի մը վրայ ելնելով կսկսի անոր ճիւղերը կտրել . բայց կղդուշանայ կտրել այն ճիւղն որու վրայ կեցած է : Պարտիլը շատ սիրելուն համար է որ Բարիղի և Լօնտրայի ամեն արուեստահանդէններու ներկայ գտնըված է : Եւրոպան ամբողջ պարտած է . օր մ'ալ անշուշտ Ամերիկա պիտի երթայ :

Ուրիշ կրօնաւորներու պէս չէ որ միշտ հարուստներուն տունները պարափ և աղքատներն ունակոխ ընէ : Շատ անդամ աղքատին խրճիթը կը մտնէ . որբերուն արցունքը կը սրբէ և կը միսիթարէ զանոնք . ինչպէս անբաներուն՝ նոյնպէս ալ աղքասներուն սիրելի է :

Խօսակցութիւնն անուշ է . շատ անդամ զուարճախօս է , պղտիկ առակներ կը պատմէ : Եթէ քաղաքավարութիւնն արգիլէ զինքն երբեմն համարձակօրէն խօսելու՝ առակի կը դիմէ և անով կը բաշատրէ իւր միտքը : Այս առակն մեծ գիւրութիւն կուտայ երբեմն մեր կարծիքը յայտնելու : Մեր դիմացինը կաղնիի կամ կովու կամ աւանակի նմանցնելով կրնանք համոզել առանց անոր անձնա-

կանութեան դպած ըլլալու , մինչդեռ եթէ
առանց առակի մէկուն կաղնի ըսելու ըլլանք՝
անոր անձնականութիւնը վիրաւորած կըւ-
լանք :

Ներող է : Հրացան մը պարպէ՛ վրան ,
և երբ ոստիկանութիւնը դայ դքեղ ձերբա-
կալելու՝ ինք առաջ կը նետովի և կըսէ .

— Զիս բռնեցէք :

Այս ըսելէն ետքը խիղճը կսկսի զինք
տանջել թէ ինչո՞ւ աշխարհիս վրայ՝ դանվի
մարդ մը որ իր վրայ հրազէն պարպէ : Խիղ-
ճը հանդարտեցնելու համար գիշերանց ան-
կողինէն կենէ , լսպտերը կը վառէ և այն
մարդն կը դանէ , քովը կը նստեցունէ և կըս-
կըսի իրատել զայն որ ուրիշ անդամ ասանկ
ոճիր մը չդորձէ : Եթէ քովը դրամ ունենայ՝
կը հանէ անոր կուտայ որ իւր տուած խրատ-
ները դորձադրէ :

Կարծեաց ավատութեան յարգող է :
Գնա իրեն զրուցէ որ ածուխին գոյնը ճեր-
մակ է , բնաւ չսրդողիր և թող կուտայ որ
փաստերովդ չորս ժամ՝ դլուխը ցաւցունես :
Ոկերտիկեանի մը պէս վայրկեան մը կըսէ
մտքէն «թերես ածուխը ճերմակ է և ինձի
ուե կերեայ » իսկ երբ խօսքդ աւարտես՝
կսկսի պատասխանել և գքեղ համոզելու աշ-

խատիլ : Պնդէ իւր առջել թէ կնգիյէնեան
առաքինի մէկն է . պաղարեամբ մտիկ կընէ
դքեղ և վերջը կսկսի հերքել կարծիքդ . իսկ
երբ կը տեսնէ որ կարծեացդ մէջ հաստատ
ես՝ չստիպեր զքեղ կարծիքդ վոխելու և
«երկուքս ալ իրաւունք ունինք » ըսելով
խօսքը կը վերջացունէ : Իրաւունքը հիմայ
ճաշակի տեղ անցած է , ամեն մարդ աղատ
է այսօր ինդրոյ մը վրայ ամենէն այլանդակ
կարծիք յայտնել առանց կարմիելու ինչպէս
որ թեթև երիտասարդ մը աղատ է ամենա-
տգեղ գոյնով տձեւ թիկնոց մը հագնելու ,
ինչպէս որ ուրիշ մը աղատ է սոխով եփած
միօր կամ միսով եփած սոխն ուրիշներու
յանձնարարել :

Հոս կը դադրինք ալ համրելէ այն բո-
լոր բարեմանութիւնները զորս ունի Հայր
Պօղոս , որուն այս վաճէրու մէջ գտնվին
անշուշտ բերկութիւն պիտի պատճառէ մեր
ընթերցողներուն երբ պիտի տեսնեն ասոնք
աղգին մէջ կան այնպիսի կրօնաւորներ որ
ամենուս սիրոյն և յարդանացն արժանի են :
Թերեւս շատերը հետաքրքիր ըլլան հասկնալ
թէ ինչո՞ւ Լուսինեանէ հրաշէ՞րծ է և Հասու-
նեանէ ետքը դրեցինք այս ծերունւոյն կեան-
քը : Դիտմամբ ետ թողուցինք ապացուցանե-

Եռ համար թէ լոյսը խաւարէն ետքը կու-
գայ :

Հայր Պօղոս բարակ կազմով ճերմակ մա-
դերով և ճերմակ մօրուքով ծերունի մ'է :
Հակառակ իւր ծերութեանը առանց հոգնե-
լու օրը քանի մը անդամ թէրայէն Բ. Դուռը
կրնայ քալելով երթալ գալ ինչպէս արդէն
կուգայ Հակահասունեաններուն գործին հա-
մար : Իւր դէմքը գրաւիչ է և կը չիշեցունէ
մեզ առաքեալին այն օրուան դէմքն ուր
իւր վարդապետին կըսէր .

Ամբողջ գիշեր աշխատեցանք ու բան
մը չկըցինք բռնել :

ՀԱՄԲԱՐՁՈՒՄ ԻՓԵՖՃԵԱՆ

Այն օրն ուր առաջագրեցի այս դաս-
տիարակին կեանքը գրելու՝ ինքզինքիս հար-
ցուցի .

— Իրա՞ւ է թէ Աստուած անպէտ բան
մը կամ էակ մը չստեղծեց աշխարհիս վրայ :

Եթէ իրաւ է , պատասխանեցի ես ինձի,
այս մարդն ի՞նչ գործ ունի աշխարհիս վրայ:
Եթէ իրաւ չէ ինչու այս մարդն պիտանա-
ցու ըլլալու համար թէողոսիայէն Սինֆէրո-
բօլ կերթայ . Սինֆէրօբօլէն Ռասթով , Ռաս-
թովէն Եէքաթէրինօտար , Եէքաթէրինօտա-
րէն Պօլիս , Պօլիսէն Պէշիկթաշ , Պէշիկթաշէն
Սամաթիա , Սամաթիայէն Խասդիւղ , Խաս-
դիւղէն Գերմանիա . Գերմանիայէն Պօլիս ,
Պօլիսէն Իզմիր , Իզմիրէն Խւսկիւտար կանցնի:

Քանի մը վայրկեան ճակատս շինէն
ետքը համողվեցայ որ Աստուած արդարե
անպէտ բան կամ էակ չէ ստեղծած աշխար-

հիս վրայ . իւրաքանչիւրն իւր գոյութեան պատճառն ունի : Օրինակի համար՝ Խառդիւզի շողենաւներն սաեղծած է մահկանացուներս համբերութեան վարժեցունելու համար . թղթադրամն և պղինձն հանած է հասկցունելու համար մեղի թէ ինչ որ սկիզբ ունի վերջ ալ ունի . անդորձներն ստեղծած է՝ որպէս զի զրօսարաններու տէրերն առուտուր ընեն և ստակ վաստկին . լուսինը ըստեղծած է որ թէրայի կազերն երբ մարին՝ փողոցները լուսաւորէ որպէս զի գողերը մութին մէջ սխալ տուն չմտնեն . խմբագիրներ ստեղծած է՝ ցոյց տալու համար թէ մարդս չէ կարող իւր ճակտին քրտինքովը ապրիլ . չափազանց անձնանուէրներ ստեղծած է գողերու վրայ քեզի գաղափար տալու համար . երկաթեայ կամուրջ մը տուած է հասկցնելու համար թէ ներկայ դարուս մէջ անհնար է երկու օձիքը մէկ տեղ բերել . դաստուներ ստեղծած է բժիշկներու սորվեցունելու համար թէ մարդս քանի ժամ կրնայ անօթութեան դիմանալ : Այս ամենն աղէկ . կըսէք , բայց իփէքնեանն ինչո՞ւ համար ըստեղծած է : Անշուշտ շրջանակի մը մէջ անցունելով պատէն կախելու համար չէ : Ինչո՞ւ ուրեմն եկած է աշխարհ : Մի՛ բարկանաք .

բարեկամ , աշխարհ ըսածդ վարժարան չէ որ եր հարցն չս հար ըսենք ու ճանքենք : Համբերեցէք , հարկաւ նպատակի մը համար եկած պիտի ըլլայ : Ի՞նչ է նպատակը : Քանի մը վայրիեան ճակատ շփելն բաւական զմեզ համոզելու համար որ Աստուած իփէքնեանի կեանք տալով ուղած է հասկցունել մեզ որ դաստիարակութեան մասին մենք տակաւին շատ ետ մնացած ենք . եթէ այսպէս չըլլար՝ թող չեմնք տար անշուշտ որ դաստիարակ մը աշխարհիս չորս կողմը պարտիլ ստիպվի ապրելու համար : Զափազանցութիւն չէ ըսածս , մտիկ ըլլէք :

Առանց ուրիշի խորհուրդ հարցնելու այս մարդն 1843 ին ելու աշխարհ եկաւ : Բարի եկաւ , հազար բարի . սակայն մարդս քաղաք մը , գեղ մը երթալ ուղած ժամանակն անգամ նախ ծանօթութիւն կը հաւաքէ և վերջը կերթայ , ուր մնաց աշխարհն որու վրայօք հաղիւ չորս հոգի կը գտնըի նպատաւոր աեղեկութիւն տուող : իփէքնեան եթէ այն ժամանակի դաստիարակներէն խորհուրդ խնդրե՛ շատ հաւանական էր որ աշխարհ դալու նպատակէն հրաժարէր : Վասն զի այն ատենները գիշեր մը քանի մը ամիրաներ իրենց փորն կշտացնելէն ետքը կուզեն իմա-

պատուական կեանք կանցունեն . . . երանի
մտօք աղքատաց զի նոցա է արքայութիւն
երկրիս . . . ,

Այս առաջին յանցանքները գործելէն
ետքը յանցանք մալ գործեց թէոդոսիոյ
մէջ աշխարհ գալով . . . որպէս թէ աշ-
խարհիս վրայ ուրիշ քաղաք մնացած չըլլար .
թող որ այդ քաղաքն իւր կարծիքներուն
համաձայն ալ չէր, Մանկութեան օրերը հսն
անցունելէն ետքը 1852ի ատենները Սինֆէ-
րօբօլ գնաց և հոն վարժարան մտնելով փո-
խանակ ուսանելու՝ ուսուցանելու արհեստը
սորվիլ կուզէր : Համոզեցին զինքն որ առանց
ուսանելու ուսուցանել անկարելի էր, և ա-
սոր վրայ սկսաւ իւր գասերը պատրաստել
և ընկերները գերազանցել :

— Զէք հարցուներ թէ՝ ձեր փողոցին մէջ
նստող պատուելին ի՞նչպէս կապրի և կել-
նէք ենովք և Եղիային ինչպէս ապրիլը կու-
զէք իմանալ :

Աւելորդ է ըսել որ նոյն դիշերն անօթի
պառկած էր պատուելին և բնականաբար նը-
պաստաւոր պատասխան մը չպիտի տար Ի-
փէքճեանի եթէ աս իրմէ տեղեկութիւն ուզէր :
Այս շըրաւ և շընելէն ետքը յանձնարարա-
կան թուղթ մ'ալ չսուաւ : Վայ ան պար-
կեշտ ուսումնականներուն, գործունեայնե-
րուն և աշխատասէրներուն որ յանձնարարող
մը չունին, սողալով պիտի սողան գետնի վը-
րայ . . . երանի՛ այն տգէտներուն որ յանձ-
նարարողներ ունին կամ երևելի շէնքերու
վարչութեան տնօրիններ կըլլան կամ առատ
թոշակներ կընդունին ու խելացիները ծաղրելով

բութեան պաշտօն վարել։ Քանի մը ամիս կտաւ չվաճառելին ետքը հրաժեշտ տուաւ այդ գործին և միտքը գրաւ որ անպատճառ գասառութեամբ ապրի։

1864 ին քանի մը ընկերներու հետ միանալով Ռաստօվի մէջ գպրոցի մը հիմնարկութեան աշխատեցաւ և չյաջողեցաւ։

1865 ին Եկաթերինօտարի մէջ այցելութեամբ դասախոսութիւն ընկլու ձեռնարկեց։ Այս ձեռնարկութիւնն ալ ի դերեւ ելու Եւ իփէքճեան ստիպվեցաւ Ռուսաստան թողուլ և Թուրքիան գրկել։ Եթէ դասատութիւնը թողուր և Ռուսաստանը գրկեր անխոհեմ գործ մը ըրած չպիտի համարվէր։

1867 ին Կ. Պոլիս եկաւ : Դասատաւի մը աշխարհ գալն, ինչպէս ըսմնք, յանցանք մ'է արդէն, իսկ Պոլիս գալն անանկ ծանր յանցանք մ'է որ բնաւ ներելի չէ։ Իփէքճեան այս մահացու մեղքն ալ գործեց, և Եէնի-դարուի վարժարանը մտաւ Տեսչութեան պաշտօնով։ Այս անձը պղտիկին վրայ պղտիկ դադախար ունի կամ, լաւ ևս, բնաւ գաղափար չունի, կը փափաքի որ ամեն բան մեծ, փառաւոր և կատարեալ ըլլայ։ Գովելի փափաք մ'է այս, բայց տեղին, ժամանակին և պարագայներուն յարմարին ալ քիչ մը պէտք է։

Եթէ կոչկակար մը եղած ըլլար՝ նաւակի մեծութեամբ կոշիկներ պիտի կարէր, թէպէտ և պոլսեցիներուն մեծ ծառայութիւն մը պիտի ընէր, վասն զի երբեմն փողոցներէ անցնելու համար նաւակի պէտքը զգալի կըլլայ։ ինչպէս հոս հորի պէտքը հաւաքին ծայրը։ Ամիսը տասնը հինգ ոսկի եկամուտ ունեցող վարժարանի մը տնօրէն կարգէ՛ իփէքճեան էֆէնտին և աղաչէ իրեն որ ծրագիր մը պատրաստէ։ Հետեւեալ օրը ծրագիր մը կը հանէ ծոցէն և կոկսի կարդալ։

«Պատիւ ունեցէք մտիկ ընելու այն ծըրագիրն զոր պատրաստելու համար աղաչեցիք մեղի։

Ա. Նկատելով որ գպրոցին շէնքն աւելի ախոռի ձեռվ շննված է քան թէ դաստիարակութեան շէնքի մը ձեռվ կը խնդրեմ որ նախ այդ գպրոցը վիցունէք և նորէն շինէք այն ձեռվ որուն օրինակը Գերմանիայէն բերել տուած եմ։ Այդ շէնքին մէջ անկարելի է տղայ դաստիարակելը։

Բ. ձեմիշները վերցունելու է գպրոցին քովէն և քաղաքէն գուրս տեղ մը դնելու է։

Գ. Նկատելով որ կիմայն վնասակար է՝ կը խնդրեմ որ Հոգաբարձութիւնդ արժանը տնօրինէ քաղաքիս կիմայն փոխելու համար։

Դ. Վարժարանն ամիսը հարիւր ոսկւոյ
պէտք ունի և Հոգաբարձութիւնը կարող է,
եթէ ուղէ, ժողովուրդէն հաւաքել այդ
դրամը :

Ե. Եթէ այս առաջարկութիւններս կըն-
դունիք՝ լաւ, եթէ ոչ՝ մնաք բարեաւ :

Այս տեսակ ծրագիրներով կը փափաքի
Գերմանիայի վարժարաններու հաւասար ը-
նել այն վարժարանն որ իւր անօրինութեա-
նը տակ առած է : Յայտնի է թէ այսպիսի
ծրագիրներն որչափ ընդունելութիւն կը դըտ-
նեն անանկ ժողովուրդէ մը որ Տնօրէնի մը
տրված ամսականը ծովը նետված ստակ կը
համարի : Իփէքճեան չուզեր ծրագրին մէջ
նէն վերջաւորած խել մը ուսումներ և գի-
տութիւններ շարելէն ետքը զանոնք աշա-
կերտներուն չորովեցունել և, հետևապէս,
անոնց ծնօդքը խաբած ըլլալ : Ամեն բան ա-
ռաջուց կիմացունէ որպէս զի ապադային մէջ
պատասխանատուութեան տակ չմնայ : Նոյն
իսկ պարզ ևսբաշխութեան օրերն ալ՝ որք
ծնօդքներ խաբելու յատուկ օրեր են, բնաւ
սուտ շխօսիր . յայտնապէս կըսէ թէ Թորո.
սը տկար է, կիրակոսը ծոյլ է . մինչդեռ
ժողովրդեան հաճելի ըլլալու համար պէտք
էր ըսել որ՝ փառք Աստուծոյ, վարժարանիս

բոլոր աշակերտները յառաջադէմ են և կը
յուսամ որ գալ տարի փիլիսոփաններու յորդ
առատութիւն մը պիտի տեսնենք : Վարժա-
րանի տնօրէնի մը համար քիչ մը ստախօսու-
թիւն և քիչ մ'ալ շողոքորթութիւն անհրա-
ժեշտ պէտք է, և այն տնօրէնն որ այս եր-
կու առաքինութիւննենէ զուրկ է՝ անպատ-
ճառ օր մը հետանալ պիտի ստիպվի այդ
ասպարէզէն : Ասկից զատ՝ իփէքճեան հոգա-
բարձու էֆէնտիներու հետ վարվելու եղա-
նակն ալ չգիտեր : Հոգաբարձու մը կուզէ
որ Տնօրէնն իւր առջև բարև բռնէ, «Էկարյին
կըակ բերէ . եթէ փողոցի մէջ հանդիպի հո-
գաբարձուի մը որ միս ի ձեռին կերթայ՝
միսն ինք առնելու և տուն տանելու է :
Այսպէս չվարվեցա՞ւ . . . ալ ականջները
հոգաբարձուներուն բերանին մօտեցունելու է.

— Ի՞նչ ըսել է, էֆէնտիմ, ան տիրա-
ցուին խօսքը պիտի ըլլայ :

— Իրաւունք ունիք, առջի օրը դպրոց
մտայ տեղէն չերերաց, կարծես ան մեզի
ամսական կուտայ :

— Շատ ճշմարիտը խօսեցաք, ազգին
ստակովը կապրին . . . և հոգաբարձունե-
րուն հրամայել կուզէն :

— Վանտելու է այդ մարդը վոնտելու է:

— Այս , այս' . . . δօ տնտե՛ս , գնա՛
պատուելիքին ըսէ որ մէյ մ'ալ դպրոց ոտք
չկոխէ :

Հարկ չմնար ա՛լ երկար բարակ բացատ-
ըելու թէ իփէքճեան ինչո՛ւ երկար ատեն
չկրցաւ մնալ Պօլայ թաղային վարժարաննե-
րուն մէջ :

1871 ին Շահ-Նուպարեան վարժարանին
Տեսչութիւնն ստանձնեց : Յիշեալ վարժարանն
որ իփէքճեանի փափաքներն իրականացնելու
չափ եկամուտ ունէր , կանոնաւոր կերպով
շարունակեց և ուսեալ աշակերտներ ալ դուրս
առւաւ որչափ ատեն որ եկամուտ ունեցաւ :
Շատ մը դասատուներ՝ որոնք շաբաթն երեք
անդամ գալու պարտաւոր ըլլալով մէկ ան-
գամ կուգային վարժարան՝ թշնամի եղան
իփէքճեանի որ ճշդութիւն պահելու թերու-
թիւնն ալ ունէր : Իրեն համար օրակարգ մը
պատրաստած էր և անոր համեմատ կը շար-
ժէր . ենելու , պառկելու , ճաշելու , խօսե-
լու . խորհելու , լալու . խնդալու և փոքրդ-
տալու յատուկ ժամեր որոշած էր , և այս
կարդապահութիւնն իրեն թշնամիներ կը յա-
րուցանէր :

Այն ատեններն էր որ դաստիարակութեան
առանձին կոխու մը բացվեցաւ լրագիրներու մէջ :

Մէկն ելաւ և Մանվաճէ էֆեռտի մէջ հարցում
մը ըրաւ թէ ինչ է դաստիարակութեան սահ-
մանը : Իփէքճեան ինդաց : Այս հարցումը
պարապ բան մ'էր , վասն զի դաստիարակու-
թեան սահմանը չգիտցող դաստիարակ մ'իսկ
չկրնար դաստիարակ ըլլալէ դադրիլ : Այս-
չափ մարդ կայ աշխարհիս վրայ , միթէ ա-
մենն ալ մարդկութեան սահմանը գիտեն ,
ոչ , բայց և ոչ մին մարդ ըլլալէ դադրած
է :

Այս հարցումը կը յիշեցունէ մեզ Մոլի-
էրի « Քաղաքացին Անուանական » ի հետեւեալ տո-
ղերը .

ՄՕՆՍԻԷՅ ԺՈՒՐՏԵՆ

Վտերմարար բան մը պիտի յայտնեմ ձեզի :
Աղնուականի մը սիրահարած եմ և կը փափարիմ
որ օգնէր ինձ գրելու սիրատումս մը զոր իրեն սա-
ներուն տակը պիտի ձգեմ :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Գլխուս վրայ :

ՄՕՆՍԻԷՅ ԺՈՒՐՏԵՆ

Բայց ոքանչելի բան մը ըլլալու է :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Յայտնի է : Ոտանաւո՞ր կուզէր գրել :

ՄՈՆՍԻԷՅԻ ԺՈՒՐՏԵՅՆ

Ոչ, ոչ, ոտանաւոր չեմ ուզեր :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Արձակ է որ արձակ կուզէք :

ՄՈՆՍԻԷՅԻ ԺՈՒՐՏԵՅՆ

Ոչ, ոչ, ոչ արձակ կուզեմ՝ ոչ ալ ոտանաւոր :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Սակայն պէտք է որ կամ մին ըլլայ իսամ միւսը :

ՄՈՆՍԻԷՅԻ ԺՈՒՐՏԵՅՆ

Ինչո՞ւ համար :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Պատճառն սա է որ մեր միտքը բացատրելու համար կամ արձակ գրելու է կամ ոտանտոր :

ՄՈՆՍԻԷՅԻ ԺՈՒՐՏԵՅՆ

Արձակն ու ոտանաւորն զատ բան չկա՞յ :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Ոչ, պարո՞ւ այն որ արձակ չէ ոտանաւոր է, և այն որ ոտանաւոր չէ արձակ է :

ՄՈՆՍԻԷՅԻ ԺՈՒՐՏԵՅՆ

Մեր խօսածն ի՞նչ է ուրեմն :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Արձակ է :

ՄՈՆՍԻԷՅԻ ԺՈՒՐՏԵՅՆ

Ի՞նչ կըսէք . օրինակի համար եթէ ըսեմ « Ակ-քու սա մուճակներս և գիշերուան գդակս բեր » արձա՞լ է սա :

ՓԻԼԻՍՈՓԱՅՈՒԹԵԱՆ ԴԱՍԱՏՈՒ

Արձակ է :

ՄՈՆՍԻԷՅԻ ԺՈՒՐՏԵՅՆ

Զըսեմ որ քառասուն տարիէ ի վեր արձակ կը խօսիմ եղեր և գեռ ացօր կիւանամ

Զարմանալու բան չկայ . միթէ այսօր չկան խմբագիրներ որ սխալ գրեն առանց զդալու իրենց սխալը :

Հատ իս մարդ մշակելու և ըստ ուրիշներու մարդուա միտքը , սիրոն ու մարմինը մշակելու արհեստն Խփէքճեան էֆէնտին քանի մը տարիներ Շահ-Նուլպարեան վարժարանին մէջ գործադրելէն ետքը հրաժարեցաւ այդ չէնքին որուն հասոյթները ցամքիլ սկսած էին : Մեկնեցաւ Պօլիսէն և Լողան գնաց ու հոն յայտարարութիւն մը հանեց որ յարմար գնով յանձնաւու կըլլայ թուրքիայէն և ոչ ուրիշ կողմերէ հոն զրկվելիք տղայներու դաստիարակութեանը Այս գործն ալ չկըցաւ գլուխ հանել և ստիպնցաւ

դառնալ Պօլիս՝ ուսկից հղմիր գնաց և զո՞ն
ալ իւր հրաժարականը տարով նորէն Պօլիս
դարձաւ և իւսկիւտար Սէլամիյէյի միացեալ
վարժարանին տնօրէն անուանուեցաւ :

Իփէքճեան էֆէնտին մանկավարժու-
թեան մէջ գերմանական դրութիւնն կը սիրէ
այնպէս ինչպէս կը սիրեմ ես սիսեռնով միսը
և կը սիրես գուն ձէթովլուբիան : Այս դր-
ութիւնը շատ յարմար է տարուան մը մէջ
թաղային վարժարան մը հազար հինգ հարիւր
ոսկի պարտական ընելու : Մեր ըսածը քանի
մը տարիներ առաջ փորձով հաստատեց իւս-
կիւտարու Սէլամիյէի վարժարանն՝ որուն հո-
գաբարձութիւնն իփէքճեան էֆէնտիէ աւելի
գերմանասէր էր : Այս դրութիւնը խիստ
կտրուկ է, վարժարանն կամ կը բարձրացունէ
կամ կը կործանէ : Իփէքճեան էֆէնտին եթէ
քիչ մը խոնարհէր և թաղային վարժարան-
ներն երկրորդական աստիճանի վերածելու
դիւրութիւններ տուող ծրագիր մը պատ-
րաստելու դիջանէր՝ աղդին մեծ ծառայու-
թիւն մը ըրած պիտի ըլլար : Մենք կը կար-
ծէնք որ ժողովուրդը և վարժարաններուն
եկամուաները քննելէն ետքը գլուխը պիտի
փոխէր . բայց մեծ եղաւ մեր զարմանքը երբ
աեսանք որ գլուխը փոխելու տեղ գլխարկը

փոխած է : « Պարապ բան է բարեկամ, կըսէ
իփէքճեան, ինչ որ ալ ընես այս աղդը գըպ-
րոցի համար դրամ չտար, կուղէ որ իւր տը-
ղայները ձրի կարդան» իրաւունք ունի, սա-
կայն քիչ մը զոհողութիւն ընելով ժողովուրդը
ծանօթացնելու է իւր պարտքերուն :

Իրեւ երեսփոխան ալ աղդին ծառայած
է . երկաթեայ ականջ ունենալու է մէկը որ
դիմանայ անոր ատենաբանութիւններուն :
Շատ խօսելու համար մրցումի կենէր ուրիշ
երեսփոխաններու հետ և շատ անգամ մըր-
ցանակն կը վաստըկէր : Իւր կարծիքներն եր-
բէք ճնշման տակ չեն իյնար, կը խօսի աղա-
տօրէն ինչ որ կը խորհի աղդին օգտին հա-
մար : Անձնական շահն որ շատ անգամ մեր
երեսփոխաններէն մէկ քանիները կստիպէ լը-
ռել, բնաւ աղդեցութիւն չկրնար ունենալ
իւր վրայ . ամենէն հարուստին մէկ անքա-
ղաքավարութիւնն անոր երեսը զարնելէ չը-
հրաժարիր մինչև անգամ չորս հազար ոսկի-
ով աղջիկ մը տալ խոստանաս իրեն : Շատե-
րը կը կարծեն թէ կիրքով կը խօսի . ես կը
հաւատամ որ կիրքով կը խորհի և պազար-
եամը կը խօսի :

Հըապարակի վրայ ունի գրութիւններ
որոնք ողջամտութիւն կը բուրեն : Աճը խո-

նարհ քնաւորութիւն մը չունի : Անդամ մը
իրաւամբ յարձակեցաւ Մամբրէ եպիսկոպո-
սին դէմ որ պատասխանեց թէ կրօնաւորի
դէմ յարձակելն կրօնի դէմ յարձակիլ է :
— Աս ճշմարիտ է , և ասոր համար է որ երբ
Մամբրէ եպիսկոպոս հարբուխ ըլլայ՝ կրօն-
քին ալ .քիթը կը վազէ : —

Իփէքճեան էֆէնտին , ինչպէս տեսնվե-
ցաւ կենսագրութեանս մէջ . աւելի դեղեցիկ
քան տղեղ կողմեր ունի . սակայն իւր դէմ-
քը գեղեցկութեան մասին միւս բոլոր յատ-
կութիւնները կը գերազանցէ : Փողոցի մէջ
այնպիսի սիդաճեմ քալուածք մ'ունի որ
մարդս կը վախնայ ետիէն երթալու իրեն
սպասաւորն չկարծվելու համար :

————— Հ Յ Հ Հ Հ Հ Հ —————

ՅՈՎՀԱՆՆԵՍ ՄԻՒՀԵՆՏԻՍԵԱՆ

Յովհաննէս Միւհէնտիսեան , ծուլիչ , փո-
քագրիչ , ոսկերիչ , թղթադրամներու արա-
րիչ , տպարանապետ , երեսփոխան , Սամա-
թիա ծնած է 1810 փետրվար 21 ին . այսինքն
այն ամսուն՝ որու մէջ , կըսէ չգիտեմ ո՛վ .
կիները քիչ կը խօսին :

Հաղիւ շրս տարեկան կար երբ իմացուց
ծնօղայն որ ինք այն մարդերէն է՝ զորսնա-
խախնամութիւնը ստեղծած ժամանակը ըս-
տեղծող ոգիով մը կօժտէ և վերջը թող կու-
տայ որ ուրիշներէն միշտ խաբիին : Այդ տա-
րիքին մէջ էր Միւհէնտիսեան և օր մը մեղ-
րամումէ կանթեղ մը շինեց , և տեսաւ Միւ-
հէնտիսեան որ բարի է : Իւր յաջողակութե-
նէն քաջալերված՝ կանթեղն աւրեց և անոր
տեղ պղտիկ կատու մը շինեց : Օր մը եալը
կատուէն ընկուղենի մը շինեց և հետեւալ
օրն ալ ընկուղենին դդումի այլափոխեց :

Այս ամենուն մէջ կատարելապէս յաջողելէն ետքն ըստ . Տուր Տ' ու շնչառ — մեղբամոմէ — և դգումն առնելուն պէս մարդու բարեփոխեց զայն և իւր արարչադործութիւնն կատարեալ եղաւ :

Հայրը տեսնելով որ իւր տղուն ձեռները հանճար ունին՝ միշտ կը քաջալերէր զի՞նքն երբեմն նուէր տալով և միշտ խրատ :

Եօթներորդ տարուան մտնելուն պէս թաղային վարժարանը զրկվեցաւ որ նախնական ուսումներն առնէ : Արդէն այն թուականին վարժարանները հիմակուամներուն պէս նոխնական էն ուրիշ բան չունէին տալու . Երբեմն նոխնական իսկ կը պակսէր : Միւհինտիսեան շարունակ աշխատելով կատարելապէս սորվեցաւ Սալուր, Կոռակարանն և Նորէր, որոնք ընթերցանութեան երրորդութիւն մը կը կազմէին այն ատենները :

Երեկոյները տուն դառնալուն պէս ծունկ կը չոքէր հօրը առջև որ իրեկ զբօսանք բաներ կը սորվեցունէր իրեն . զոր օրինակ՝ գաւաթ մը չափել և որչափ ջուր առնելը դըտնել . Ժնան ըսված դործիքով էլլիէն առնել . ժամը քանի ըլլալն դիսնալ և արևուն ծագումը դանել : Ժնանը այսօր բնաւ չդործած վիր, վասն զի ամեն մարդ իւր փորէն

կարող է դուշակել ժամը քանի ըլլալը : Երեկոյեան աշխատութենէ աւելցած ժամերն ալ պարապ չէր անցունէր, ձայնագրութեան դաս կառնէր Նուանտ պապ Համբարձումէն որուն կենացը վրայօք ոչինչ գիտենք այսօր : Այնքան կը սիրէր Դէ-Շնէ+ովլ խալ կանչելն որ ամէն մէկ երգին բանբաւն մը կը պատռէր, այնքան ուժով կը զարնէր ծունկերուն . Եթէ ամբողջ ֆասւ մը Դէ-Շնէ+ովլ կարդալու ըլլար տասներկու հատ բանթալօն պէտք կըլլար : Հայերէն ձայնագրութեան մէջ հսկայաքայլ յառաջ երթալէն ետքը եւրոպականն ալ սորվեցաւ . ուսկից փափաք եկաւ վրան դաշնակ զարնելու : Եթէ չենք ըլխալիր՝ ինք առաջինն եղաւ ազգին մէջ դաշնակ զարնող : Այն ատենները դաշնակն շատերու անծանօթ նուագարան մը ըլլալով անոր ձայնն առնողները փողոցին մէջ կը շարվէին և մտիկ կընէին : Դաշնակ զարնելը բան մը չէ, աղէկ զարնելը բան մ'է, և Միւհինտիսեանի մասներն այնքան վարժ էին որ դաշնակին դպչենուն պէս, անոր ձայնէն կզմայլէին և թռչաելով կուգային տանիքներու վրայ կիշնային ագուաւներն, վասն զի այն ատենները սոխակ չկար . միայն սոխակ մը կար դրացւոյն տունը որ իւր գեղգեղանք-

ներով կը պատասխանէր . բայց ափսոս որ ,
այն սոխակն ալ մեր բախտէն Արքատիի էր :
Այսու ամենայնիւ Արքատիի սոխակն էր որ
Միւհէնտիսեանի փառքը կաւելցունէր , ոչ
թէ անոր համար որ աւանակին ձայնին քով
դաշնակինը բարձր տեղ մը կը բունէր այլ
անոր համար որ դաշնակով աւելի գժուար
է իշու մը զդացումները արթնցնելը քան թէ
սոխակի մը : Միթէ պերճախօսութեան ար-
հեստին մէջ ալ այսպէս չէ . . . Զգ այուն
սիրտ մը յուզելու համար Տեմոսթէնէս շատ
է . իսկ անդպայները յուզելու համար կիկե-
րոններ քիչ են : Կրակն մի և նոյն կերպով
չներգործեր բամպակի և ապառաժի վրայ :
Սովեալներու համար հրատարակված սրտա-
ճըմիկ և աղէխարշ նամակներն այնչափ կազ-
դեն անդպայ հարուստներու վրայ որչափ
փոքրիկ կայծ մը՝ ապառաժի մը վրայ : Ա. Լ
դիւրին է գուշակել . կարծենք . որ Միւհէն-
տիսեան քաջ դաշնակահար մէր :

Երաժշտական ճիւղին մէջ դաշնակահա-
րութեամբ շշատացաւ . եւրոպական ձայնադ-
րութենէ լուսաւորվելով հայկականին մէջ
եղած թերութիւններն ուղղեց . ձայնագրու-
թեան կանոնները պարունակող տետրակ մը
շինեց և յետոյ , երբ տպարանապես եղաւ ,

աղյն հօնաներուն հայր և մայր գիրերը պատ-
րաստեց . բայց պարագայները թող չտուին
որ այդ հայր և մայր գիրերն իրենց զաւակ-
ներն իրայ ընծայէին : Ասոնցմէ զատ ունի
նաև շինած պղտիկ երգեհոն մը՝ որ էլէնը
կը պարունակէր իւր բէշէքովն , պէտիովն ,
շրտներովն և սէմայէովը :

Եւ որովհետև երգեհոնով էլէնի ֆուլը
եղանակելն հաց չտար մարդուս՝ Միւհէնտիս-
եան ոսկերչի մը քովը մտաւ : Իւր բնատուր
ձիրքովն քիչ ժամանակի մէջ յառաջ գնաց
ստուտութեան մէջ : Ինչ որ մեղրամումէ կը
շինէր պղտիկութեան մէջ արծաթէ և ոսկիէ
շինել սկսաւ : Ազգային բոլոր նշանաւորնե-
րուն գործերն կը շինէր և ամենուն սէրն ու
համակրութիւնը գրաւած էր :

Ա. դամին գործած յանցանքը նկատողու-
թեան առնելով կըսեմ թէ արժանի էր որ
իւր ճակատին քրտինքովն ապրելու դատա-
պարտիքը և ոչ թէ շատ մը պէտքու կամ
էֆեռտիներու պէս մեր ճակատին քրտինքովն
ապրելով վոսփորի ծովափունքին վրայ պա-
լատի պէս տուներու մէջ Եւայն քովն առնէր
և փափուկ բազմացներու վրայ նստէր . նոյն-
ուիկ օձին ալ խորամանկութիւնը տեսնելով
կընդունիմ թէ գետնի վրայ սողալով քալե-

լու պատժոյն ենթարկվելու էր և ոչ թէ մեզի պէս կանգնելով քայելու էր, ինչպէս կը քալէր անշուշտ առաջ. բայց երբ Միւհէնտիսեանի բարի վարքը կը դիտեմ, հետաքրքրքիր կրլամ հասկնալու թէ ի՞նչ մեղք դործած է արդեօք որ տպարանապետ ըլլալու ծանր պատիժը կրելու դատապարտված է: Գիտէք հարկաւ որ մեր ազգին մէջ տպարանապետ ըլլալն անանկ ծանր պատիժ մ'է որ ոչ սողալով քայելու կը նմանի ո՛չ ալ ճակատի քրտինքով ապրելու պատժոյն որուն այսօր ամենքս ալ կը փափաքինք և չենք կարող արժանի ըլլալ . . . — ինչ որ պատիժ էր Ադամայ օրով վարձատրութիւն կը համարվի այսօր Պօլսոյ մէջ — : Ադամ արդիւեալ ծառէն կերաւ, ետեւը բացվեցաւ և վերջէն թզենիով դոցվեցաւ. պատասխան տուէք ինձ, ո՞վ պատմազէտներ. այս տպարանապետներն այդ արդիւեալ ծառն ամբո՞ջ կլեցին որ իրենց ետեւը միշտ բաց է և բնաւ չբոցվիր . . . հապա դասատուները՝ որ բան մը կերած չունին խեղճերը . . . հապա խմբագիրներն որ միսի վրայ գաղափար չունին ինչպէս կոյլերը գոյնին վրայ: Պատասխան չէք տար. ես ալ չեմ ուզեր, թող աս ալ Լոյնի բաժանորդագիններուն քովս եր-

թայ, երբ որ Լոյնի շրջանն լրանայ՝ այն ատեն կուտաք: Մ'ենք Միւհէնտիսեանի դառնանք :

1839 ին ազգը Սրապեան տպարան մ'ունէր միայն. և Մանուէլեան կը փափաքէր տըպարան մը հաստատել ձեմարանի մէջ որ նոր բացված էր: Մանուէլեան իւր այս փափաքը կը հաղորդէ Թաղէոս Տիվիթճեանի՝ որ Բէրաենելով հրեայ փորագրիչ մը կը գտնէ և հայերէն հայր գիրեր շինել կուտայ անոր: Տիվիթճեան կը տեսնէ որ այդ հրէին շինած գիրերը հայերէն չեն այլ տարբեր ձեռվով ու ճաշակով խել մը նշաններ՝ որոնք անոնց գործին միայն կուգայ որ կը փափաքին նոր լեզու մը ստեղծել: Տիվիթճեան կստիպվի հրաժարիլ այս ձեռնարկութենէն և Միւհէնտիսեան Խաչատուր Միսաքեանի թելադրութեամբ և ընկերակցութեամբ ծախու կառնէ Տիվիթճեանի գիրերն որոնք հրէին շինած հայերուն և Տիվիթճեանի պատրաստած մայրերուն ծնունդն էին: Միւհէնտիսեան այդ հայրերը և մայրերը կը կոկէ և այնպիսի ձև մը կուտայ անոնց որ ճաշակը կը հաւնի: Այս արհեստին մէջ մտնելուն պէս հոգւով եւ մարմնով աշխատեցաւ որ տեսակ տեսակ գիրեր պատրաստէ: Մէկ երկու տարիէն դդտ-

լով որ մինակ աչաց տեսութեամբ շինելն շատ գժուար բան էր՝ զործիք մը հնարեց որուն մէջ փորագրելիք պողպատն անցընելով կը բնար նոյն պողպատին ծայրը բարակ և սրածայր պողպատով մը աղիւսակներ դժել դիրերուն , սիւներուն և միջոցներուն հաստութեանը , ծռութեանը և բարձրութեանը չափով , և այն գիծերուն համեմատ կը փորագրէր . որով եթէ այն մը շինել ուզէր՝ այնին երեք սիւնը հաւասար հաստութեամբ հաւասար ծռութեամբ և հաւասար երկայնութեամբ կըլլար : — Ինչպէս կը տեսնվի . այնին ամեն կողմը հաւասարութիւն կար , մինչդեռ թօւրքիոյ և ո՛չ մէկ կողմը կայ այս հաւասարութիւնը : Այս գործիքը շինելէն ետքը ուրիշ գործիք մ'ալ հնարեց որով հայր գիրը պղինձին վրայ մամուլի ճնշմամբ կը դարնէր և ոչ թէ կռանի հարուածով ինչպէս կընէին ուրիշները :

1840ին Միւհէնտիսեանի շնորհիւ Պօլսոյ մէջ առաջին անդամ մաքուր Օբայց տպվեցաւ ի ձեմ : Սրբոյ Երուսա. մինչև այն թուականը վենեսետիկէն կուգային Օբայցները . . . և շատ անդամ Օբայցներուն դալն ուշանալով Պատրիարքարանն օրերը կը շփոթէր և վենետիկ հարցունելու կստիպվէր թէ Հռու

շբա՞ն է : Արդեօք քանի քանի անգամներ Ծնունդի օրը խաչելութեան աւետարաններ կարդացված են , ով գիտէ ի՞նչ քաշած է Որդի Մարդոյ մեր ազգին ձեռքէն . . . : Միւհէնտիսեան կը փափաքէր տպարան մը բանալ և թողուլ ձեմարանն որ գոցվելու վրայ էր , բայց ուրիշ տպարանապետ մը արգելք կըլլար և Աստատուր Պատրիարքին միջնորդութեամբ թող չէր տար որ տպարան բանար , ուստի Օբայցն զատ բան չէր կըրնար տպել ձեմարանի մէջ : Զուգուր Զէշմէ խանը կը փոխադրէ իւր գիրերն ու մամուլն Աստատուր Պատրիարք իմանալուն պէս նուրեւ մը կը դրէ Բ. Դուռը և կը պահանջէ որ գոցվի այդ տպարանն իրմէ հրաման առած շլլալուն համար : Աղերսադիր կը մատուցանէ Բ. Դուռն որ Պատրիարքարան կը դրկէ զինք ըսելով թէ՝ գնա՛ Պատրիարքէն հրաման ա՛ռ , Պատրիարքարան կերթայ , և Պատրիարքէն կը մերժվի : Ամիրաները որոնք կը ճանաչէին և կը սիրէին Միւհէնտիսեանը , գիշեր մը կը գտնըլին տուն մը ուր ներկայ էր նաև Պատրիարքը : Խօսք կը բանան և կաղաչեն նորին Սրբազնութեան որ հաճի տպարանի արտօնութիւն շնորհել Միւհէնտիսեանի . Պատրիարքը կը սրդողի և կըս-

պառնայ : 1843ին Բարիղէն կրծիկեան Յակոբ էֆէնտին կիմանայ և իւր թուրք ծանօթներուն կը գրէ հոս որ աշխատին Միւհէնտիսեան տպարանին բացվելուն : Ասոր զրայ Բ. Դունէն թաքրիր կը գրվի Պատրիարքին որ հրաման տայ : Պատրիարքը յէկդի կը նետէ Բ. Դրան նարքէն , ինչպէս որ Բ. Դուռը կընէ հիմայ Պատրիարքարանի նարքէներուն : Այս շափ աշխատութեան ապարդիւն մնալուն վըրայ բարեկամները կըսեն Միւհէնտիսեանի :

— Մինչև որ այս մարդը չմեռնի կամ չհրաժարի գուն տպարան բանալիք չունիս :

— Եթէ այս մարդը չմեռնի ես անօթի պիտի մնամ , կը պատասխանէ Միւհէնտիսեան :

1844ին կը հրաժարի Ասատուր Պատրիարք որուն կը յաջորդէ Մատթէոս Պատրիարք որ վերջէն կաթողիկոս եղաւ : Ասոր օրովը բացվեցաւ Միւհէնտիսեան տպարանն որ մեծ անուն վաստըկեցաւ իւր տպած Օրոցաներով , Սահմաներով , Նարքէներով այլ և այլ գիրքերով , Մելլով , Ժամանակով , Մէճառայլ հաշորտով են . Դրաշարները պոչը կարած դ . լ . լ , շ . չ . չ , վ տառեր վնտուելու դժուարութենէն աղատելու համար ծոցագիրները շինեց :

Որշափ մեր աղգին նոյնշափ և թերես

աւելի ծառայութիւն մատուցած է թուրք աղգին , Թառաւէն գիրը յօրինեց որով տպվեցաւ տաճկերէն առաջին անգամ բնաւէն էնետայէ անուն տետրակը : 1867ին շինեց նւէն գիրն որուն օրինակը տարաւ Մեծ Եպարքոս Ա.ալի բաշային որ չնորհակալութեամբ ընդունելով այդ գիրերն յայտնեց թէ աղգին երախտագիտութեանը արժանի է : Այս գիրով տպված է հէլլէն հատակ անուն տետրակը : Միւհէնտիսեան այս գիրերուն համար նուէր առաւ կառավարութենէ ինչպէս նաև ցմահ առնելու պայմանաւ երկու հարիւր դահեկան ամսական կապվեցաւ իրեն , բայց չմեռած կարվեցաւ այս թոշակն որ չորս հինգ ամիս միայն արվեցաւ :

Գիր շինելէն գիրք տպելէն աւելի թըզթագրամի կաղապար շինած է և թղթագրամ տպած է , և այս մասին ալ ընաւ զոհողութիւն չէ խնայած հայրենեաց փառացը համար : Առաջին անգամ թղթագրամը ձեռագիր էր և ուրիշ կառավարութիւններու թըզթագրամներուն քով շատ յարգ չունէր : Միւհէնտիսեան ուզեց որ մեր կառավարութիւնն ալ ունենայ գեղեցիկ և ձեւառը թղթագրամ : ուստի 1843 ին կաղապար մը շինեց և կառավարութեան ներկայացուց , կառավարութիւնն

առաւ զայն , քննեց և հաւանեցաւ և հրա-
ման տուաւ որ տպվի : Թղթադրամները տրպ-
վիլ սկսան : Քիչ մը ժամանակ անցնելէն ետ-
քը հրաման տրվեցաւ որ նորէն տպվի . նո-
րէն տպվեցաւ , Երրորդ անգամ տպվի : Ին-
չո՞ւ չէ , տպվի : Միւհէնտիսեան քաջալերվե-
լով իրեն տրված խրախոյսէն՝ ուզեց որ աւե-
լի փառաւոր թղթադրամ մը շինէ : Շարաթ
մը աշխատելէն ետքը ուրիշ ձևով թղթադրամ
մը շինեց և կառավարութեան ներկայացուց .

— 0.00 . . . ասոր խօսք չկայ :

— Աս առաջինէն աղէկ է :

— Աս սքանչելի բան է էֆէնտի :

— Ի՞նչ կըսէք , պէյ , սըկէ քիչ մը բան
տպել տա՞նք :

— Հարցունելու աւելորդ է , տպվի է-
ֆէնտիմ տպվի :

Նորէն կը տպվի և քանի մը ամիսէն
Միւհէնտիսեան կը կանչի :

— Սա ուրիշ աւելի աղուոր բան մը կըր-
նա՞ս շինել :

— Վաղը կը բերեմ , էֆէնտի :

Հետեւեալ օրն ուրիշ կաղապար մը կը
տանի :

— Տեսա՛ր , իմ ուզածս ասանկ էր .
սըկէ տպեցէ՞ք և անունը ֆայտութիւն :

Արագատիպը կսկսի բանիլ , ամեն դառ-
նալուն քաղաքը միլիոններու մէջ կը խղդէ :

Տարի մը ետքը :

— Սա Միւհէնտիսեանը չկանչէ՞ք :

— Հոս եմ , էֆէնտի , հոս եմ :

— Մոյլ մէկն ես դուն . ուր էր մեզի
նոր կաղապարներ պիտի բերէիր :

— Քովս ունիմ հատ մը . . . հրամմե-
ցէ՞ք , տեսէ՞ք :

— Մինչև հիմայ շինածներուդ ամենէն
աղէկն աս է . տպեցէ՞ք ասկէ և անունը ֆա-
յտութիւն :

— Շատ լաւ :

Ֆայտուները կը տպագրվին ու քանի մը
շաբաթէն ետքը շրջաբերութեան կը հանվին :

Այս թուղթերէն զատ տպագրած է
Եւհուս ամսութիւնն . Եւհուլուն դամբադիւն և ուրիշ
շատ մը թղթադրամներ և արժէթուղթեր
որոնք հասարակութենէ այն աստիճան սի-
րալիր ընդունելութիւն գտան որ անոնցմէ ո-
մանք տաներորդ և ոմանք քսաներորդ տը-
պագրութեան արժանացան : Եթէ տառնը
դիրք ըլլային և օտար լեզուներու թարգ-
մանվէին՝ մեծ վաստակ կը ձգէին : Զեր մըտ-
քէն ելած չէ որ 1860 ին էյտնէն ամսութիւնը ը-
սելով կառավարութիւնն ուզեց թղթադրա-

մը վերցունել : Օրին մէկը յայտարարութիւն
մը հանելէն վերջը թէ՝ կառավարութիւնն ա՛լ
թղթադրամ չպիտի ընդունի՝ 1861 ին նոր
և գեղատեսիլ թղթադրամներ հանեց : Այս
թղթադրամներն ալ Միւհէնտիսեանի գրչին
արդիւնքն են : Համբելով անհնար է լմնցու-
նել այս անձին թղթեայ երկասիրութիւններն
որոնք այնչափ հարստացուցին և այնչափ
աղքատացուցին երկիրը : Ինքն ալ ոչ նուազ
միասմեջաւ վաժուուն եօթանասուն գործա-
ւորի ամսական տալու համար սեղանաւորնե-
րէն տոկոսով գրամ վերցունելով : Այս միա-
սու հետեանքն է տպարանին նախ երեսի վրայ
թողվին և ապա բոլորովին գոցվիլը . թէպէտ
և յիշեալ տպարանը . ինչպէս բոլոր հայ տը-
պարանները, չէր կարող իւր ծախքը գոցել
հայերէն հրատարակութիւններ ի լոյս ածե-
լով : . . կեցցե՞ն աղգային գրականութիւն
և անօթութիւն :

1874 ապրիլ 25 ին Ղալաթիոյ մաքսա-
տունը Վերածայէ ստճէնէ յին տպարանը մտաւ
փորագրութեան տպաշտօնով զոր մինչև այսօր
կը շարունակէ :

Ունի ուրիշ այլեայլ փորագրութիւններ
որոնց ամբողջութիւնն ամեն . Ս. Ներսէս
Պատրիարքն իրմէ ուղած և առած է Պատ-
րիարքարանի մէջ կախելու համար :

Երեսվոյսան ընտրոված ըլլալով քանի մը
տարիներ Աղգային ժողովներուն ներկայ
գտնվեցաւ : Ամէն անգամ որ Պատրիարքա-
րանի մնաւուկին վրայ իրեն կարծիքը կը
հարցովէր՝ կը պատասխանէր թէ թղթադրամ
հանելէն ուրիշ հնարք չկայ :

Այս անձը եօթանասուն տարի է այսօր,
և եթէ իւր արհեստը կատարելագործելու
համար ունեցած փափաքին նայինք՝ դեռ
եօթանասուն տարի ապրելու միոք ունի :
Տարիները երբէք չեն նուազեցուցած իւր
ճարտարութիւնը . այսօր երեկէ աղէկ կը
փորէ, վաղը այսօրէ աղէկ պիտի դծէ :

Մնդոք մնալէ ուրիշ բանէ մը չվախ-
նար . միշա կաշխատի և կը փափաքի որ քա-
նի մը աւուր մէջ Ղալաթիոյ բոլոր տուները
և խանութները գնէ :

Զինքը խարելու համար ոչ օձի կերպա-
րանք մտնել հարկ է՝ ոչ ալ աղաւնիի . յա-
նուն մարդկութեան կարող ես երկու տարի
աշխատցունել զինքը և չվճարել պատրու-
կելով թէ՝ առնելիքներ ունիմ և չեմ կարող
առնել : Այդ խօսքիդ ոչ թէ միայն կը հա-
ւատայ այլ կը խշճայ վրագ : Զափաղանց ա-
ռատաձեռն ըլլալու թերութիւնն ունի և այս
իսկ էր իւր նաւուն զէկը վարողը :

Եթէ կուղէ ոք ճանաշել այս մարդը
վաղցի մէջ՝ թող աշացն առջև բերէ այն
մարդուն քալելն որ տասնըհինգ տարիէ ի
վեր բացակայ դժնըվող եղբօրը դալը կիմա-
նայ յանկարծ և զայն տեսնելու համար տանը
ճանրան կը բռնէ : Այսափը հերիք չէ, պի-
տի ըսես, պէտք է որ դէմքին վրայ տեղե-
կութիւն ունենամ, ծառ լաւ : Պղտիկու-
թեան ժամանակ հիւրի մը խահվէ տուած
տտենդ չէ հանդիպած երբէք որ խահուէին
դաւաթը դիպուածով իյնայ և խահուէն ալ
հիւրին վրայ թափիլի . — Քանի մը անդամ
հանդիպած է . — Այն ժամուն հայրդ բար-
կութեամբ ծուռ ծուռ երեսդ չէ նայած .
— Նայած է . — Ահա այն ժամուն ինչ դէմք
որ ունեցար դուռ՝ նոյնն ունի այսօր Յովհան-
նէս էֆէնտի Միւհէնտիսեան :

ՅՈՒՅԱԿ ԱԶԳԱՅԻՆ ԶՈԶԵՐՈՒ

Եջ	161
Ստեփան Բաբազեան	177
Խաչատրուր Միաբեկան	193
Սուրեաս Քաղանձեան	209
Վահան Պարտիզակյի	225
Գրիգոր Արծրունի	241
Գրիգոր Լնֆիյէճեան	257
Պօլս Պօյնուէյրիեան	273
Համբարձում Խփէքմեան	289
Յովհաննէս Միւհէնտիսեան	305

ՎԵՐՋ ԵՐԿՐՈՐԴ ՀԱՏՈՐՈՑ





15765

53

63

115

10-5-6

ՀՀ Ազգային գրադարան



NL0585592

Դեկտեմբեր

230